

近代中國史料叢刊續編第四十四輯
沈雲龍主編

星洲十年（附錄·大事記）

星洲日報社編

文藻出版社

有限公司
印行

中華民國六十六年七月出版

近代中國史料叢刊續編 第四十四輯

精裝：十一冊

定價：新台幣三千二百元正

主編者：沈雲龍

發行人：李振華

出版者：文海出版社有限公司

臺北縣永和鎮中興街99巷8號

郵政劃撥戶第二七八四號

印刷者：東南印製廠有限公司

台北市西園路294巷15弄17號

經銷者：全省各大書局

行政院新聞局出版事業登記證局版台業字第〇四四九號

附錄

匡人



附錄

新加坡一百二十年大事記

- 一八一九年 一月二十八日萊佛士在新加坡登岸。二月六日與柔佛首腦締約。是日島上懸英國旗。萊佛士登岸時，島上共有人口二百一十名，即華人卅，原始馬來人 (Takuu) 三十，及天猛公 (Temenggong 馬來官名) 之隨從一百五十名是也。
- 一八二零年 英商莊士敦 (A. L. Johnston) 自好望角來新，旋被舉為新加坡一區之縣長。駐劄官建議設立烟酒分區包稅制。
- 一八一二年 島上設置警察，計二十人，由巴那德 (F. J. Barnard) 負責指揮，由商人供給費用。是年總人口計四，七二七人，華僑佔一，一五九人。
- 一八二二年 在康甯砲台 (Fort Canning) 後面開始規劃市區植物園。在康寧砲台上建築政府官邸。在濕米路 (Bras Basah Road) 一隅開一學校，教授男女生徒。跨新加坡河建一橋以連貫大小坡大馬路。是年船隻之來航新加坡者，計有大帆船一三九艘，土人小船一，四三四艘。
- 一八二三年 劃新加坡為十二區，每區各委一區長。駐劄官法夸爾上校 (Colonel Farquhar) 被阿刺伯人耶新 (Syed Yassin) 刺傷。萊佛士再蒞新加坡，召集各領袖會議，創辦新加坡中學。法夸爾上校解職。委克洛福特 (John Crawford) 為駐劄官。新加坡歸孟加拉政府直轄。禁止鬥鷄。當地衛戍兵營遷至四排埔。萊佛士離新加坡。
- 一八二四年 新加坡紀年報 (Singapore Chronicle) 發刊。舉行第一次人口調查。再與

柔佛首領締最後條約，首領宣佈放棄新加坡之一切權益。是年總人口為一零，六八三人，華僑佔三，三一七人。

一八二五年 是年新加坡之總人口為一一，八五一人，其中華僑佔三，八二八人。

一八二六年 委富婁冬 (Robert Fullerton) 為省長。以其時檳榔嶼與新加坡均為屬於孟加

拉之一省區也。是年之總人口為一二，九零五人，華僑佔四，二七九人。

一八二七年 檳榔嶼，新加坡及馬六甲各設立裁判所。第一次荷蘭商輪卡必蘭號 (Van

der Capellan) 到達新加坡。是年之總人口為一三，七三二人，華僑佔六，零八八人。

一八二八年 新加坡開第一次刑法會議。是年之總人口為一四，八八五人，華僑佔六，

二二零人。

一八二九年 印度總督班丁克 (William Bentinck) 訪問新加坡。是年之總人口為一八，

八一九人，華僑佔七，五七五人。

一八三零年 十八間 (Circular Road) 大火，該區停止商業達一星期。新加坡，檳榔嶼及

馬六甲統歸孟加拉政府節制。裁判所取消。商業受嚴重影響。是年之總人口為一

六，六三四人，華僑佔六，五五五人。

一八三一年 麻打拉斯 (Madras) 第二十九營步兵，准每星期在大草坪奏樂一次。

一八三二年 撥濕米路之空地一方與羅馬天主教，作為開辦學校之用，是即今日之聖若瑟

學校也。檳榔嶼，新加坡及馬六甲之總政府本在檳城，是年起始由檳移新。是年新

加坡之總人口為一九，七一五人，華僑佔七，七六二人。

一八三三年 任考爾門 (Coleman) 為工務監督，興建大小坡大馬路。新法官毛金 (B. Mal-

kin) 抵新。新加坡地震。墨吉生 (Murchison) 宣誓為海峽殖民地之總督。是年之總人

口爲二零，九七八人，華僑佔八，五一七人。

一八三四年 在康甯砲台山麓開一小學。是年新加坡之總人口爲二六，三二九人，華僑佔二零，七六七人。

一八三五年 將關於海盜問題之備忘錄送呈印度總督及英皇。新加坡自由西報發刊。
安德烈教堂行奠基禮。

一八三六年 建一法庭。阿美尼亞教堂興築。是年之總人口爲二九，九八四人，華僑佔一三，七四九人。

一八三七年 新加坡商會成立。新加坡中學(現卽萊佛士中學)始成爲正式之學校。

一八三八年 新加坡市民集會於圖書館，商議辦一輪船，行駛於錫蘭，海峽殖民地及中國之間，俾可與印度及蘇彝士間之輪船連繫。

一八三九年 新加坡第一次建造之船行下水禮。

一八四零年 加爾各答友聯銀行(Union Bank of Calcutta)開設分行，此爲新加坡有銀行之始。是年之總人口爲三五，三八九人，華僑佔一七，七零四人。

一八四一年 政府公佈測量全島。

一八四二年 取消一切奴隸制度，政府禁止吉靈人迎神賽會，於是吉靈工人及商人一致罷工罷業。

一八四三年 舉行第一次賽馬。築一路通至武吉智碼(Bukit Timah)山頂。萊佛士中學內添設女校。

一八四四年 陳篤生創辦之貧民醫院(今稱陳篤生醫院)在珍珠山行奠基禮。

一八四五年 工務局(Masonic Lodge)成立。武吉智碼路伸展至克蘭琪(Klangi)。大英

郵船公司(P. & O. Co.)之郵船第一次到新。海峽時報發刊。

一八四六年 納閩島(Labuan)割讓與英。第一次商業名錄(Directory)發行，由胡茨(R. C. Woods)主編。

一八四七年 新監獄行奠基禮。

一八四八年 新加坡市民反對以香港之犯罪配送至新。柔佛天猛公壘斷馬來樹膠(Gutta Percha)，新加坡商會提出反對。

一八四九年 是年新加坡之總人口爲五九，零四三人，華僑佔二七，九八八人。

一八五零年 印度總督達爾胡絲侯爵(Marquess of Dalhousie)來新訪問。霍斯伯燈塔(Horsburgh Light-house)行奠基禮。

一八五一年 檳榔嶼，馬六甲及新加坡直接受印度最高政府節制。聖若瑟教堂行奠基禮。

一八五二年 聖若瑟學校開學。修道女學建築校舍，地點在濕米路與維多利亞街之轉角處。

一八五三年 雪克罪犯越獄，馬來各邦成無政府狀態。印度政府擬定羅比(Rupce)爲海峽殖民地合法幣制，新加坡反對。

一八五四年 華僑之間發生械鬥，亘時兩星期。萊佛士燈塔行奠基禮。

一八五五年 總督白德孚斯爲市政廳(Town Hall)行奠基禮。柔佛蘇丹胡新(Husian)歿，子阿里(Alin)繼位，就職禮舉行於新加坡之政府官邸。

一八五六年 安德烈大教堂由加爾各答主教行奠基禮。

一八五七年 陳篤生醫院遷至巴利士打平原(Balesier Plain)。

一八五八年 市政廳行落成禮。委哥烈也 (Captain Collyer) 爲總工程司，規劃新加坡之要塞。

一八五九年 建康甯炮台。新加坡與吧達維亞之間成立電報通訊。

一八六〇年 是年新加坡之總人口爲八一，七三四人，華僑佔五〇，〇四三人。

一八六一年 新加坡地震。丁加奴蘇丹及彭亨朋特哈拉 (Bandahara) 來新訪問。

一八六二年 安德烈大教堂之僧正行就職禮。圖書館由萊佛士中學遷至市政廳。

一八六三年 郵票條例實施。

一八六四年 街道兩旁始裝煤氣燈。

一八六五年 考爾門橋 (Coleman's Bridge) 完工。

一八六六年 任麥斯威爵士 (Peter Benson Maxwell) 爲大法官，其所著之「海峽縣長之職務」(The Duties of Straits Magistrates) 一書卽於是年出版。

一八六七年 海峽殖民地脫離印度，歸理藩部直轄，由是稱爲皇家殖民地。

一八六八年 大法官麥斯威爵士因政府頒佈之保安法令 (Preservation of Peace Ordinance) 苛

待華僑，上呈理藩大臣論辯。

一八六九年 愛丁堡公爵 (Duke of Edinburgh) 蒞星遊歷。胡亞基任立法會議議員。

一八七〇年 私會黨發生械鬥。

一八七一年 在監獄內之負債人，一律根據新定之債務法判斷。檳城與麻打拉斯間之海

底電線完成。新加坡鐵路公司開第一次會議。義興與福興兩黨在武吉智碼發生械鬥

。派義勇軍七十八名駐紮於富婁冬砲台 (Fort Fullerton)。暹羅王瑪拉五世來遊新加

坡。新加坡與香港之間接通海底電報。雪蘭莪砲台 (Selangor Fort) 沿巴生河一帶爲

軍艦靈那圖 (Rinaldo) 摧毀。是年新加坡之總人口爲九七, 一一一人, 華僑佔五四, 五七二人。

一八七二年 關於新加坡敷設鐵路事開大衆會議。升旗山開始用氣象符號。發行五分, 一角及兩角之硬幣。在市政廳前面建一銅象, 以爲暹王第一次遊新之紀念。亞烈山德魯公爵 (Grand Duke Alexis Alexandrovich) 來新訪問。華僑私鬥。頒布治安法令。

一八七三年 出入口局合併。通過軍事設備案。檳城反對取消副總督。發生極微之地震。霹靂拿律華人礦工大鬥殺, 遂開海峽政府干涉之端。

一八七四年 簽訂邦哥 (Pangkor) 條約, 此爲英國委任霹靂, 雪蘭莪等英國駐劄官之始。本埠郵資每半英兩減爲二分。郵政局遷至富婁冬要塞。東陵區微感地震。植物園開放。英一鎊合叻幣四元八角。至倫敦運費每噸五十五先令。萊佛士中學之學費每月一角五分。

一八七五年 在四排埔處死罪犯九名。霹靂駐劄官柏赤 (J. W. W. Birch) 遭暗殺身死。委大維孫 (J. G. Davidson) 爲雪蘭莪駐劄官。

一八七六年 囚霹靂之達督沙莪 (Datu Sagon) 於新加坡。賜一等勳章 G. C. M. G. 與柔佛大王。賜三等勳章 C. M. G. 與胡亞基。章芳林捐款三千元建一草坪, 卽以捐款者之名名之 (該草坪卽在今之地方法院及警庭之後面)。森美蘭之各馬來首領間簽訂和平條約。一八七七年 霹靂蘇丹阿圖拉 (Sultan Abdullah) 撤職。海峽殖民地加入萬國郵務會。檳城與仰光間之海底電線完成。丹戎百葛大火。政府公佈承認胡亞基爲中國駐新加坡領事。皇家亞洲學會海峽分會成立。匯豐銀行在新加坡設分行。

- 一八七八年 新加坡義勇軍改組。天定州(Dindings)監督勞合(C. H. Lloyd)被暗殺。
- 一八七九年 新加坡新監獄由羅濱孫爵士(W. C. K. Robinson)行奠基禮。丹戎百葛船塢成立。奇奴亞公爵(Duke of Genoa)訪新。
- 一八八〇年 從上海輸入人力車。胡亞基歿，遺骸運回中國。德國皇子亨利(Heinrich)訪新。新加坡蒸氣洗衣公司成立。市政廳洋台坍塌，一英人下墜身亡。叻報創辦，是為華文報紙之始。新加坡屬英後，第一次處死女犯。
- 一八八一年 新加坡救火會成立。瑞天咸(F. A. Swettenham)所編之馬來字彙印行。馬六甲之英戌軍撤退。電話局成立。新加坡及檳城之商會取消英印輪船公司(B. I. S. N. Co.)之郵費津貼。新加坡與檳城間之郵費減為每英兩四分。是年新加坡之總人口為一三九，二〇八人，華僑佔八六，七六六人。
- 一八八二年 陳金聲紀念噴水池行揭幕禮。頒佈取締私會條例。金榜格蘭(Kampung Glam)華僑私鬥。萊佛士博物院內之毒蛇一條逃逸。
- 一八八三年 新加坡開水族展覽會。不打里路(Battery Road)大火。新加坡與柔佛之間始通電話。華理趣山(Mount Wallich)爆炸。爪哇克拉喀都火山(Krakatau)大爆發，星洲人士募款七，五〇〇元匯往救濟。新加坡蒸氣電車公司成立。新加坡擊斃一豹。
- 一八八四年 發行二分之郵片。新聞紙郵費減為二分。馬來海盜五人處死。
- 一八八五年 蒸氣電車路軌鋪成一段。海峽殖民地與英帝國間之郵包確定辦法。維多利亞女皇與柔佛大王簽訂新約。
- 一八八六年 可可吉靈羣島(Cocos-Keeling Islands)移交海峽殖民地政府管轄。柔佛大王

(Malacca) 公告爲柔佛國之蘇丹。 蒸汽電車開始駛行。 皮宗島 (Pulo Pisang) 燈塔落成。 檳榔嶼慶祝開埠百年紀念。

一八八七年 慶祝維多利亞女皇登極五十年紀念。 萊佛士銅像行揭幕禮。 海峽殖民地總督威爾特 (F. Weyl) 訪問彭亨蘇丹。 劃定新加坡市區之界限。 萊佛士圖書館與博物院大廈落成。 由威爾特爵士行開幕禮。 一武吉斯狂人 (Kun amok) 在蘇丹街 (Jalan Sultan) 殺死路人三，刺傷路人五。 中國艦隊來新訪問。

一八八八年 丹戎加東劇盜劫物。 富婁冬要塞裝置七吋徑大砲。

一八八九年 政府官邸內之維多利亞女皇像行揭幕禮。 海峽殖民地之戌軍與香港戌軍各分開獨立。 富婁冬要塞之七吋徑砲移置別處。 政府貯蓄銀行移交郵政局接辦。 設置警察委員會。 納閩島之行政。 移交英屬北婆羅洲公司管理。 取締私會條例遍貼全市。 新加坡蒸汽電車售去。

一八九〇年 華人諮議局 (或稱參事局) 舉行第一次會議。 頒布驗狗條例。 離市七英里之湯申路，一華人被虎所噬。 海峽醫學會 (Straits Medical Association) 成立。 外國軍艦一律不准駛入新港口 (New Harbour 即克伯爾 Keppel 港口)。 新加坡河口槍殺一鱷魚。 奧賓島 (Pulo Ubin) 捕獲一虎。 駐海峽殖民地之俄國領事到新履任。 放湏口徑九。二吋之大砲。 俄國大公爵遊新。

一八九一年 信件郵資減低。 中央警察局火藥爆炸。 克伯爾港口試行電車。 中國駐新加坡總領事黃遵憲由倫敦來新履任。 是年新加坡總人口爲一八四，五五四人，華僑佔一二一，九〇八人。

一八九二年 馬來半島各處略感地震。 渣打銀行成立。 新加坡舉行第一次宗教大會。

英華中學(Anglo-Chinese School)行奠基禮。蒲公島(Pulo Bukom)設貯油棧。

一八九三年 新加坡大雨，於二十小時間，其雨量竟達八，六〇吋。

一八九四年 章宜射死一虎。馬六甲興築鐵道計劃已批准。彭亨蘇丹來新。彭亨發生暴動。

英國幣制與海峽殖民地及香港間之幣制關係，業已批准。

一八九五年 四非官吏議員，一切陪審員，及華人諮議局職員，為軍費問題事，一律宣告辭職。軍費問題案決定從稅收中提出百分之十七，五。柔佛蘇丹晏駕於倫敦，新蘇丹伊勃拉欣(Ibrahim)登位。

一八九六年 蘇丹沙(Sultan Shoal)燈塔成立。李鴻章赴歐途過新加坡。新加坡地震。武吉智碼路射死兩虎。馬來聯邦成立(七月一日)。

一八九七年 新加坡與柔佛大水。慶祝維多利亞女皇鑽禧紀念。丹戎百葛設電燈廠。

一八九八年 新加坡與柔佛間之鐵道興築問題，在立法會議中提出討論。

一八九九年 新加坡與柔佛間之鐵道決定興築。丹戎百葛船塢公司及新港口(即克伯爾港口)船塢公司合併。

一九〇〇年 普魯士皇子亨利(Henry)在紅燈碼頭(Johnston's Pier)登岸。美以美會女校成立。新加坡集款一八，六四二鎊為南非洲戰事之用。英軍五千過新，至中國攻擊義和團。

九〇一年 維多利亞女皇駕崩，愛德華七世繼位。市政委員反對電車之架空天線。匯豐銀行被竊二七二，八五五元。是年新加坡之總人口為二二八，五五五人，華僑佔一六四，〇四一人。

九〇二年 教育委員會成立。新加坡水災。

- 一九〇三年 新加坡市與克蘭琪間之鐵道行通車禮。白克來所著之新加坡史 (Buckley's Anecdotal History) 出版。青年會 (Y. M. C. A.) 成立。新鑄之海峽銀幣到新。
- 一九〇四年 新加坡商會批評海港計劃。丹戎百葛船塢停止業務。
- 一九〇五年 孫中山先生蒞新加坡。第一次正式試行電車。波羅的海艦隊四十七艘過新。新加坡華僑抵制美貨。醫學專門學校開辦。維多利亞紀念堂成立。帝國政府統治渤泥。總匯報發行。
- 一九〇六年 中華總商會成立。規定海峽銀圓合二先令四便士。第一次發行一元紙幣。新加坡發生嚴重私鬥。
- 一九〇七年 華人義勇軍演武亭成立。荷屬東印度總督來新訪問。
- 一九〇八年 美國艦隊過新。從英國至新加坡之郵船縮為二十日。新產科醫院 (在竹脚) 成立。
- 一九〇九年 吉蘭丹，丁加奴，吉打，及玻璃市四州歸英國保護。新加坡地震兩次。柔佛境內之鐵道成立。教育廳成立。聯邦會議第一次集會於瓜刺江沙 (Kuala Kangsar)。
- 一九一〇年 專利局成立。第一次樹膠出售，計二百噸，每磅值十先令六又四分之三便士。丁加奴與英國簽訂條約。童子軍成立。
- 一九一一年 市民集會反對所得稅。馬來利亞病 (Malaria) 大流行，一日死二十人。新加坡大雨，二十四小時內雨量十吋。華商銀行成立。是年新加坡之總人口為二〇三，三二一人，華僑佔二一九，五七七人。
- 一九一二年 維多利亞紀念堂內加懸萊佛士及布碌克 (James Brookes) 之遺像。馬來聯邦

獻戰艦「馬來亞號」與英國。

一九一三年 新加坡與克蘭琪間之鐵道售與馬來聯邦，其價為四，一四七，〇〇〇元。

皇家船塢 (King's Dock) 成立。

一九一四年 修改英國與柔佛間所訂之條約。委任甘培爾 (D. G. Campbell) 為柔佛總顧問。

歐洲大戰發生。馬來亞論壇報印行。

一九一五年 新加坡印度戍軍兵變，死英人四十名。

一九一六年 納閩駐劄官毛德爾 (E. B. Maundrell) 為雪克 (Sikh) 警察槍殺。

一九一七年 兵變紀念碑行揭幕禮。和豐銀行開辦。

一九一八年 歐戰停止。金鎊跌價，海峽銀元亦隨之而跌價。

一九一九年 華僑銀行成立。新加坡華僑中學開辦，此為馬來亞華僑自辦中等教育之

始。

一九二〇年 海峽殖民地政府頒佈華僑學校註冊條例。

一九二一年 是年新加坡之總人口為四二五，九一二，華僑佔三一七，四九一人。

一九二二年 新加坡開馬婆展覽會 (Malaya-Borneo Exhibition)，以歡迎威爾斯太子 (即今

溫莎公爵) 之蒞新，參觀者達三十萬人。

一九二三年 柔佛與新加坡間之長堤 (Causeway) 完成，火車可直通。南洋商報發刊。

一九二四年 糖王黃仲涵在新加坡逝世，遺產總額五萬萬元。

一九二五年 英國東方艦隊在新加坡召集會議。

一九二六年 海峽殖民地政府頒佈保護森林及森林物產條例。馬來亞樹膠研究院 (Rubber Research Institute) 成立，總院在吉隆坡。

一九二七年 柔佛布來山 (Gunong Pulai) 高二一四一尺之大蓄水池完成，開始供給飲水於

新加坡，通水之管長達三十三英里。

- 一九二八年 萊佛士學院(Raffles College)成立。
一九二九年 星洲日報發刊。郵政總局落成。新愛爾金橋完成。工部局大廈落成。
一九三〇年 海峽政府頒佈限制童工條例，嚴禁各工場僱十二歲以下之童工。華民政務司署新廈落成。
一九三一年 日本強佔東三省，是年九月二十三日國府定為國哀日，華僑一致舉行。
沙登(Serdang)農業專門學校成立，海峽總督行開幕禮。是年新加坡之總人口為五五〇，七五六人，華僑佔四二一，八二一人。
一九三二年 新加坡之新火車站落成，即在月台上開馬來亞製造品展覽會一星期。東岸鐵道(East Coast Railway)通車。帝國政府特派威爾遜爵士(Samuel Wilson)視察馬來亞政務。華商，和豐，華僑三銀行合併為華僑銀行有限公司，資本總額四千萬元。
一九三三年 實施新條例，徵居留稅每人五元。決定採用地方分權制。克利福碼頭落成。
一九三四年 英國皇家空軍第一百隊到新。新加坡與爪哇間通長途電話。新加坡河水山大火災。
一九三五年 天定(Dindings)重歸霹靂統治。華文教育局開始舉行津貼華校之會考。
一九三六年 新加坡開國貨擴大展覽推銷大會。中國銀行新加坡分行成立。
一九三七年 中日開戰，各地華僑均成立籌賑會。新加坡民用飛機塲落成。
一九三八年 新加坡軍港舉行落成典禮。各地籌賑會代表齊集新加坡，在華僑中學開會，旋成立南洋華僑籌賑總會。
一九三九年 歐戰發生。海峽政府頒佈貨物出入口統制條例及匯兌統制條例。新高等法院大廈落成。英法遠東軍事領袖在新加坡會議。是年六月底止，新加坡之總人口為七二七，五六四人，華僑佔五六五，一八二人。

特載


胡昌耀



胡氏事業史略

高凌百





胡文虎先生近影



胡文豹先生近影

胡氏事業史略

導言

竊維擁資百萬，世不乏人，然而輸捐千金，每有難色，蓋不能明金錢爲儻來之物，既非與生俱來，安得隨死偕逝；視金錢若生命，爲子孫作牛馬，徒造成萬惡之淵源，並助長社會之紛擾，豈不惜哉？獨胡文虎先生兄弟，起弱冠，赤手創業，積資千萬，以濟物利羣爲宗旨，倡言「自我得之，自我散之，以天下之財，供天下之用。」二十年來，慷慨輸將，或辦公益，或作善舉，或助建設，或資抗戰，達千餘萬元之鉅。環視古今中外，若胡氏兄弟者，能有幾人哉？

胡氏之生，殆爲公益而生，胡氏之事業，亦卽公衆之事業：其設學校，建醫院，辦報館，組社團，提倡體育，贊助抗建，惠羣利衆，救災卹貧，何一不以公衆之福利爲依歸；卽其虎標永安堂之營業，所獲贏利，亦大撥抵充公益善舉，卽胡文虎先生所謂以社會所得之財，還諸社會之意。其人其志，於吾僑中見之，亦足以豪矣！

夫歐美各國之富豪，對於公益善舉，非不重視也，然祇於遺產中

撥若干份爲之，能於生前一擲萬金，樂施不倦，甚或過其資產之半者，竊未之聞焉；卽如舉世聞名之大慈善家美國煤油大王洛克斐爾氏之屢捐鉅款，以其資產總額計之，固不啻九牛一毛；較之胡文虎先生之傾平生精力爲之者，判然有別。此固中西人生觀點之不同，要亦大我小我之間，識見有遠近，程度有高下也！

尤有進者，南洋我僑數百萬之衆，其擁資鉅萬，一毛不拔者，姑置勿論，卽以慷慨解囊，見義勇爲者言之，亦大有人在，初不僅胡氏兄弟已也。然突遭世界不景氣之襲擊，破產失敗者，比比皆是，所創公益善舉，乃大受影響，甚或停頓；而胡氏仍能獨任其大，再接再勵，經濟恐慌於胡氏事業無損毫末。此其才識之高超，應有大過人處，而其成功之因由，尤堪爲後世楷模，是吾人應爲之一探求者！

凡此種種，皆爲吾人編述胡氏事業史之動機；而尤足令人景仰者，胡文虎先生本人絕不以其事業自誇自滿；毀譽不計，奮勉積極，數十年如一日，此其所以爲胡氏也！

中華民國廿八年十月十日於星洲。

胡文虎先生小傳

胡文虎氏，祖籍福建永定金豐里忠川鄉，僑生緬甸之仰光，現年五十有七。其先君子欽公，於民國紀元前五十年，乘大眼鷄船（即大帆船，船首繪兩大眼睛，俗稱大眼鷄船，沿海而南，抵仰光需時二三月）隻身赴仰光，創設永安堂國醫行。子欽公因術精岐黃，深得緬華人士之尊仰，業務日益進展。嗣娶潮籍僑生李氏女爲妻，即金碧太夫人也，生文龍文虎文豹兄弟三人。文龍早故，存文虎文豹二人，手足情深，老而彌篤。

胡氏性梗直，饒胆略。年十歲，返里就學，越四載，始回仰光，即於店中習商，並瀏覽醫書。一九零八年夏，子欽公在仰捐館。時胡氏年既冠，即繼承父業，苦心孤詣，精研中外醫理，採擇華緬古方，參以科學法則，發明萬金油，八卦丹，頭痛粉，清快水諸靈藥問世；因神效卓著，遂風行於印度，緬甸，萬口傳頌，行銷日廣。嗣因供不應求，加設虎豹行於仰光大街。此時其藥品更暢銷於南洋各屬。胡氏爲便利供應計，遂於民國十五年二月，移設製藥總廠於星洲，規模宏大。以諸藥治病靈驗，不僅爲印緬及南洋各屬人士所信仰，且不脛而走，復風行於歐美各大埠。吾國內地各省，亦紛來採辦。民國二十三年，復增設分廠於汕頭。迄今除檳城，暹京，吧城，泗水，棉蘭，香港，廣州，廣州灣，梧州，上海，漢口，福州，廈門，萬縣，西安，天津，重慶，昆明，貴陽，桂林等處設有分行外，世界各大埠以及國內各市鎮，均有特約經理，行銷之普遍，於此可見一斑。

世界大戰以還，南洋土產如樹膠錫米等物，售價日漲，人多邀胡氏投資樹膠園及礦產。胡氏以此種事業，應由專家經營，不宜見利即趨，投機壟斷，以奪他人之生活。並謂樹膠一

物，南洋隨地可生，此時因產量不足，人或購地種植，將來產額過剩，供過於求，行見價值慘跌。厥後膠價果一落千丈，不出胡氏所料，僑胞因而破產者，比比是焉，獨胡氏悉心經營藥業，既不受世界不景氣影響，贏利復年有增進。此寧非其高識遠見有以致之耶？

胡氏之震名於寰宇也，初不以其業務之發展，乃基於其宅心仁慈，廣濟博施。十數年前，胡氏即決定提存永安堂贏利四分之一為慈善公益專款。嗣後逐年遞增至十分之六。蓋胡氏之言曰：「人生若朝露，轉瞬即滅，黃白之物，既不能與生俱來，復不能隨死偕逝，其與吾人相聚集，正如友朋之偶然結識，終難免於離散之一日。彼為子孫作馬牛，斷斷於個人之私蓄，而不顧羣衆之福利者，殊非智者所應為。若文虎兄弟則尤愚陋無知，復鮮憑藉；敝堂業務，赤手經營，幸賴國人之愛護，得有今日差堪立足之地位。區區之愚，覺天之所以施諸吾者已厚，今後所求，惟在能有餘力，以為濟物利羣之用，則素志已償，不敢更存奢望。自我得之，自我散之，以天下之財，供天下之用。鄙人不敏，竊具此心！」旨哉言乎！偉哉言乎！

十數年來胡氏之仁風義舉，已喧傳中外，大別之約有四端，曰公益，曰慈善，曰文化，曰救國。言公益，則有贊助海內外各學校，各社團之建設及經費；提倡體育，舉辦港華，馬華等運動大會；斥資捐建閩省各地之新式監獄，贊助祖國之復興建設，修葺海內外名勝古跡等。言慈善，則有創建或贊助各地平民醫院，接生院，養老院，孤兒院，殘廢院，痲瘋院，及其他一切慈善機關，而每次賑災濟難，胡氏輸將，尤為慷慨。言文化，則有風行中南之星系八大報之創設。言救國，則自七七蘆溝事起，抗戰以還，胡氏之斥資於義捐及公債者，已達數百萬元之鉅，為華僑個人輸捐之最多者。

胡氏好旅行，然每行，必有重大之貢獻，以福利人羣社會。其最著者，厥爲下列數次：民國十九年秋，遍遊遠東各地，晉京慨捐三十七萬元爲國立中央醫院之建築費。二十一年夏，因腦疾赴爪哇香港等地休養，對於該處醫院，大加贊助。二十二年夏，赴閩參觀十九路軍政績，並舉辦公益，斥資六十萬元，創建汕，廈，閩三地醫院。是年十月赴暹，復大施財。二十三年秋返國，抵粵，當局備海周艦送氏赴瓊，視察其捐建之痲瘋院等。十一月赴滬，受黨國要人軍政當局及五十餘團體聯合熱烈歡迎，晨報且出特刊，以襄其盛。胡氏此行，輸將又達二十五萬元。二十四年三月。偕夫人環遊世界，七月初返星，鑒於歐美教育之普及及發達，特創民衆義務學校於星洲；九月間，率馬華選手返國參加全國運動大會時，捐資贊助各地公益慈善達五十萬元之鉅，並宣佈斥資二百五十萬元捐建小學一千所於全國各地。統計胡氏十數年來，斥資於公益慈善者，已達千餘萬元，而胡氏舉辦公益慈善之志趣，猶方興而未艾焉。

胡氏雖少居海外經商，於國學未遑深究，然於忠孝仁義之大節，認識極真，且能身體力行，不尚虛飾，觀其民國二十八年，八月二十二晚在新加坡巴西班讓海濱虎豹公館歡迎客屬總會十周年紀念大會各屬來星出席代表宴會上所作之演說詞，自述至爲詳盡，其詞云：

「上略」鄙人服務社會，已三十餘年，生平行事，向來爲求有益大眾，及良心所安，有一分力，做一分事，不務虛名，不爭權位，不植黨羽，不妬賢能，不貪不義之財，不掠他人之美，雖蒙僑胞及祖國當局諸公不棄，常以社團及公衆之名譽職位相推，但皆出於各社團同人及祖國當局之過情推許，在鄙人不特事前無絲毫希求名位之心，即事後亦每堅辭不獲，始勉承受。且鄙人服務國家社會之決心與行動，只須有力量有機會，即隨時隨地皆見到即行，絕不因名位有無及高下而有差異，所以然者，皆由鄙人先父臨終時，曾以「做人要有志氣」爲囑。鄙人自少即緊

記此言，欲做有志氣之人，以求不負先君之遺訓。然則志氣從何立起，鄙人以爲當從忠孝仁義入手。對於忠字，鄙人以爲忠於國家爲先，所以愛國觀念不敢後人，自從永安堂業務稍有寸進後，即本諸「以社會之財，還諸社會」之義，致力於救國救災慈善文化事業，有時更不惜投資，爲國家爭回多少體面，如因痛心上海從前公園及虹口游泳池，禁止華人與狗入內，吧城游泳池，只准白種人及日本人參加，特在本坡自建游泳池，只准華人游泳，在香港及各處，稍置園圃別墅，均公開任同胞遊覽，凡此皆非爲求營利及自求舒適起見，無非爲國家爭回些少體面。又鄙人初辦星洲日報時，全權付託他人管理，其言論態度如何，鄙人全不過問；後來回國晉京謁見蔣委員長，深感國家統一之必要，及蔣公人格之偉大，此時即悟過去星洲日報，言論有時未能適應中央政策之非，南歸後即另派人員接管，囑其堅守擁護中央，贊助統一，擁護領袖，奉行國策之立場，直至於今，未嘗改變。講到孝字，鄙人先父棄養後兩年，先母相繼謝世，風木之悲，至爲可痛，只好推一己事親之心，及於社會，年來於各地捐建養老院，及當年資送年老貧僑回國，及施贈棺木醫藥等，非爲沽名，不過略盡一點心事而已。至於仁字，即所謂惻隱之心，人皆有之，年來與舍弟盡力助建國內外各地醫院，接生院，資助各地救傷隊，紅十字會等，皆本此意，至於義字，則凡事之宜，認爲應負一分責任者，從來不欲落後，如對社會之扶助教育文化事業，對國家之輸財助餉，力所能及，無不盡力赴之。鄙人所散資財，皆爲虎標藥品之餘利，其他不義之財，不正之業，更不屑取，更不屑爲，從未在中英美法荷暹等地，留絲毫污點，致損害國家名譽。即永安堂所得之財，除仍用諸營業外，所餘皆用諸社會公益文化事業，鄙人從未求廣植私產，以遺子孫，所與各地商號銀行交易往還，更無絲毫手續不清，及損人肥己之事，竊念先父生前篤誠信佛，故鄙人一體先君慈悲救世之旨，以爲立志基礎，一本忠孝仁義，以爲行事方針。我行我素，實事求是，榮辱毀譽，殊非所計，此亦我客屬精神所表現之一端也。（下略）

觀此足見胡氏宅心之仁厚，與志氣之純潔，蓋有所傳授而來，其享盛名，負重望，殊非倖致者也。

胡氏之廣濟博施既再接再勵，而榮譽之來，乃如影隨形。祖國政府及居留地政府均疊加褒獎，以資嘉勸。民國十八年八月，以獨購短期善後公債十萬元，財政部特給一等金質獎章。十九年二月，以捐助上海大夏大學建築費一萬元，教育部特給一等獎狀。二十二年二月，以捐資二十七萬五千元建築首都中央醫院，國民政府頒給「益在民生」匾額及獎狀，內政部亦給金質獎章，衛生署別贈中央醫院奠基銀匙一對。是年六月三日，英皇喬治五世誕辰，特賜榮譽勳章及獎狀。二十三年冬，以捐建之瓊崖痲瘋院落成，瓊崖綏靖公署特給「博愛」匾額。國民政府軍政部，亦以胡氏捐助軍用藥品，而頒給陸海空軍一等褒狀。同年十二月，以獨資捐建長洲醫院，得耶路撒冷聖約翰勳位銀質勳章，為東方人士獲得此項獎章之第一人。是年六月，胡氏環遊世界經滬，國民政府特派專員登輪，頒賜采玉勳章。二十五年三月，以捐建上海衛生化驗所，國民政府頒給「樂善博施」匾額一方，褒狀一紙，衛生署給金質褒章一枚。是年秋，暹羅國內政部，特頒獎狀一紙，攝政王並延請入王宮，設茶會招待，為華僑受暹羅王室正式招待之第一人。是年十二月，以捐資二十萬元建築福建省立醫院，國民政府特頒「仁心義舉」匾額。二十六年二月，以捐建之廈門監獄落成，國民政府題頒「澤流獄岸」匾額。是年冬，閩侯社會人士為景仰胡氏特捐建文虎小學一所，並於平里橋建文虎路以爲紀念。二十七年元旦，英皇喬治六世特賜以大英帝國文官勳爵（O. B. E.）。

祖國政府除歷年來疊賜褒獎外，亦屢次徵聘胡氏爲各項委員：民國十九年冬，工商部特聘胡氏爲工商會議華僑委員；二十一年十月，行政院簡任爲僑務委員會委員二十二年五月，福建省政府聘爲該省建設委員；同年，行政院呈請國民政府聘爲航空建設委員；二十六年九月，財政部特聘爲救國公債勸募委員會總會常務委員；二十七年，被聘爲國民參政員；同年

七月，中國戰時兒童救濟協會，聘任爲該會勸募委員。

此外，胡氏現任全馬來亞客屬總會會長，中國銀行星洲分行名譽顧問，福建旅港同鄉會主席，星洲中正中學董事長，而各地僑校之聘請爲名譽總理或名譽董事長者，尤不勝枚舉。胡氏年二十四始結婚，夫人鄭氏，惠陽客籍人，德容莊麗，相敬如賓。公子五人，長曰蛟，現任新加坡總匯報社長，次曰山，現任檳城星檳日報總經理，三曰好，現任香港星島日報總經理，四曰一虎，五曰二虎，及女公子仙，均幼，在求學中。

胡文豹先生小傳

胡文豹氏，文虎先生之介弟也，現年五十有五，亦僑生緬甸之仰光，天性篤厚，友愛逾恆，手足之間，融融和睦，無分彼此，數十年如一日，而於公益慈善，尤能同心一德，胞與爲懷，慷慨輸將，濟羣利衆，故海內外談胡氏仁風義舉者，每唐尊並稱，炳蔚同彰，猗歟盛哉！

胡氏亦喜旅行，一如其兄。民國十年，返國觀光一次。民國十八年夏，曾作環遊世界之壯舉。民國二十五年五月，偕兄率眷，同往香港主持虎豹別墅之落成典禮，並北上遊歷京滬蘇杭閩粵等地名勝，觀感甚富，嘆祖國進步之速，益起其贊助復興建設之雄心。

民國二十七年五月，港督羅富國爵士，以氏偕兄熱心贊助香港聖約翰救傷隊，功不可沒，特授耶路撒冷聖約翰神聖勳位十字勳章，同年六月九日，英皇喬治六世誕辰，復以樂善博施，廣澤萬黎，頒賜榮譽獎狀，以資激勵。

胡氏於養老事業，尤爲關懷，曩於緬甸仰光，瓦城，直通等埠養老院，及星洲安老院等

，不特一再輸將，贊助鉅款，且嘗親往設筵慰問，胡氏蓋服膺「老吾老，以及人之老」之旨者也。

夫人鄭氏，卽文虎先生夫人之胞妹，兄弟連襟，姊妹妯娌，允推佳話。公子二人，長曰清才，次曰清德，尚在學齡。女公子二人，長適李，次待字中。

胡文豹先生小傳

胡氏事業史略目次

導言	一
胡文虎先生小傳	一
胡文豹先生小傳	一
第一章 公益事業	七
第一節 教育	一
第二節 體育	一
第三節 社團	一七
第四節 建設	三二
第五節 救亡	三七
第二章 慈善事業	五五
第一節 醫院	六七
第二節 養老院	六七
第三節 孤兒院	九四
第四節 痲瘋院	一〇六
第五節 其他慈善機關	一一二
第六節 賑濟	一一五

第三章 文化事業.....一三六

第一節 星洲日報.....一三六

第二節 星華日報.....一三九

第三節 星中日報.....一四一

第四節 星光日報.....一四三

第五節 星粵日報.....一四五

第六節 星島日報.....一四七

第七節 星橫日報.....一五〇

第八節 總匯報.....一五二

第四章 生產事業.....一五四

第一節 虎豹兄弟公司.....一五四

第二節 虎標永安堂.....一五六

第三節 胡氏兄弟水力金礦公司.....一七四

第四節 開發雲南邊境.....一七五

第五節 創設銀行.....一七七

跋語.....一

第一章 公益事業

胡氏之於公益事業也，出錢出力，任勞任怨，雖遭橫逆，不變初衷，前棉蘭領事黃天邁曾於歡迎胡氏大會中致詞，推爲我國惟一之熱心家，僅美國漢拿芬及馬拿拉麥二氏之努力公益，堪與比擬，實非過譽。茲就胡氏所辦公益事業之榮榮大者，分別言之：

第一節 教育

胡氏對於教育之熱心固不待言，惟胡氏之熱心教育，可分二階段：當胡氏未至歐美各國考察之前，雖輸鉅款，贊助教育，尙僅贊助而已。迨胡氏考察歸來，觀念一變，更進而以普及教育掃除文盲爲職志，於海外則有獨資創設民衆義務學校之舉，以開我僑義務教育之先聲，在國內則有斥資三百五十萬元，預期五年內於各省創建小學一千所之偉大計劃。竊吾僑擁資鉅萬者，南洋觸處皆是，若人人能效胡氏之慷慨熱心，則吾國教育不普及，文盲不掃除，吾不信也。

甲 國內之部

一 大學及專科學校

上海大廈大學 爲民國十三年時，廈門大學因學潮而離校之師生二百餘人所組織，得王伯羣、馬君武等聞人之助，師生共同努力，成績斐然，後因學生達千餘人之多，校舍不敷應用，乃購地一百餘畝，謀建永久校舍。除由該校校長王伯羣籌集十萬元，及該校校董教職員學生別籌十萬元外，餘向國內外分別捐募。民國十八年七月，該校前校長馬君武博士及創辦人歐元懷博士、王毓祥等，特組考察團南來募捐，胡氏先爲之設筵洗塵，繼而首捐助幣一萬

元，爲同僑倡。次年二月，該校當局特呈請國民政府援照捐資興學褒獎條例，授與一等獎狀云。

廈門大學 前爲南洋實業鉅子陳嘉庚氏所獨資創設，後以世界不景，樹膠跌價，陳氏已斥資百萬，至是亦難維持。該校校長林文慶博士乃於民國廿四年一月偕該校教授博文楷，會郭唐二君，南來籌募經費，往訪胡氏於虎標永安堂，請予贊助。胡氏慨諾，並謂「林博士曾言，現決與陳嘉庚先生爲廈大奮鬥到死，其犧牲熱情，至足感人，惟教育事業應羣策羣力，收效始宏，陳林二先生對廈大之勞苦功高，盡人皆知，然無須認發展廈大僅二人之責任。二先生居於指導及監督之地位，徵集人材，公開設施，使全國人士皆有贊助廈大發展之職責始佳。」林博士亦深感其言。是年九月間，胡氏以率馬華健兒，參加全運之便，曾至廈門大學參觀，對該校之設備完善，辦理得宜，大加贊許，遂本其愛護教育之熱誠，慨允年捐國幣一萬元爲該校經費。迨抗戰軍興，該校即改爲國立矣。


廣州中山大學 爲廣東之國立最高學府，孫中山先生所手創。孫先生曾爲該校作永久之計，指定石牌地方以建新校舍。民國廿二年春，該校董事胡漢民等，鑒於舊校舍頽圯湫隘，即進行建築石牌新校舍之計劃，預計需費二千萬元。該校董事鄒魯，胡漢民，鄧澤如，林翼中，林雲陔，區芳浦，陳濟棠等親筆函請胡氏首倡贊助，並代勸募。胡氏當即覆函，大意謂贊助教育，本屬素願，中大建校，亦甚贊同，祇值此世界不景氣侵襲南邦達於極點，百業凋敝，市况日非，勸募一事，殊非易易，故未敢遽行；惟其本人擬於年內返國一行，屆時入粵視察中大現况，當竭力贊助，促觀厥成云云。是年七月，胡氏因舉辦汕頭，廈門，福州三地慈善事業返國。八月事畢抵港，中山大學校長鄒魯特邀往廣州參觀。該校新址，廣可萬畝，

後枕白雲，前環珠海，崗陵起伏，形勢天然，加以偉大工程，佈置井井，胡氏深爲稱揚，並願輸鉅款，贊助其建設。民國廿四年三月，胡氏由星洲匯國幣五萬元與該校，以踐諾言。

廣州嶺南大學 民國二十一年十二月，胡氏至香港養病；數日後，晉省往嶺南大學，探視其公子胡蛟，該校當局派中學部主任陳文駐等至碼頭迎迓，並導往各部參觀，胡氏對該校建設，甚爲贊美，慨捐校舍一座，計費國幣一萬七千三百一十三元。

福州福建學院 民國二十四年秋，胡氏率馬華選手返國參加全國運動大會時，曾至福州攷察教育狀況。私立福建學院請其捐建校舍一座，胡氏慨允撥萬元爲建築費。翌年三月二日，由薩鎮冰代表胡氏主持奠基禮，情況至爲熱烈。

廣州仲凱農工學校 爲紀念廖仲凱烈士而設立，開辦時由國民政府撥二萬元，黨國要人籌募十萬餘元，於民國十六年春成立，因經費不多，規模甚小。民國十八年十月，廖夫人何



香凝女士，特南來募捐，以謀發展，并將親筆書畫及名人傑作，在星中華總商會舉行展覽，由當地熱心教育人士組織一委員會處理之。胡氏除慷慨捐鉅款外，復任該會會長，與各委員向社會人士呼籲，經各方踴躍贊助，成績甚佳，計匯去港銀六千八百五十元二角四分云。

上海兩江女子體育專門學校，當民國二十三年冬，胡氏返國抵滬，對於各大學及專門學校會慷慨捐鉅款，贊助建築，兩江女子體育專即其一也。胡氏返星後，於翌年三月特匯國幣二千元與該校。

二 中學校


汕頭私立迴瀾中學，於民國二十一年增築第三部宿舍，以謀發展，工程將半，忽因時局影響，致款輟工停。該校校董校長等以胡氏熱心教育，見義勇為，因懇捐助，完成此項工程，計需國幣三千四百餘元。胡氏慨允担任，即派工程師盧芳台，偕永安堂汕頭分行經理胡會熾赴校視察，並函囑撥款，開工興築。是年七月，胡氏返國，亦會親至該校參觀。民國二十四年十一月，胡氏率領馬來亞選手返國出席全國運動大會時，又斥四千餘金，捐建該校禮堂一座云。

汕頭市立女子中學，當胡氏率馬華選手返國時，該校適有遷校之舉，請求贊助；胡氏即慷慨捐建校舍一座，計六七千金。

汕頭市立第一中學，亦於同時請胡氏捐建圖書館一座，胡氏慨斥三千餘金，為之興建。海口海瓊中學，為瓊崖一島，設備完善之最高學府。胡氏於民國二十四年返國時，捐資建築該校體育館一座，包刮游泳池及球場等，規模甚大，歷時半年始竣工，計費國幣一萬二千三百元之鉅。

廈門中學

即前福建省立十三中學，係就玉屏書院改建，創辦於遜清末葉，為廈門公立學



校之歷史最久者。民國二十四年，胡氏至該校參觀，見該校辦理良善，而無科學館之設置，不無缺憾，特捐建築費五千元，為該校建築科學館一座。次年三月二日，與福建學院文虎紀念堂、雙十中學虎豹體育館，同時舉行奠基禮，由胡氏代表胡查周主持，頗極一時之感。

廈門雙十中學 其虎豹體育館，亦胡氏於民國二十四年至該校參觀時，以其缺乏體育設備慷慨捐五千元為建築費，而與福建學院文虎紀念堂及廈門中學文虎科學館同日舉行奠基禮者，由前外交部長王正廷主持儀式，安放基石。


廈門大同中學 與前二校同時由胡氏捐助五千元，建築校舍一座。

廈門中華中學 亦與前校同時得胡氏慨助經費五千元者。

廈門羣惠中學 設有附屬小學及幼稚園，胡氏二十四年返國時，慨捐該校小學部及幼稚園校舍各一座。


三 小學部

胡氏數度歸國捐助與各小學之款，不勝縷舉，惟較著者，則為贊助浙江浦江普義小學經費三千元，汕頭吳厝新鄉學校五百元，及捐建汕頭正始小學，福州福商小學二校禮堂各一座，共約萬餘金。當民國廿四年，胡氏率馬來亞華僑選手返國參加全國運動大會時，曾發表談話，謂將於十年內創辦小學一千間於國內各地，以培植人材；後以永安堂獲利激增，將期縮為五年。當時即請福建教育廳長鄭貞文籌劃，於閩南各地創辦小學十所，其建築費均由胡氏担任，經常費則由地方自籌。翌年四月。鄭廳長籌劃完畢，具函報告胡氏，謂擇定崇安，建寧，泰寧，壽寧，屏南，長汀，永定，明溪，寧化，清流等十縣，各設一所，此項建築，按福州時價，



胡氏在故鄉所建中小學

每所需費三千餘元，惟偏僻縣分，價格較低，每所二千元或可敷用。胡氏即覆函請迅速進行。是年八月，胡氏至廣州，向當局表示，願捐資為廣東建設小學五十所，同時對於福建創建小學十所，亦改為百所，撥款卅五萬元。閩省府即聘鄭貞文等十七人為建築委員，組織「胡文虎捐建小學百所建築委員會」處理之，除閩侯一縣，於舊日侯官，閩縣建築二所外，其他



如長樂，連江，羅源，永泰，平潭，寧德，福鼎，沙縣，尤溪，閩清，古田，仙遊，永春，大田，惠安，同安，南安，詔安，南靖，平和，龍溪，海澄，東安，長泰，雲霄，龍巖，武平，漳平，寧洋，華安，連城，清流，明溪，邵武，將樂，順昌，泰寧，建陽，建甌，崇安，政和，晉江，金門，永安，浦城，石碼，峯市，周墩，柘洋，上洋，南日，三都，建寧，南平，上杭，安溪，莆田等縣各建一所。同時於浙江，江西兩省各建十所，建築費每所平均三千五百元。浙江小學建築地點在該

省邊縣，昌化，南田，常山，閩化，泰順，龍泉，慶元，雲和，宣平，景寧等十縣各建一所。江西省建築地點不詳。民國廿六年，胡氏復派代表胡兆祥，康紹其往皖，魯，晉，綏，冀，豫等省；胡仲英往黔，川，湘；胡永湯往荆，陝；胡桂庚赴蘇，陳桂初赴桂，分別與各省主席磋商，進行其事。江蘇省擬在鎮江，江都，武進，無錫，銅山，淮陰，啓東，溧陽，金

山及連雲市各建一所。廣西省主席黃旭初則批定期在邕寧建二所，桂林，全縣，賓陽，陽朔，蒼梧，柳州，桂平，貴縣，平樂，龍州，武鳴，鬱林，賀縣，各建一所；第二期於桂林，蒼梧，柳州，柳城，明江，憑祥，天保，靖西，鎮邊，宜山，南丹，百色，西林，田西，桂平各建一所。除與貴州省主席薛岳議於該省建卅所外，其餘各省均建十所。三年來次劃實現者，已達三百餘所。若無暴敵之橫加推殘，胡氏計劃於五年內完成，則十年後其造就之人材，供獻國家社會可限量耶！矧胡氏之辦任何公益也，絕不因一舉之成功，躊躇滿志，退休林下，不再聞問，反以一端既就，別謀其他，勿懈勿怠，再接再勵者乎！

乙 海外之部


一 星洲

胡氏於海外興學，十數年來所費精神物質，以星洲一地為最重大，茲舉其較著者如下：

民衆義務學校 為胡氏於民國二十四年獨資創辦，假

柏城街客屬總會為校舍，由星洲日報社長胡昌耀任監督，規劃處理，進展甚速。現設上午小學，下午小學，民衆夜學男子部及女子部等四部，各自獨立，教職員三十餘人，學生一千六百餘名，共分四十級，為南洋惟一之規模偉大，設備完善之義務學校。每月經費約二千五百元，均胡氏

福壽小學胡文震紀念堂





第一章 公益事業 第一節 教育


獨力負擔，迄今四年，所費已達叻幣十萬餘元云。

華僑中學 爲新加坡華僑所公立，創於民國八年春，初在尼文路，十四年春，始遷武吉知馬新校舍。不幸，翌年春，以校長私德引起學潮，該校處置不當，大部份學生，均離校失學，胡氏憐而資送國內或仰光繼續肄業，然遭人歧視之機伏矣。十七年秋，僑衆共推胡氏爲該校總理，胡氏除月捐百元爲該校經費外，並將獨資爲該校闢校園，築校路，增建校舍。不意有挾嫌攻擊之者，胡氏乃引咎辭職，惟該校董事一致挽留，胡氏亦以事已大白，乃勉任其難，努力建設：建築宿舍——即虎豹樓——修整操場，增添設備，津貼學生，前後支出共達五萬餘金，最後復斥千金，闢草萊，建校門，並擬增加教室，以謀進展。胡氏且朝夕蒞校，督工規劃，不意嫉妒者，藉辭胡氏題名門側，大肆攻擊，胡氏乃意興索然，十九年夏，總理任滿，乃潔身引退，雖再度當選，董事教職員再三挽留，均不能打消其辭意。迨翌年春


，該校忽又因改組風潮，共產嫌疑，釀成居留地政府，搜查學校，拘捕學生，強迫解散之事。胡氏任職總理二年之間，捐資數萬，校務逐漸進展，但卸任不數月而日覩斯變，深為痛心；乃尚有歸咎於胡氏者，胡氏遂與該校脫離關係，努力贊助星洲其他各校之建設。惟民國二十五年，該校再度改組，胡氏仍慨捐一千元，贊助其經費。

南洋女子中學

創設於民國六年，亦為新加坡華僑所公立，自幼稚園辦至高中部，為南洋規模最完備之女學。民國九年，胡氏被推為該校名譽總理，會到校參觀，慨捐師範部桌椅一百廿副。該校初無高中，二十一年夏，該校校董會擬增辦高中，胡氏聞之欣然，特於星洲日報著論贊許，並提議籌建校舍，願先捐五千元為之倡，該校校董會乃繪就圖樣，函請胡氏報効教室六間，預計建築費五千餘元。經胡氏親往該校視察，以為即增建教室六間，尚不敷應用，且禮堂亦過於狹小，乃自動改繪圖樣，獨資捐建大禮堂一座，教室八間，建築費共約



華僑中學虎豹樓



南洋女子中學大禮堂

一萬餘元，胡氏於竣工後，復親往視察，自動捐資定製禮堂用椅及演講台，並安設電燈，又費二千餘元，二十三年九月，大禮堂等全部竣工，舉行落成典禮，官紳咸集，頗極一時之盛。次年七月，胡氏環遊世界歸來，覺我僑教育之落後，除創辦民衆義務學校外，復致函該校，建議創辦女童軍，一切服裝設備，及其他費用，願獨力負擔，以爲倡導云。

崇正學校 創辦於遜清光緒三十一年，初名養正學校，宣統元年，始改今名，亦我僑所公立也，與崇本女校爲同一董事部管轄。民國廿六年，兩校集資建築新校舍於小坡亞里哇街，胡氏慨捐建築費叻幣一萬元爲將伯。現胡氏仍爲該校名譽總理焉。

浚源學校 設於新加坡嘉東，創辦已十餘年，民國二十六年，該校分設中英文兩部，各自獨立，惟校舍湫隘，不敷應用，胡氏卽慨贈園地一大段爲新校舍建築地址，並捐助建築費叻幣五千元，以促其成。

星洲職業學校

去年星洲天主教神父多名，籌設一職業學校，以造福當地青年，校址初假武吉知馬十條石之聖約瑟教堂內，惟經費極困難，後商懇於胡氏，胡氏慨捐六千元為該校建設新校舍，俾從事發展。

養正學校 為星洲粵僑所公立，創辦於民國前七年，設備完善，規模亦大。民國二十年七月，胡氏會慨助經費一千元。二十六年五月，又贈制服，計費叻幣六百五十九元。

靜方女學 係民國十七年二月由養正學校分出。歷年來，該校逐漸發展，學生日增，校舍漸呈不敷，遂有建築新校舍之計劃，本年一月該校建校委員會，特往謁胡氏，懇請捐助，胡氏慨允獨捐助幣一萬元為之倡。


南洋工商補習學校 創設於民國九年春，為星洲行政組織最安定之學校，對教職員有代保壽險之優待，為他校所無。民國廿一年九月，該校會向胡氏募捐，胡氏慨助叻幣一千四百元為經費。



俊源學校虎豹堂

美以美會女學校 設於芽籠，民國二十三年，胡氏會捐資一千六百元，建築雨亭，體育場，校丁宿舍，四周鉄籬等，輪奐一新，惟學生日衆，校舍又覺湫隘不敷，該校董事再向胡氏求助，胡氏慨允捐資三千七百元，增建華文班及幼稚園教室三座，並謂「英文固宜注意，華文尤應重視」云。

南華女學 創辦於民國六年，現正籌建新校舍，胡氏慨捐助幣五千元爲之倡。該校於十月間舉行遊藝籌款時，胡氏復續捐五千元，僑衆聞之 交口稱譽焉。



美以美會女學新教室

中正中學 今春始成立，爲我

僑最新創辦之中學，推胡氏爲董


事長，爲時未及一週，而學生已達三四百人，竿頭日上，方興

未艾，頗爲社會人士所屬望焉。

此外胡氏對於星洲幼稚園，中國女學，鄉媛女學，女子體育，聖約瑟實業學校等，或捐設備，或助經費，數百元，數千元不等；至尋常贊助各校之月捐雜費，尤不勝縷舉也。

二 檳城

檳城我僑之最高學府，男校厥爲鍾靈中學，女校則爲福建女學，兩校合計學生總數，共達二千餘人之多，胡氏對該二校




美以美會女學健身房及膳堂



，又慨斥鉅資一萬五千金，獨力捐購新校舍建築地址一
大方，該校乃得籌建新舍云。最近胡氏赴檳，又捐公立
公民學校建築費二千元。

，頗為嘉許。民國二十年五月，赴檳辦善舉，慨允該兩校
新董事之請，會各捐一千元為助。二十四年四月，鍾靈建築
新校舍，胡氏又捐二千元。二十七年一月，復允該校董事
部請，獨資捐建圖書館一座，計費叻幣七千二百元。除此
兩校外，胡氏對於時
聖坡中學校，協和學校，
約亦屢斥鉅資贊助；民
瑟國二十一年八月，胡
實氏會捐時中一千元，
業二十六年十月又捐五
百。至協和學校，
學初名協和幼稚園，請
校胡氏為名譽總理；民
宿國二十一年八月，胡
舍氏會捐一千元，補助
經費；二十五年一月



新加坡聖約瑟實業學校工場

三 馬六甲

馬六甲幼稚園爲我僑所創辦，位於海濱，風景清幽，胡氏爲該園永久名譽董事，民國廿六年，曾慨捐四千六百元爲建新校舍一座。

馬六甲華僑公立培風，平民，培才，培德四校，於民國二十四年合併爲一董事部所管轄。最近四校因學生日衆，校舍湫隘，遂有購地籌建新校舍之議，該四校董事部主席何葆仁等，特函請胡氏登高一呼，造福同僑，並懇江振明面請胡氏購贈校址，捐建禮堂。胡氏對購贈價值約一萬四千元之校址已慨諾，至捐建能容千餘人之大禮堂事，認地點未盡適合，尙須從長計議。

四 霹靂

霹靂公立女子中小學，設於怡保公園，與育才中學同一董事部。民國二十二年女子中學與怡保女學合併後，籌建新校舍時，胡氏慨助一千元。次年兩校經費又告竭蹶，胡氏又捐五百元。

實兆遠南華中學，係該地及天定州華僑所公立，創辦於民國二十五年一月，初租用民房。二十六年，始募捐籌建永久校舍，胡氏慨助萬金，樂促其成。最近該校新舍禮堂，全部落成，特請胡氏親臨主持揭幕焉。

又太平華聯公學，係民國二十六年，由修齊，振華兩校合併而成，現有學生八百餘人，教職員三十三人，規模宏偉，爲霹靂州各華校之冠。本年十月，胡氏蒞太平，曾往參加，並慨捐建築大禮堂一座云。

五 麻坡

麻坡中華學校及化南女學，爲柔佛一邦吾僑所辦最高學府，成立於民國元年。現兩校當

局以學生共達千七百人之衆，因議增建校舍，添辦高中，特推該校董事黃吉甫等四人來星謁胡，面請捐助，卽蒙慨允。迨十一月下旬，胡氏受馬六甲，麻坡等地同僑盛大歡迎時，慨允撥一萬三千七百元爲二校建築費。

六 暹羅

民國二十五年九月，胡氏應暹政府之邀請，乘機飛暹京觀光並視察業務，抵埠時中暹官紳歡迎者甚衆，吾僑學校之前往參加者，計有中華中學，進德學校，新民學校，黃魂學校，導民學校，廣肇學校，存真學校，華僑中學，樹人學校，養文學校，大同學校，中華公學，孟叻學校，新聲學校等十餘校；臨行歸星時，胡氏會對各校表示將予資助，惟因時間匆促，未及詳加視察，乃委永安堂暹京分行司理范述卿代爲調查報告。後胡氏卽據各請求資助之學校之學生人數及經濟困難情形，分別補助，計有中中，進德，廣肇，黃魂，華中，集英，導民，新民，孟叻等十餘校，共計暹幣四千餘銖。

七 緬甸

緬甸爲胡氏之生長地，亦卽其偉大事業之發祥地，對於當地僑教之贊助，自不待言，最著者如仰光華僑中學，仰光中國女子公學，暨磅華僑公學等。對於女子公學，民國二十四年春，胡氏會爲修飾校舍，至星代聘體育專科教員一人，所有體育用具，全年消費，往來川資，均由胡氏担任云。

此外胡氏對於海外各地僑校，捐金猶多，蓋每有請求，輒不悛拒，且不僅贊助學校已也，並鼓勵同僑子弟歸國求學，撥款資送，善莪樂育，畛域不分，一視同仁，此胡氏興辦公益之原則也。

第二節 體育

體育之重要，盡人皆知，然人每忽視，尤以年長而豪富者爲甚，甚至曰：「此少年學生之消遣耳。」獨胡氏之見解不然，提倡贊助，不遺餘力，絕不以其身價自尊，年長自棄焉。十數年來，先之以提倡組織，招待團體，繼之以鼓勵競賽，資送選手，再之以建設場所，普及大衆；熱心致力，不變初衷，是豈僅僑界僅見已哉？

甲 提倡組織

胡氏對於體育，若具有絕大之興趣者，十年前已應香港中華體育會名譽會長，鼓吹運動，不遺餘力。民國十八年九月，胡氏赴香港主持中華體育會公開運動會歸來，曾草「提倡組織新加坡中華體育會之芻議」一文，發表於星洲日報，茲爲著錄如次：

「文虎此次香江歸來，滿懷感想；以參加中華體育會公開運動時，所見選手，均體魄健全，精神煥發；強國之道，或即在此！體育之爲功，蓋至爲偉大者！然返觀我南洋華僑，對於體育則鮮提倡；既無組織，復乏聯絡，遂令一般人無所慰藉。工作之餘，精力困乏，非涉足花叢，即寄身賭窟，甚有以吸鴉片爲興奮劑而另求歡樂。此墮落之現象，殊爲痛心；其經濟之損失，尤難縷計。且縱有愛體育者，亦無從而得一運動所在，欲求其不至墮落，而增進人生慰藉者，何可得耶？南洋中華體育會之組織，以大規模之聯絡，與時代公開之運動，詎可少緩？且奮發沉毅精神，挽救萎靡意態，又捨提倡體育不爲功。竊又虎才力謙弱，復少切實研究，然誠意提倡，則未敢後人，故勉爲先驅，有發起組織南洋中華體育會之舉。其辦法可得而言者：

- 一．就本坡附近覓一空曠地址，建築中華體育會會所。
- 二．就會所之前闢一公共運動場，設備各種運動器具。
- 三．就會所左側或右側闢一公共游泳池。
- 四．凡同僑有志研究體育而酷愛運動者，均可參加爲會員；會費宜低，以期普及。

五 聘請體育專家與各項運動名手，長川駐會，實地教授會員

惟此乃芻議，個人所見，容有未周，具體計劃，尙有賴於賢者，故甚望熱心人士，羣起贊助，協力進行，俾此大規模之體育會，早日得成立，爲南洋體育界開一新紀元，則不獨文虎私心爲快慰者也！」

然胡氏雖熱烈鼓吹，除教育界人士略爲響應外，總不能引起社會人士之興趣，羣策羣力，共謀進行。民國十九年八月，星洲華人足球協進會假來佛街中華俱樂部開贊助人大會，討論建築總會所問題。胡氏首向該會提議「應擴組織，聯絡本坡各體育團體，成立體育總會，內設足球，籃球，排球，網球，游泳，音樂等部，每部舉定職員負責進行。至於經費，當不成問題，因部份既多，會員必衆，每月收入之會費，亦將因此增加，且可仿香港南華體育會辦法，每年開體育彩票，以補不足。若此則吾僑體育將日趨團結進步之境」云云。該會雖會接受其提議，然曇花一現，終亦不果。民國二十三年七月，胡氏以贊助體育團體，主持數度競賽之後，體育空氣，於同僑間漸見濃厚，乃於星洲日報再發表「組織星洲華僑體育總會之建議」一文云。

「星洲華僑社會，提倡體育，有其悠遠之歷史。足網球且成立總會，培養傑出人才，在埠際國際比賽中卓著聲譽，但訓練範圍，止於局部，未能使體育界興趣，普及大眾，總會之組織，未得全體僑衆之努力，會務設施，亦不易進展。二三年來，籃球在僑社中，以迭經提倡，流行頗速，影響且及於中小學生及婦女界。籃球總會，亦已成立，迭次辦理對內對外比賽，尙能努力於體育大眾化之原則。並以星華，馬華數次運動大會之激盪，體育空氣，漸見濃厚；所以鍛鍊國民體格，發揚民族精神者，漸有途徑可趨，乃可喜之事實也。顧籃球總會雖已成立，而努力之範圍不廣，會務之進展不易，一如足網球總會。會與會之間，又乏適當之聯絡，對於體育事業，既乏大規模之設備，自不能爲強有力之主持，欲望其呼召同僑，領導後進，盡提倡體育之職責，以盡量實現鍛鍊國民體格，發揚民族精神之希望，蓋未易言矣。」

「余意以星洲之大，華僑之衆，體育空氣之日漸濃厚，宜有體育總會之組織，以網羅一切。此體育總會活動之範圍，宜包含足球，網球，籃球，排球，網球，游泳，羽球，棒球，田徑，游泳，乒乓，各項運動，而以各項運動員自行組

織之團體，如足球會，網球會，籃球會等，爲其基本會員。此體育總會之組織，除基本會員外，宜網羅富有學識，經驗，財力而熱心體育之人士，參加努力，負設計，執行，維持，發展會務之責任。此體育總會之設備，宜有若干自建之運動場，體育館，健身房。此體育總會，應延專門人才，負責各項運動之指導，辦理外來運動團體之招待，并每年籌備派遣隊伍，遠征外地或觀光祖國。此體育總會，應協助當地學校，推行體育，建樹良好國民之基礎；每年應辦理公開運動大會，號召全僑男女，分別競賽，以觀摩技術，謀體育之普遍發展。

『余意：中國建國之基礎，在於實施國民之體育。此種理論，經數年來有心人之闡發宣傳，已漸爲僑衆認識，苟體育界人士，對於體育總會之組織，以縝密之考慮，爲整個之計劃，不畏艱難，肩起重任，則同胞父老兄弟姊妹，有學識經驗或財力者，應聲而起，盡其物質上，精神上之所有，以協助此會工作之完成，並非甚奢望之事。』

『余意：不特星洲一隅，宜有體育總會之組織，即檳城，雪蘭莪，霹靂，柔佛各區，亦宜有同樣之活動。苟各區體育總會已經成立，然後以區爲單位，組織全馬來亞華僑體育協進會，以與祖國之中華體育協進會相聯絡。能如是，則全馬來亞華僑之體育事業，有居中主持之機關，工作之便利，決非如今日之散漫枯寂，萎靡不振，所可同日而語矣。』

『芻蕘之見，不知體育界諸君子以爲何如？』

歷年來胡氏雖一再而三，大聲疾呼，無如應者寥寥，終至闕默。此固吾僑組織力之貧乏，要亦我國數千年來積弱之主因也，良可慨夫！

乙 招待團體

胡氏一面鼓吹組織總會，一面對於各地體育團體，運動隊伍之來星者，輒爲招待，予以種種便利。十年來胡氏在星所招待國內外各大小體育團體，無慮數十次，茲舉其較著者如下：

上海復旦大學足球隊 於民國十八年三月作海外遠征之舉。抵星時，胡氏雖因事赴仰光，然已預派代表，備自用汽車多輛，到碼頭招待一切。登岸後，該球隊即乘車先至永

安堂參觀；由該堂執事招待，並請至菜館用膳。膳後，即馳車赴巴絲巴影胡氏別墅安頓。該隊此行，計有教練黃炳坤，呂運亨，隊長鍾連基，隊員龔中元，李靜邦，瞿鴻德，姚永炳，胡仁階，周崇道，盧忱，胡繼武，莊松，李靜平，王樹森，韓奎永，張維新，杜昆全，周紹文，李琳，鄧文厚，幹事葉福祥，陳學禮等共二十二人；挾其球藝，南來轉戰馬來亞各埠，計達一月。後以踐小呂宋之約，離星首途，胡氏已自仰光返，特設筵於維基利俱樂部以饒之。列席者有駐星總領事唐榴及當地名流，報界記者，頗極一時之感。

香港華人足球隊

於民國十八年五月南來，與星洲華人足球隊，馬來亞華人聯合隊，馬六甲華人隊，怡保華人隊，吉隆坡華人隊，先後交鋒，成績甚佳。該隊初抵星洲，下榻荷蘭旅館，因氣候關係，球員有身體不適者，當其由吉隆坡返星時，領隊莫應濰先期函請胡氏招待，商假其巴絲巴影別墅住宿。胡氏首肯，且為該隊與馬來亞華人聯隊再度作戰故，特贈金銀牌各十一枚，以獎勵雙方。該隊擁名將甚多，如葉北華，馮景祥，曹桂成，李天生等均與焉，惟結果以〇比一敗北。

上海樂華足球隊

為我國足球史上極有光榮之球隊。民國十八年七月，該隊南來抵星，一行共廿人，計領隊余衡之，副領隊容啓光，書記江道章，隊長李惠堂，醫生郁廷襄，隊員周賢言，馮運佑，李甯，李壽華，安原生，梁官松，孫思敬，陳璞，陳鎮和，陳家球，戴麟經，王雍劼，奚巧生，陳虞添，陳秉祥等。抵埠時，胡氏特派代表胡桂庚登輪歡迎，並以汽車接赴巴絲巴影別墅下榻，胡氏已先在別墅等候招待。越日於維基利俱樂部設筵歡宴焉。該隊副領隊容博士於馬來華人體育會歡宴席上云：「吾人此番蒞星，深承胡君文虎竭誠招待，起居飲食，均極安甯，使吾人有賓至如歸之樂，實屬感劬萬分。現由樂華董事通過，

請胡君担任本會名譽會董，想胡君必能隨時指教也。」翌年七月抱征歐之雄心，擬與香港之南華，中華合組一華人業餘隊，遠征英倫，再度南來，胡氏招待之一如去年，惟全隊人馬，稍有更易，計領隊余衡之，隊長李惠堂，醫生關健安，隊員周賢言，馮運佑，李甯，孫思敬，梁榮德，安原生，曹桂成，陳光耀，陳家球，戴麟經，共十三人。後以香港兩華不允借將，乃於九月中旬，慘然返國。在星勾留甚久，胡氏不但招待之於巴絲巴影別墅，且尙登報端爲三華健兒進言，勗以大義，望爲國族爭光，然終不果。

真茹登南大學足球隊 於民國十七年六月，遠征南來，胡氏招待之於巴絲巴影別墅。遠征結果，雖無若何成績，然溝通中南球界聲氣，引起同僑對於球戰之興趣，其功誠不可沒也。歸國時，胡氏特設筵南天，爲之餞別，並邀報學界及聞人作陪，赴席者計達四百餘人之多。

香港南華足球南征隊 於民國十九年六月下旬抵星，計總領隊何潤光，副領隊余巨賢，隊長包家平，副隊長馮景祥，庶務朱寮生，隊員李天生，譚江柏，梁榮照，黃姜順，梁彥贊，葉北華，葉隱森，朱國倫，鄭少康，陳宇鈿，黃紀良，葉觀甯，湯坤，張國材等，共十九人，亦由胡氏招待，於巴絲巴影別墅下榻，並設筵於維基利歡宴其全體健兒。該隊轉戰星洲，馬六甲，吉隆坡，怡保，檳城，吉礁等地後，乃於八月初旬返港。

香港中華足球隊 爲香港中華體育會所組織，實力雄厚，素有老虎隊之譽。胡氏爲其名譽會長。民國十九年，樂華，南華，相繼南來後，該隊亦於八月中旬拔隊來星，一行共二十二人，計總領隊葉九皋，副領隊兼書記陳約華，顧問姚慕秋，司庫蔣福星，訓練歐傑生，隊長黎郁達，副隊長陳錫培，隊員吳錦泉，孫錦順，黃柏松，梁玉堂，何佐賢，黃瑞華

，羅偉民，黃炳，何家強，李鴻備，梁達榮，麥國棟，石培添，黎國創及孫錦順夫人。抵埠時，亦由胡氏招待於巴絲巴影別墅下榻，並於維基利俱樂部爲之設筵洗塵。在星作四次激戰後，卽拔隊返港。

丙 鼓勵競賽

提倡體育，首重舉行競賽，以引起大衆之興趣，而造成社會之風氣。胡氏深明其理，故於鼓吹組織團體之餘，極力提倡舉行競賽，並不惜斥巨資主持之。茲爲述其較著者如次：

一 香港中華公開水陸運動大會

香港中華體育會成立後，卽聘胡氏爲名譽會長。民國十八年，胡氏鑒於我國歷屆參加遠東運動會，除球類一項，略有把握外，其餘各項運動，不但染指無望，且考歷屆成績，毫無進步，而見該會於十七年參加廣州第十一屆運動會時則成績甚佳，遂感我國參加遠東運動會之失敗，在於無人扶植青年作適當之體育訓練，因與該會負責人磋商於九月間，舉辦一公開水陸運動大會，以爲翌年參加遠東運動會之準備，其全場獎品由胡氏一人捐助。

彼時星洲華人體育界，除足球隊會返國一較身手外，其餘各項運動，則從未有遣派選手，回國參加；惟該次香港中華公開水陸運動競技大會，經胡氏之熱烈提倡，星洲華人體育會乃趁機選派網球名手邱飛海等二人，游泳隊一隊八人，赴港參加，順至滬，粵一帶旅行。胡氏慨捐旅費一千元，並親爲之領隊前往，胡氏主持開幕後，卽因事匆匆返星。競賽結果，游泳隊果奪得團體冠軍，而個人冠軍亦爲該隊黃茂源所得。

二 新加坡華僑排球競賽聯合會

民國十九年春，星洲日報本提倡體育之熱誠，發起星洲華僑排球競賽聯合會，分男女兩

組，參加者男十三隊，女五隊。四月二十七日，舉行開幕禮時，胡氏親臨致詞，嘉獎鼓勵，並報効兩大銀盾，分獎男女冠軍。是項競賽，互相劇戰，歷時凡二月，結果胡氏大銀盾爲崇正校友會及南洋女校所奪得。

胡氏對於該次排球競賽，贊助提倡，至爲熱烈，除每次蒞場觀戰，稱許鼓勵外，復於競賽結束後，假南天酒樓設筵慰勞各隊健兒，同時星洲日報則印發「華排特刊」以留紀念。

三 新加坡公開羽毛球比賽

民國十九年八月之新加坡公開羽毛球比賽，舉行於義勇隊內舉行。胡氏特贈大銀盾，以資鼓勵。比賽結果，個人冠軍爲文思氏所得，亞軍則屬之同僑薛錦福。

四 星洲日學拳術競賽

星洲業餘拳術會，每年定期舉行拳術競賽，並有日學（與夜學相對而言）拳術競賽，惟無相當贈品，以資鼓勵。民國十九年冬，請之胡氏；胡氏深悉拳術爲體育中之重要技術，久思有以提倡，該會已見請，卽慨允贈大銀盾一座，以爲錦標。該銀盾與贈華排競賽者相同，堂皇美觀，值英金二十餘磅，規定凡日學加入競賽，得分最多者得保留一年，且將校名刻於盾面。同時胡氏會謂：彼極希望本坡各日學校長，設法鼓勵學生練習拳術，蓋拳術有益於健康甚大，且係一種高尚之業餘競賽，並非學習之後卽以之爲職業也。

五 掛羅庇勝華童聯合運動會

民國十九年夏，馬來亞各地體育空氣，因胡氏在星洲提倡之影響，乃大爲濃厚，掛羅庇勝一埠，亦有華童聯合運動會之舉，該辦事處於該埠總商會，凡十二歲至二十二歲之華童，均可加入。該會籌備處先函胡氏昆仲，請求獎品，藉以鼓勵參加者之努力，並增進運動之興

趣。胡氏昆仲當即慨諾，各報効大銀盃一座，分獎冠亞軍。

六 星洲華僑運動會

星洲華僑運動會，蓋為胡氏所發起主持之馬來亞華僑運動大會星洲區之預賽，以挑選選手，代表星洲，參加馬來亞華僑運動大會者。第一次舉行於十九年十一月，主事者為會長陳祀恩，胡氏則捐鉅款贊助之。第二次則舉行於廿二年十月，該屆會長為星洲日報經理林鶴民。第三次於廿四年六月舉行，公推胡氏為正會長，規模益為偉大完備，並定每年舉行一次。胡氏個人報効全場基本獎品。以上三屆經費，除門票收入外，不敷之數均由胡氏贊助。迨第四次於廿五年六月舉行時，籌備會主席胡昌耀等，因欲完全公開，以副胡氏普及大眾之宗旨，分向正副會長及名譽會長等捐助經費，胡氏除再報効全場基本獎品外，不敷之數，仍由其負擔，情況益為熱烈。第五次舉行於二十六年六月，仍由胡昌耀主持籌備，胡氏之贊助該會，一如上屆。迨前年暴寇肆虐，抗戰軍興，該會遂因而停頓，而胡氏所輸將已達一萬四千五百餘百元矣。

七 馬來亞華僑運動大會

民國十九年春，星洲日報所發起舉行之新加坡華僑排球競賽會，於四月二十日舉行開幕禮時，胡氏會蒞場致詞，大意謂該會自發起組織後，時間短促，乃有此成績，實屬可嘉，並希望此種精神與組織，能推廣至全世界之華僑，庶民族精神之振發，與國民體魄之鍛鍊，易於收效。並謂彼會與其弟文豹先生商議，擬邀集七州府之華僑，發起大規模之運動會，全場獎品，由其報効，並希望本坡體育團體，熱烈參加贊助云云。而馬來亞華僑運動大會於是結胎焉。後各地社團學校及個人均熱烈參加發起，經數個月之努力籌備，第一屆運動大會乃於

二十年四月三日至七日假星洲夜蘭勿殺運動場舉行；第二屆於二十二年十二月二十三日至二十六日，假吉隆坡實地典足球場舉行；第三屆於二十四年八月二日至五日，假檳城鍾靈中學舉行，第四屆本擬在霹靂舉行，後以該處中華大會堂不及於年內完竣，故於二十六年七月三十日起至八月二日止，改在星洲舉行。四屆會長均公推胡氏担任。胡氏除報効獎品，蒞場鼓勵外，復負擔大會之不足經費，四屆不敷共達三萬元之鉅。

八 閩南運動大會

民國二十五年夏，閩南各界人士，深感體育運動，可以強壯國民體魄，振發民族精神，遂發起舉行閩南運動大會，惟籌劃經費不易，故泉州培元中學校長許錫安電懇胡氏將伯，以完成其事。胡氏接電後，即本提倡體育之素志，慨捐國幣一千元以爲該會經費。

九 全瓊運動大會

民國二十四年冬，瓊崖軍政學各界人士，以瓊崖僻處一隅，對於體育事業，尙未普遍發展，乃發起全瓊運動大會，第一次於次年四月間在海口舉行，該會當局以胡氏對於體育，輸捐贊助，熱心提倡，不遺餘力，特請胡氏報効全場獎品。胡氏一本初衷，慷慨許諾，藉以鼓勵。

十 星洲國際田徑競賽大會

當馬來亞華僑運動大會第二屆舉行前，星洲華僑運動大會籌備委員會當局，爲檢閱出席馬華田徑選手隊之實力起見，特邀請當地混種人體育會，日本人公會，駐星皇家空軍等，舉行國際田徑競賽，於二十四年七月二十一日假夜蘭勿殺球場舉行。胡氏被公推爲會長，主持大會，並贊助一切。

丁 資送選手

胡氏之鼓勵競賽，不特對於運動大會，斥資贊助，即對於出席團體，亦予以最大助力。其最著者有五：

一 星洲選手參加香港水陸運動會


民國十八年之香港中華公開水陸運動競技大會，本為胡氏報効全場獎品發起舉行。星洲華人體育會乘機選派網球，游泳選手，赴港參加。胡氏除慨捐該隊旅費一千元外，並親為之領隊前往。是為胡氏率領選手參加競賽之始。

二 星洲選手參加馬華運動會

馬來亞華僑運動大會，除第一，第四兩屆在星洲舉行外，其第二屆星洲選手隊之出發參加時，胡氏會報効汽車五十輛，作為遊行全市之用。第三屆馬華運動大會於檳城，路程遙遠，川資甚鉅，籌措不易，商之胡氏，胡氏亦慨允全部負擔，計共四千餘元。得勝歸來，胡氏且設筵慰勞焉。



星洲虎豹游泳池大門



星洲虎豹游泳池新建築

三 馬華選手參加全國運動大會

民國二十四年秋，滬上舉行第六屆全國運動大會時，胡氏任總領隊，統率馬華選手，大隊人馬闖入國門，與全國英豪，較短量長，開馬來亞華僑體育史上之創舉。胡氏除領隊前往外，並負擔不足經費，全部共達叻幣二萬三千餘元之鉅。

四 馬來亞童軍參加世界童軍大會採

胡氏提倡華僑體育，不遺餘力，而於外人體育社團及競賽等，亦常予以贊助。民國二十二年底，在澳洲新金山舉行之世界童軍大會採，馬來亞童軍亦派代表隊前往參加，胡氏首捐二百元為之助。

五 星洲業餘籃球隊遠征爪哇

本年六月星洲業餘籃球隊往馬來亞各埠作籌賑慈善賽歸來，備受同僑之稱譽。繼復有遠征爪哇之舉，其旅費除向熱心人士籌得三四百元外，其餘概由胡氏報効，而比賽所得，掃數化為仁漿。


義粟，該隊一行共十一人，計總領隊胡昌耀，秘書張匡人，指導邱衡近，隊長邱思元，隊員黃秀仁，張師狄，黃宗標，葉茂發，顏連進，郭崔，總領隊胡昌耀事冗未克偕行，惟事前籌措旅費及與對方接洽，頗具勞績。結果：在吧城，萬隆，蘇甲巫眉，井里汶，三寶壟，泗水，瑪琅等地，大小二十一戰，攻無不克，共得義款荷幣一萬五千餘盾。八月初，該隊始返星。

戊 建設場所


胡氏數度提倡組織大規模之體育總會不成，除贊助各體育團體之建設外，復獨資創建體育場所，努力勿懈：

一 星洲虎豹游泳池

星洲一衣帶水，加以氣候炎熱，吾僑每喜於公餘之暇，至海濱游泳，以解溽暑；苦無場所，更衣休憩，不特不便，且亦危險，而於女子爲尤甚，胡氏有鑒於此，乃在巴絲巴影建設新式游泳池一所，面積甚廣，於民國二十年八月開幕，初名爲猛虎游泳池。開放後，每日前往游泳者，絡



星洲虎豹游泳池外池



運京虎豹兒童運動場

釋不絕，尤以星期六及星期日爲甚，幾有人滿之患。外國人士之入場游泳者，爲數亦多。後因同僑團體之請，胡氏乃通告限制，外國人士祇可參觀，不得入池游泳。後場仍不敷，胡氏乃加闢一長約百六十尺之巨大游泳池，並改名爲中華游泳場，去年始改今名。開辦迄今五年，共費資十二萬三千五百餘元云。


二 海口白沙游泳場

瓊崖一島，四面環海，而氣候溫和，故游泳之風甚普遍。歷年均有游泳場之設置，惟限於財力，設備簡陋，每爲風災所毀，民國二十五年二月，瓊崖區綏靖委員公署及瓊崖體育促進會具函胡氏，請予贊助，胡氏覆函，慨捐全部建築費五千元，建築白沙游泳場一座。是年七月，即完工開幕。

三 福州體育場

民國二十四年秋，胡氏率馬華選手，返國參加第六屆全國運動大會時，慨允於福州

福建省公共住宅展覽館




建築大規模之公共體育館一座，於次年冬動工，歷時四月，計費國幣約二萬元云。


四 暹京虎豹兒童運動場

民國二十五年九月間，胡氏赴暹京，曾謁暹國務院長丕耶拍鳳，表示願捐資二萬銖，建築公共游泳池一座。後該國體育廳長以爲兒童運動場之建築，較游泳池，尤爲重要，因請准國務院長及胡氏之同意，將該款撥建虎豹兒童運動場於是樂園，民國二十七年五月十五日，始舉行開幕。場內設備，至爲完備，計有鞦韆架，平行架，沙湖，淺水池，雙單西式滑溜橋，鉄架，槓架，鋼架，蹺板等。中暹兒童前往遊戲，頗爲衆多。

以上四處，爲胡氏所獨資興建者，此外對於星洲華人足球總會，星洲華僑籃球總會，星洲華人體育會，香港華人游泳會，星洲華人游泳會，馬來亞巫人足球總會，星洲業餘舉重總會，星洲童子軍總部……等等，或助經費，或捐建築，不勝縷舉，至於贊助國內外華校之體育設備，更毋論矣。



星洲華人游泳會



星洲客屬總會

胡氏除贊助各地學校及體育團體外，其他公共社團之向胡氏呼將伯者，胡氏莫不慷慨解囊，樂為贊助，或報効建築，或捐助經費，茲舉其較著者如下：

星洲客屬總會 為旅星我國閩、粵、贛、桂各地客人之集合總機關也。初湯湘霖等鑒於客人南來日衆，人事交接日繁，分佈區域日廣，社會關係日密，非作有組織之大團結，不足以聯絡感情，互通音問，及收團結互助之效，爰有組織客屬總會之議，此議一倡，隨得客屬同僑之熱烈響應，乃於民國十二年春，由嘉應、豐、永、大、八屬同僑大會議決，組織客屬總會，設籌備處於應和會館，是時復因當地政府，將青山亭墳地，劃入市區，夷為平地，願撥一部份地基以贈各屬，以為紀念先人建築之需，客屬同僑由湯湘霖、梁谷欣、鄧振卿等領導下，獲得柏城街地基一方，計廣六千六百餘方呎，繼即籌


第三節 社團

備建築會館，胡氏昆仲捐資獨多，巍巍大廈，乃得於民國十七年冬落成。次年秋正式開幕，廿四年，胡氏被舉為正會長，會務益形進展，並於去年推動英荷兩屬客屬公會之組織。今年八月間，舉行客屬總會十週紀念遊藝籌賑祖國難民大會，成績達國幣十三萬元之鉅，同時舉行各地公會代表大會，頗極一時之盛。而胡氏除捐助該會經費外，並報効歷年積填巨款約六萬四千元，慷慨熱心，深為該會各地會友所景仰擁護。

星洲書記聯合會 於林祈祝為會長時，胡氏被推為該會贊助人，乃弟文豹先生則為名譽會長，民國十九年，胡氏慨捐數千元，為建永久會所於仰光路，二十一年冬，又捐建大廳一座於會所之旁，當會所未建之前，則常假胡氏巴絲巴影別墅內舉行會議。

柔佛新山同源社 為新山客屬同僑於民國十八年組織成立者，當時即因經費竭蹶，請助於胡氏，胡氏慨助叻幣二千元，該會除請胡氏為名譽總理，高懸肖像，以資紀念外，復登報鳴謝，藉揚仁風。

星洲怡和軒俱樂部 即現在南洋華僑籌賑總會假為會所者，為星洲華僑俱樂部中歷史甚久，地位最高者，會友俱為當地同僑領袖，民國十六年，該部於武吉巴梭路建築新舍，胡氏捐金最多，並贈傢私，今該部客廳內所懸銅牌，猶銘胡氏之名並捐金數額云。



書記公會虎豹堂

星洲維基利俱樂部

成立迄今已四十五年之久，會址在翠蘭亭，而胡氏爲之祭酒，當虎豹別墅未建前，胡氏每有宴會，常假該處舉行，每當該部於十月間舉行若干週年紀念時，胡氏常爲之設筵慶祝焉。所謂「維基利」者，英語 *Wickill's* 之譯音，此言「星期」也。

星洲中華俱樂部

在嘉東，亦胡氏爲祭酒，昔胡氏亦常假該處歡宴嘉賓，民國十八年秋，胡氏曾於該部倡議呈請當地政府以國慶日爲公共假期，胡氏之言曰：「廢曆元旦已經國府明令取消，而此地則仍爲公共假期，此蓋舊時習俗，可暫不顧，若有人欲以廢曆年初二之假期，換爲雙十節假期，而保留初一之假期，則不啻尙承認廢曆，留一劣點，貽笑於人，殊不足取，况雙十節爲吾國最隆重之一慶典，吾人向當地政府懇切要求，以極順民意之今日政府，定蒙照准，何必以交易式出之」。而難者以爲馬來亞各族雜處，當地政府如准華人要求，則恐他國人民亦將援例，而政府必難於應付矣，是故不得不出之交易一法也。胡氏則謂「馬來亞居民以吾僑佔大半，以大半居民之要求，政府自宜允准，如英皇子來時，歡迎最熱烈而衆多者華人也，華人既多，他國人數尠少，自無援例可能，縱政府不准，各僑亦宜一致自動休業，藉資慶祝」。後雖呈請未准，然胡氏見解之正確，於此可見一斑。

倫敦中華俱樂部

爲何東爵士之女子，艾齡女士所創辦，目的在使僑胞於終日勞碌後，得一聚談消遣場所，初賃小室一間於東倫大同樓上，後得黨國要人如張漢卿，蔡廷楷，宋子文，張發奎等捐助二百餘金鎊，何東爵士捐五百金鎊，乃得以五百五十鎊，購得新屋一所，以爲會舍，惟餘款無幾，民國二十四年五月，胡氏遊英，何女士即走訪胡氏於海德公園旅館，懇爲將伯，胡氏乃慨捐一百金鎊以贊助之。

廣州新聞記者公會

民國二十三年六月，胡氏返國抵廣州，該會以添置參攷圖書爲請

，胡氏慨捐二百元爲助。

福建博物研究會

民國二十五年五月，該會長會壑南來搜集生物標本，並募捐生產基金，曾謁胡氏，請求贊助，胡氏卽慨允國幣千元，以爲將伯。

香港聖約翰救傷隊

胡氏於民國二十四年率馬華健兒，返國參加全運時，途經香港會慷慨資助該隊擴充組織，增加至五百名，該隊自擴充後，其服裝有紅十字標記，故亦稱紅十字救傷隊。次年冬，胡氏復贈該隊以救傷車一輛。

廣州胡氏宗祠

民國二十四年十一月，胡氏抵廣州，曾慨捐四萬元，爲該地胡氏宗祠之建築經費，並主持闔族紀念堂奠基禮。

福州民生婦女工藝傳習所

爲收容貧困婦女，授以各種謀生工藝而設立。民國二十四年四月，該所所長邱英女士，因宿舍湫隘，南來募捐，胡氏慨捐該所新舍一座，以造福福州女界。



廣州市報販職業工會

民國二十六年四月，胡氏赴粵視察星粵日報館址工程，抵埠時，全市報販千餘人，持旗歡迎於車站，並由該會派代表晉謁胡氏，備述報販苦况，要求捐建報販大塲所，以便收發報紙，而免擁擠爭奪，並設勞工學校，以收容路宿街頭之貧苦報童，

胡氏卽慨然允諾，惜暴敵肆虐，羊城淪陷，星粵見毀，報販渴望，未得實現，良可慨也。

仰光中國佛學會 於民國二十四年春，發起募建會所，胡氏適因掃墓抵仰光，該會董事邱貽厥，李遐禮，曾文銀等十餘人，聯袂往訪。胡氏以藏經關係中國文化極大，贊成須供藏適中地點，俾研究者往來利便，同時許返星後，參照中國名刹佛學院建築型式，繪圖捐資建築。

胡氏參加各項社團組織，至爲熱心，每有建設，常慷慨解囊，獨任其大，以上所舉，不過略舉一斑而已。

第四節 建設

胡氏對於贊助祖國政府之建設，最爲努力。民國二十二年五月，福建省政府主席蔣光鼐，綏靖主任蔡廷楷等，鑒於該省歷年內政失修，百業不振，土劣股匪，交相爲惡，地方糜爛，人民困苦，而懲惡勦匪之餘，應以建設爲圖治之階，特於原有建設廳外，別組建設委員會，聘請海內外賢豪爲委員，羣策羣力，以謀福利，特電聘胡氏爲委員。胡氏亦電允就職，惟不克出席參加成立大會，特委閩侯縣長林鴻輝爲代表，同時，行政院亦呈准國民政府聘胡氏爲航空建設會委員。是年七月，胡氏返國從事實際建設，抵閩，特向當局提出三建議：一，組織新福建銀行，贊助建設事及救濟農村經濟；二，劃廈門市爲華僑建設試驗區，並早日促其實現；三，希望政府及人民推誠合作，捐除隔膜，共建新福建，以造福閩民。是時漳龍鐵路籌備委員會成立，亦聘胡氏爲委員，胡氏預算款額約一千五百萬元，其本人可担任數百萬元。民國二十五年秋，胡氏至香港，主持虎豹別墅落成禮，曾謁粵省當局，發表建設意見，謂廣州一德路一帶，電車路軌已就，而迄未通車，若政府不暇兼顧，則請撥歸商辦，本人亦當量力以助其成。粵省主席黃慕松及廣州市長曾養甫等，即請胡氏組織一資本五百萬元之大公司，以辦理廣州無軌電車。民國廿六年春，胡氏以閩粵鐵路，關係交通民生至重，特電粵市長曾養甫促其早成。凡此種種，後雖以事變，均未果行，然胡氏對於建設祖國之熱誠，於此亦可概見。茲舉其努力實行建設之一斑如次，而學校，醫院以及一切慈善機關之建設不與焉。

甲 贊助政府建設

一 閩西公路

閩西公路，自民國十六年興築後，因軍事影響，工程時作時輟，而坎市至峯市一段，省庫支絀，未能動工。民國二十四年，胡氏率馬華健兒參加第六屆全國運動大會時經閩，慨允借款八萬元爲建築費，該路乃得於翌年完成。

二 福建監獄

我國積弱之原因固多，而監獄不良，亦一大因。揆諸犯罪發生之原由，雖爲生理或心理之變態，而究其極，要皆惡劣環境所構成。而法律之目的，不僅在事前之防範，尤重於事後之補救。所謂補救者，厥惟施以相當之感化。是以世界文明各國，對於監獄之建設，均力求適合於此目標：以內部設備之完善，使一般平素體弱神衰者，進入監獄後，經有規則起居飲食，與體育鍛練，出獄時身心健全，神志既清，勞作亦耐，是不致再蹈覆轍。而我國監獄，昔時不特未稍加注意，抑且污穢陰濕，慘無天日。民國二十四年，胡氏率馬華選手返國時，對於福建各地改造新監獄事，慨撥巨款，力助其成：

福州監獄

當十九路軍於淞滬抗戰結束，開閩休養之際，胡氏鑒於福州方面衛生設備之缺乏，特慨捐廿萬元，擬建醫院一所。繼而省政府適欲改建監獄，未得的款，乃商同胡氏將醫院建築費項下，撥借八萬元。胡氏以改良監獄，亦爲當務之急，遂慨然允諾，如數匯往。繼逢閩變，省府改組，以胡氏借款，屬於慈善事業者，當即決議，加以承認，並按月攤還一萬元。歷時八月，如數還清。迨民二十四，胡氏返國抵閩，應福州耆紳之請，仍將此八萬元省政府還來之款，撥作福州監獄建築費，而其他十二萬元，則仍作醫院建築費。

廈門監獄

胡氏於捐資二十萬元在福州建築醫院時，同時並捐十二萬元在廈門建築平

民工藝廠，及捐八萬元建築中山醫院。後醫院竣工，而工藝廠則因辦事人辦理不善而停頓。民二十四，胡氏抵廈時，於歡迎席上應各界之請求，慨將該廠建築地址，及前捐款項，悉數撥作建築廈門監獄之用。同時在該監獄內，決加設工藝部，以期每一不幸獄囚，得於監禁期間獲一技能，冀出獄後得以謀生，不致重入非途。南京司法部部長王用賓據報，即電胡氏鳴謝。翌年一月，胡氏見該監獄尚未進行，特函促廈門籌建監獄委員會，從速招標興建。二十六年二月，國民政府特頒「澤流獄岸」匾額，以資嘉獎云。

泉州監獄

胡氏於民二十四抵廈時，泉州軍政商學各界，亦組織歡迎會，並派代表五十餘人，赴廈迎接。胡氏以感情難却，遂作泉州之行。當時泉州各界歡迎之熱烈，初不讓於汕廈各地。胡氏在泉，除捐建慈兒院外，復以泉州新式監獄，祇建牆基一尺，即以經費無着停工，殊為可惜。因亦慨捐全部建築費四千七百元，並促該監獄建築人，即日復工，於二月內完成。

永春監獄

初永春監獄建築時，亦曾向胡氏募捐一千五百元，繼以建築費足額，遂作罷論。當胡氏應泉州各界之召抵泉時，該監獄建築經費又告竭蹶，永春縣長特函胡氏，敘述建築經過及短少原因，重申前請。胡氏亦慷慨如數捐助，俾得竣工。

三 汕頭懲教場

胡氏於民國二十三年返國時，見汕頭公安局之懲教場，年久失修，頗形簡陋，慨捐八千金，為之重建，當第一部工程告竣，局長何治偉特為撰記勒碑。其文云：

汕頭懲教場，舊為石炮台，台為遜清廣東水師提督方耀所建，位汕頭港東，澄海吳厝新鄉之南，與角石蘇岸砲台，夾岸并峙，扼馬嶼口，互為犄角，置砲兵守衛，以固海防，而安邊圉者也。鼎革後，台兵星散，鞠為茂草，歐戰而

後，爲戰具之日新又新，台亦失其險矣。民十，汕頭設市，離澄海而直隸於省。市長王雨若謂：明決所以弼教，而圖國之制，未爲盡廢也。乃創改台爲市懲戒場議。民十三，陳市長友雲成其事。民十八，奉撥局轄，始易今名。民十九，黃前局長固憫囚徒多失業者流，乃謀於各界，發起遊藝大會，籌款舉辦習藝，蓋苟合矣。今年治偉承乏局事，以囚徒品雜，其中不適於工藝者，大不乏人，因又益之以農圃，使人執一業，各盡所能焉，宜若苟完矣。顧場仍台舊，地原低溼，光線空氣，兩仍不足，囚徒居處，多患疹疾。擬修繕，然費鉅籌難，迄未得當。永定胡君文虎，富而仁者也，適有汕遊，念其所苦，慨然捐八千金爲助，乃鳩工庀材，煥然新之。諸囚徒游焉息焉，舉欣欣然，謳歌胡君之德。君子曰：文王先聖也，囚於羑里，公治先賢也，辱在縲纆，下焉者或不得其致，或失所養，乃不幸而竊鉤者誅耳，夫豈心之所安哉！而乃隸繫之不足，又從而斷其生，而戕其性焉，此仁者所不能忍者也。胡君之見義勇爲，誠不可及，惟其惻隱之心，而光大之，斯亦盡善之道者乎！是不可以不紀。中華民國二十三年中秋日，防城何治偉記於汕市公安局。

而場中囚犯，亦因該場修建後，一切生活，均較前改善，四百餘人聯名發表致各界書於報端，備述其感激之情，以資頌揚云。

四 南京總理陵園水塔

南京總理陵園紫霞洞之舊水壩及水塔，爲胡氏於民國二十四年返國晉京謁陵時，親對國府主席林森慨允捐建者，以期首都市民之用水，得有充分之供應，而總理陵園，亦得壯麗之點綴。胡氏共費銀七萬元，歷時經年，全部工程，始告完成。

五 汕頭海港檢疫所電船

汕頭海港檢疫所，自檢疫權收回後，厄於經費，故各種設施，因陋就簡。平時所用之檢疫電船，初係向該市波寧公司租賃。迨民國廿三年夏，胡氏因公過汕，該所長張楷乘便進謁，將該所辦理情形，及檢疫與僑胞之關係，向氏陳說，並請捐助鉅金，購置檢疫電船，以利檢疫事宜。胡氏卽慨捐國幣二千元，爲購置電船一艘。該所長遂將各情呈報西南政務委員會

備案並將該輪定名為文虎號以資紀念焉。

六 上海市立衛生化驗所

上海市立衛生化驗所，為市公所，於民國十四年所創立，後幾經變遷。迨民國二十三年，上海市政府議決建築市立醫院，胡氏慨捐十一萬元，撥為該所建築新廈經費，乃擇市中心區府東外路為所址，占地十六畝。二十四年開始奠基興工，歷年餘始告落成，規模宏大，設備完善，為胡氏贊助大上海建設之一大貢獻也。我國政府為紀念此項義舉，除由國府頒給「樂善博施」匾額一方，褒狀一張，衛生署金質褒章一座，執照一紙外，復於市立醫院前，建立胡氏銅像一座，以垂久遠。

七 福鼎大礮樓

閩東福鼎秦嶼鄉，昔經兵燹，災情奇重，人民無家可歸者，比比皆是。適胡氏率馬華健兒歸國，順道至閩，聞知其事，即慨捐國幣五千元，交薩上將鎮冰在該鄉建築一大礮樓；既可禦匪，又可居民，計劃非常完備。民國二十五年春，礮樓落成，內住居民二十八家，計數百口之衆。

八 廣西農村經濟

廣西省政府歷年積極致力新廣西之建設，一切設施，進展頗速，已深引起國內外人士之注意，該省當局，國民革命軍第四集團軍總司令李宗仁，副總司令白崇禧二氏，曾屢函邀請胡氏入桂一遊，指示一切。胡氏亦常有入桂之念，惟屢次返國，俱因事羈身，不克如願。民國廿三年五月胡氏命林鶴民為代表，入桂實地調查經濟狀況，並捐國幣十萬元，以助該省公

益。後鑒於該省農村，殊爲貧困，土地荒蕪，無資開墾，於是將該款分借農民，專爲墾荒之資，分五期攤還，五年還清。至於利息，力求低廉，因廣西農間之高利貸，其利率高達五六分，猶屬尋常，加二三則已公道矣。似此榨取，民何以堪！而此十萬金之借款，利率乃減低至五六釐，以利貧農。至該款攤還時，本利俱在，再由政府斟酌情形，妥爲處置。是項建設農村經濟之舉，在我國實屬急需；而胡氏之捐款，一舉有數得者矣。

九 購機壽蔣院長

民國廿五年，國民政府行政院長兼軍事委員會委員長蔣介石氏，五十壽辰，國內外同胞均熱烈籌款，購飛機祝壽，蓋可建設空軍力量，以固國防，一舉兩得，用意至善。蔣院長亦表示願領受。胡氏於是年返國，亦曾進京謁蔣院長，以海外僑胞熱烈購機告，並詢以何項飛機尤較合用。蔣院長答以轟炸機，驅逐機，戰鬥機等，均甚需要，並書若干機名予之。後胡氏更託廣州市長會養甫代向航空委員會詢明飛機種類及價目，據云蔣院長最喜 Martin Bomber 號轟炸機，以其效用最大，每小時能行四百英里以上，並可帶二千磅以上炸彈。後胡氏慨捐港幣三千二百三十元參預其感。

十 潮州築堤

中國洪水爲患，時有所聞，蓋其釀禍之因，係大小河道失修，經年滯塞，水勢不能暢達，致使堤岸崩裂，遂成巨災。潮州北堤，年久失修，河道滯塞，時有崩潰之虞。民國二十五年，潮安當局，爲防患未然計，特發起組織籌築北堤委員會。以官民合作之精神，發出捐款宣言，向海內外各地勸募，以成此舉。星洲潮州八邑會館，乃起響應，向當地潮僑募捐，以胡氏素熱心公益，不分畛域，特請贊助。胡氏卽以昆仲名義，慨捐一萬元爲助。

十一 籌建馬來亞領事館

我國駐馬來亞星洲，檳城，吉隆坡等地領事館，迄未自建館舍，不特簡陋，抑且不便；而我國政府前以致力國內建設，未暇及此。民國二十六年初，胡氏與怡保僑賢梁榮南，倡僑胞捐資籌建領事館之議，並宴請僑界聞人，共策進行。當即組織籌建領事館委員會，以是晚出席者為發起人，並由胡氏領銜分發公函，徵求發起人。後其事進行時，胡氏允捐叻幣一萬元。是年六月先付一千元。已而蘆溝橋事起，其事遂中止。至胡氏之努力於籌建領事館，不僅以此次始。昔星洲總領事館館址，原租羅敏申路與日本街交界處，惟因過去我國內爭連綿不絕，外交部對領事館之供給，疊告中輟，是以經費發生困難，尤以屋租為甚。前陳長樂，唐榴等任總領事時，常就商此項困難於胡氏，胡氏以解決此種困難，唯有將該屋購來，免費賃與總領事。當即向屋主磋商，出價二萬五千元。惟該屋主雖為華人，而竟居奇，索價甚苛，遂未成交。及後，因恐被封，急遷今址，惟以僻遠，殊多未便也。

十二 其他

胡氏贊助祖國政府之建設，初不僅以上諸端已也，此外如民二十三撥款八萬元，擬建設海口碼頭，民二十四允捐金建築閩粵兩省之僑務局，民二十六在津捐建人力車夫休息所四座，惜均受戰事影響，未能一一實現。但今後抗戰勝利，建國實踐之際，胡氏當有偉大作為，以贊助政府，造福民族也。

乙 修葺名勝古蹟

修葺名勝，保存古蹟，為文明各國所重視。英倫歷史，不上千年，美國建立，僅百數十載，然對於古物史蹟之保存，殊為努力，倫敦大橋也，華盛頓故居也，津津為人樂道之。至

於我國，數千年文物之邦，幅員廣漠，其名勝古蹟之多，甲於寰宇，所惜者，鼎革以還，內有軍閥割據搜刮，外遭強寇侵略壓迫，是以國勢不振，百端皆廢，迨國民革命統一全國，積極建設，則暴敵不容，藉端滋事，大肆破壞。故我國從事建設之時間殊短，而於名勝古蹟之修葺，尤極寥寥。然胡氏對我國名勝古蹟之保存，亦曾輸將鉅款，重修數項勝跡。胡氏對於名勝古蹟之修葺，認為一舉有數得者，蓋既足以壯觀瞻，復可以供遊覽，或更便利交通，或則有資考證，是以不特國內為然，即海外勝跡，亦樂為撥款修葺，或更增建新築，以為點綴。茲為分述如次：

一 潮州湘子橋

湘子橋為潮州八景之一，惟年久失修，日就圯廢。民國二十四年，胡氏率馬華健兒返國時，見此名勝大橋，崩潰日甚，如不加修葺，不特棄前人之功，抑將阻塞交通，乃捐資修建西橋，次年春完成，費五千餘金。管理湘橋委員會，特倩名士吳子筠為撰「重修西橋碑記」，茲著錄如下：

韓水泱泱，源遠流長。徒扛輿梁，緝轂中央。往來孔道，交通閩疆。自江以上，承汀贛九河巨流，匯於鱸溪，旋繞潮城，由幹分支，縱橫湍駛，朝宗於海。江以下皆澤國，殺水勢，障狂瀾，作砥柱中流，惟斯橋是賴。余嘗遊雙旌山，道經斯橋，見西橋修築完整，欄杆林立，咸揭永安堂虎標萬金油清快水八卦丹照耀耳目。及至東橋，則未之見，且瀕危險，行者有戒心焉。既而潮安管理湘橋委員會以書抵余，述胡文虎文豹先生捐資完成西橋未竟工作，並附東西橋廢興事略請余為記，以旌胡先生功而壽之石。略謂自民國紀元，東西兩橋，無人負責管責，此其故由府稅商辦，鹽運一同他移，官制既更，民治未立。每當江水暴漲，急流觸齧，震撼非常。風波洶湧，裂石毀梁，交通斷絕，陷溺罹殃。迭經士紳為民呼籲，始由潮橋運副東關附稅廠，歲各負修橋費金五百，而橋甲工薪仍由府給。修橋基金略具矣。然修理費少，沖決事繁，小補大成，標本異治，憂樂殊觀。民國十九年，地方人士，為治本計，有管理湘橋委員會之設：妥議會章，呈奉縣府核准施行。翌年舉行遊藝籌款，並向汕頭青果行商

募捐，共得金一萬有奇，爲東西橋修理費。西橋第四五六等洲。即改造鉄筋三合土。嗣後續重修，需費不貲。滙者委會奉令改組，適逢胡文虎先生蒞潮，捐資完成西橋，將西橋第三四洲及五洲迤南一部，改造鐵筋三合土，復將西橋石級，全部修築。自今西橋穩固，履險如夷，愈以胡先生完成之力，銘刻不忘，惟東橋危險，願宏此遠謀，俾東橋亦如西橋之完美，具道本官所希望者。余聞而誌之。善夫英國計學家斯密亞丹之言曰：大利所存，必其兩益。又云：有義務者必有權利。信有味乎其言也。地方利病，關係民生，修橋利於行，猶良藥便於病，西橋揭藝所樹，觀聽皆傾。胡先生一舉而口碑載道，已如此矣！誠舉東橋而並修之，俾永安堂利濟芳標，東西輝映，此大學所謂以義爲利有大利，豈有涯哉！爰泚筆爲記以結之，並爲有力者屬焉。中華民國二十五年一月吉日，潮安吳鴻藻記。

後胡氏更表示，如潮人捐資重建東橋，胡氏仍願贊助一半，惟該項工程浩大，需費數萬金，後且以難作而止。

二 瓊州溫泉

瓊崖一島，著名溫泉甚多，且熱度甚高，水質含硫磺質特多，面積亦廣，有縱橫達十餘丈者，且風景宜人，洵爲佳勝。民國二十四年，胡氏慨捐鉅款，先後建設樂會，萬寧，東山嶺等處溫泉浴室。次年春，又慨允文昌縣長李藻興等之請，撥五千金爲建設該縣白延市近郊官山村之著名溫泉院宇。於是中國溫泉浴室，遂不讓南北二湯山專美於前矣。



三 福州古跡

福州屏山之鎮海樓，爲五代時閩越王王審知所建，迄今達千年之久，歷代均加修葺。民國二十四年胡氏赴閩時，縉紳陳揖山等方集資重修，胡氏亦慨捐二千金爲修理費，同時贊助泉山古跡之重修，建涼亭一座。抗戰軍興，泉山爲日寇轟炸所毀，屏山鎮海樓之修葺，亦阻滯未能進行。

四 杭州六和塔

六和塔爲餘杭名勝之一，位南高峯下，旁錢塘江干，宋開寶中建，以鎮江潮，舊有六和寺，塔因寺名。太平興國中，寺改名開化，而塔名仍舊。塔高七層，外觀若十四層，登臨遠眺，山水絕勝。民國二十三年冬，胡氏遊西子湖至其地，愛其景物清幽，特捐萬金，建亭一座，以爲點綴。

五 檳榔嶼極樂寺

檳榔嶼有英屬馬來亞公園之稱，風光宜人，甲於半島，而極樂一寺，層樓崇閣，法像萬千，尤擅名勝。寺中萬佛寶塔，遊客登臨憑眺，揖環海之波光，接西山之白雲，神怡心曠，俗慮盡消，更爲四方人士所樂道。而該塔者，乃胡氏於民國十九年時，獨捐鉅資數萬金所興建，而於次年一月，親臨開幕者也。塔作八角形，高



福州古跡胡文亮捐建


九層，每層各有神佛供奉其間。除佛塔外，胡氏尙捐建該寺山門，及入門走廊石級等，嘉惠遊客，實匪淺鮮。

六 檳榔嶼海珠嶼

檳榔嶼西北角，離岸約半里許，有小嶼孤立海中，居民稱之曰海珠嶼，浴波光，迎怒潮，遠山重疊，塵市隱約，風景清幽，允推勝絕。嶼上有寺，俗稱那督廟，每屆佳節，檳榔居民多渡海前往，演劇酬神。民國二十年四月，胡氏會捐資五千餘金，爲建戲台，並築甬道，置棹前往尋幽探勝者，因是益衆。

七 檳榔嶼勝地橋路

民國十九年春，胡氏赴仰掃墓返，途經檳榔嶼，遍訪諸名勝，如寶嶼仙岩大伯公廟，天公壇，日落洞等，覺道路崎嶇，年久失修，令人興行不得也。哥之嘆，胡氏乃大發宏願，費萬餘金，爲大伯公廟建門亭，立牌坊，築路三千餘尺，新造鐵路亭一座，及修葺戲台廟宇。並爲天公壇修濶大路長一千餘尺，新造門亭牌坊及鐵路亭，加築一橋，又撥五百金於日落洞思茅坪園內隔港，建築新鐵橋一座。民國二十一年，胡氏再撥二千金。次年又撥四千金，在檳榔嶼諸




檳城極樂寺

名勝地帶，修橋補路。是年復撥二千餘金重修天公壇。遊人稱便，同沾澤惠焉。

此外，胡氏尚捐資一萬五千餘金，於民國二十年間，重修暹羅古刹。赴緬甸，亦為該地著名梵宇，捐資重修云。

丙 開放別墅私邸

建築別墅，優遊享樂，為南洋我僑富豪之普遍風尚。有複道飛閣，依山結構者，有得月



虎豹私邸前階級

樓台，近水精建者，避暑消閑，清靜恬適，誠有南面王未與易之感。雖然，吾人見其樂則樂矣，其能與大眾共享耶？曰否，待其子孫無度揮霍，破產敗落，乃售之他人，任他人享樂，大眾不與也。惟胡氏則不然，雖廣置別墅，然與眾同樂，即其私邸，亦予開放，任人參觀，其器度之豁達，胸襟之坦白，洵足多也。今香港所闢建之萬金油花園，其動機完全為供大眾遊覽，較之開放別墅私


邸，尤進一步矣。初胡氏之開放星洲別墅也，未嘗有任何條例之限制，後有羨民竊其園中磁鶴等物，乃規定凡向永安堂及星洲日報等處請領憑証，始准入內，事亦非得已者。

一 星洲虎豹私邸

胡氏於民國十七年就其星洲東陵舊寓之左，別建華廈一所，以為新居。屋前有草坪，中

置雙獅博鬥銅像。拾級而上，迎面有虎豹圖一幅，額題「虎豹」二字，其下置有銅獅一頭，作戲球狀，頗生動。旁有二門，入門為客堂，其壁均係意大利雲石所砌成，上懸胡氏昆仲半身肖像，兩旁分陳雕像玉器。左有廂房兩間，為胡氏宴客之所，四壁陳列，盡屬玉器。右有臥室三間，最後一間，現為文虎先生所常居。室內陳設壯嚴富麗，並置有胡氏先人子欽公夫婦磁像，此外別無圖照點綴，於此亦可見胡氏孝思之一斑。屋之左角，有一

虎豹私邸玉器




第一章 公益事業 第四節 建設

小室，亦陳列玉器，其上有高樓，可以遠眺。屋左及屋

後，有假山亭榭，均去年所新築。

二 香港虎豹別墅

數年前，胡氏於香港大坑山麓利羣道，斥資三十餘萬元，建築虎豹別墅。全部建築



東陵虎豹私邸

採中西合璧，畫棟雕梁，富麗堂皇，有若宮殿。外圍石垣，內有苑池球場，設備精巧，佈置完善。吾人沿小徑斜上，即達虎豹別墅。大門左右，有石象拱衛。入門有中國式之涼亭。亭前左右有銅虎豹各一。入內，兩旁為石垣，中有小徑，直達別墅前廊。廊柱俱塗紅色。有雲石階級。拾級而上，即大客廳，陳設華麗絕倫。其面積之大，幾佔華廈下層之全部。屋前後左右，俱為圓月形門有銅門可以啓閉。門高丈餘，濶六尺，鑲美麗玻璃，光彩奪目。前通花園，後達天井。別墅窗戶雖多，皆配以特製玻璃，以減斜陽西照之炎熱。其中樓梯欄杆，或以酸枝，或以雲石，採用暹羅雕刻。款待中西來賓，其室不同，而其佈置各異。胡氏臥室則器具皆為白色，燦爛眩目，不可逼視，別墅天台，亦闢為花園。中有玻璃




虎豹私邸之陳設一角

室一間，夜間燈色點綴，尤為華麗。僕役宿舍與別墅不相連續。其下層為沸水房，供給沸水於別墅內各浴室。天台花園內亦有庖廚以宴佳賓。別墅之後復有石山園景。轉出即為停車處及車房。民國二十五年七月，別墅舉行落成。胡氏大宴賓客，冠蓋如雲，港督嘉卡盧司各脫爵士，輔憲司史美，華民政務司政利等均與也，而海內外各地官紳機關之電賀，尤不勝縷舉。

三 星洲虎豹別墅


胡氏本有別墅一所於巴絲巴讓海濱，自民國二十年改造為公開游泳場後，胡氏乃計劃別建虎豹別墅一所於九轉十三灣之旁，斥資三十萬元，鳩工庀材，大興土木，由何光耀設計，樓台亭榭，均別具典型。歷時兩年，始告工竣。民國二十六年三月，別墅落成，胡氏大宴賓客，中西官紳名流，到者一千三百餘人。我國駐星高總領事凌百夫婦，及美德意等國總領事，柔佛國內閣總理等蒞止參預，感况空前，頗極一時之盛。



香 港 虎 豹 別 墅


虎豹別墅依山面海，形勝天然，佔地八畝，別墅正門作拱形，上題中文「虎豹別墅」及英文 Haw Par Villa 字樣。全部門柱，均為人造石所製。入門，緣三合土甬道蜿蜒而上，直達別墅之旁

。道旁皆小白球為成之圍牆，是其特色之一。別墅建築殊新穎，其屋頂為七球形圓頂，遠望之有若天文台，內部以屬金鋪飾為天花板，且有特殊設計，可使陽光射入




星洲虎豹別墅大門

，色調變幻莫測。其內部蓋亦七圓室所合成。前面一室為書室，正中一間為大客廳，後部一室亦客廳，左右有臥室三間，及音樂室一間。臥室內均置睡牀兩張，繡枕錦褥，各異其色，旁附浴室，尤為光淨。客廳內置古玩頗多，胡氏與



星洲虎豹別墅鳥瞰



林主席，蔣委座，孫院長等所攝合影均懸壁上。而臥室之內，亦有胡氏先人子欽公夫婦磁像。屋前有小庭。拾級而下，左有玲瓏假山及精塑佛像等。其前爲一游泳池，建築甚佳。庭右有草書「胡」字形之星曲池，內置園景，精緻絕倫。其旁有圓亭一座。庭前一帶，全爲假山亭榭，石洞幽邃，花木繁盛。左有動物園，內飼斑鹿巨蟒等。庭前現方增建小塔樓台，落成之後，將益生色焉。

四 香港萬金油花園

胡氏每赴香港，常感百餘萬居民，於工餘之暇，苦無一適當之遊憩場所，因計劃將大坑山麓虎豹別墅後之曠地，闢爲萬金油花園，以供大眾遊覽。該園已於今夏動工興建，聞將搜集全世界各地名勝於一地，並將建一古式高塔，以爲點綴。建築費預計約三十萬元云。落成之後，美輪美奐，富麗堂皇，當爲香島生色多多也。


五 星洲虎豹寺

胡氏在星洲除將私邸別墅開放外，並斥巨資於跑馬場路(Race Course Rd)建虎豹寺一座，供人遊覽。該寺落成於一九三一年二月，佔地雖不廣，而建築結構殊奇突。寺宇作緬甸式

，結頂尖銳高聳，有似佛塔。寺額題「虎豹寺」三字，旁繪虎豹各一，其下爲英暹緬三種文字之譯名。門旁復塑虎豹各一，甚大，長約八九尺。入寺則有大佛像一尊，居中趺坐，高凡三丈許，碩大無朋。其座之四周，塑小佛像三十二尊，並以英文銓識之，座後正中，闢一小門，通入座下，則別有臥佛一尊，橫身而睡，長逾尋丈。往遊者，無不嘆其設計之巧，氣魄之雄焉。

六 虎豹島

星洲動物園對面，隔海有一小島，原名雪蘭崗島 (Serangong Island)，面積四十餘英畝，風景宜人，爲星海之冠，且爲一僅存之獨立島嶼，無需向海峽殖民地納稅者。由漳宜 (Changi) 乘小汽輪，五分鐘即抵達該島。民國廿六年初，胡氏昆仲以鉅資購得，爲取名曰虎豹島，將來時局平靜後，擬興建堂皇富麗之別墅及花園，並開放與羣衆同享焉。



星洲虎豹別墅

第五節 救亡

七七蘆溝事變，抗戰軍興，全國上下，一致對外，救亡圖存，責無旁貸，出錢出力，各盡厥宜。兩載以還，吾僑捐款，達二萬萬元以上，據國民政府僑務委員會之公佈，輸捐最多者爲胡氏，而緬甸葉祖蓮女士毀家紓難，寄身尼庵，爲最熱烈云。惟胡氏之赴國難，初不僅輸捐一項已也。組織救傷隊也，贊助救護藥物也，勸募救國公債也，籌賑災區難民也，創設殘廢軍人療養院也，陣亡將士遺族教養院也，集資舉行閩南平糶也，收容戰區赴港難童也，不一而足。茲就二年來胡氏致力於救亡之手工，著錄如左：

甲 救傷

一 組織救傷隊

平津戰事爆發，胡氏即以傷兵難民亟待施救，請香港紅十字會總會，遣派救傷隊北上工作。香港總會不能主張，即電英倫政府詢問，不獲批准。又該會又再致電向英倫政府請求，並聲稱紅十字會之職責，本爲救災恤難，際此華北傷兵難民，急待賑救之時，如不照准，亦必自動北上，以盡天職。後得電覆，令詢港督；終不獲准。

八一三滬戰繼起，胡氏見情形益趨嚴重，救傷隊之上前服務，更不容緩，即發傳單，召集胡氏前在港捐資助就之紅十字救傷科畢業生五百餘人，於思豪酒店舉行盛大茶會，徵求彼等意見；如願爲國家爲人類服務者，請自動報名，組織救傷隊。乃全體贊同，一致參加，救傷隊遂告成立。胡氏乃捐一萬元，爲購置用具衣服。絡繹出發，北上赴滬服務。後加入南京孫科，王寵惠等所組織之中山救傷隊服務，胡氏亦被聘爲該隊董事云。

同時復贊助福建當局籌備救傷，特匯國幣一萬元爲費用，並贈大批虎標良藥。後復贊助檳城華僑救傷隊之返國，並允負擔將來事畢南旋時之一切旅費。去年羊城淪陷，該隊爲敵衝散，胡氏急令香港永安堂分行妥爲照料，並資助南返。

二 捐贈救傷藥物

七七事變前數月，胡氏見風雲日緊，戰事不免，一旦爆發，則救傷濟難之工作，必繼之而起，特未雨綢繆，撥八千餘元，向英倫購置大批紗布，存香港永安堂分行，以備急需。迨滬戰爆發，胡氏卽令該分行經理葉貴松，配運赴滬，交宋慶齡女士，轉其與何香凝女士所辦之救護隊等應用。

是年九月，胡氏復電英倫購買紗布數萬筒，藥棉七千餘磅，絨布八大捆，共計七十四件，自叻由海利輪運港，再交香港永安堂分行，轉發蘇滬平津閩粵各地救傷團體應用。一切運費概由該分行負責。同時復將星洲虎標永安堂最新發明之萬金油精四大箱運往，以救治一切創傷之用。

同時十月，胡氏復由歐辦到大批棉花，計二十件，凡二千二百四十磅，運往祖國，交救傷機關應用。並常鼓吹醫藥界同僑捐贈救傷藥物，以應急需，胡氏且願負責，代爲裝運返國。

至於兩年來胡氏所捐贈之虎標良藥，除前述萬金油精外，尤難勝計。抗戰軍興，胡氏卽贈萬金油八卦丹十大箱，運交上海慈善團體聯合救災會。繼贈汕頭及粵桂各地慈善機關八卦丹二萬包。香港救傷隊組織成立，復贈八萬包，由第一隊救傷員一百名帶往上海。同時於贊助福建籌備救傷時，贈萬金油五千盒，八卦丹二萬包。是年九月，南京衛生署長劉瑞恆，以作戰健兒急需虎標良藥，電懇捐助。胡氏立裝萬金油，八卦丹及萬金油精，共二十二箱，金

雞納霜五大桶，配輪運京應用，時上海慈善團體聯合救災會復致函胡氏云：

「敬啓者，本會歷年荷承

貴堂惠贈萬金油，八卦丹等藥品，極見神効，嘉惠災黎，夙所感謝。此次滬戰猝起，各地難民與前方戰士，或因天時關係，或因水土不服，以致患病者頗多，此項藥品，需用孔亟，用特函請

執事巨量捐贈，以便分散服用。至盼至禱，專此奉懇，鵠候

鴻施。此致

胡文虎先生

上海慈善團體聯合救災會委員長孔祥熙，副委員長吳鐵城，王正廷，熊式輝，朱慶瀾，商震，葉楚傖

，屈映光，杜月笙，潘公展。

廿六年九月廿三日

胡氏當即函覆，寄萬金油，八卦丹各十大箱，並允陸續大批寄贈。

去夏，胡氏鑒於戰區擴大，難民日增，輾轉流離，爲狀至慘，兼之夏令，瘟疫流行，特函中央賑濟委員會委員長許世英，捐萬金油，八卦丹十五萬包，請爲宏濟。許氏深爲嘉感，即將該項良藥，分爲十份，每份每種千份，分發豫西、陝東、晉南、豫北、晉東、皖南、皖北、蘇浙邊境，京滬沿線等區，並予中國紅十字會萬金油、八卦丹各千份，同民戰地服務團各二百份，教育部各二百份，及分送武漢難民沿途應用。暨行政院長孔祥熙及中央賑務委員長許世英，復聯電籲請，再沛仁施，胡氏遙念災黎，愴然起憫，立再捐贈八卦丹九萬包，萬金油二萬七千包，頭滿粉三十二萬包，共計四十三萬七千包，分配施賑。

去年十月，胡氏爲慰勞廣東前線將士効忠起見，特電香港永安堂分行，囑付虎標良藥十五大箱，交余漢謀將軍轉發；內計頭滿粉五大箱，六萬八千包，值銀七千七百元，鐵盒萬金油五大箱，七萬二千包，值銀一千元，八卦丹五大箱，十萬另八百包，值銀三千三百六十元，共計三十四萬另八百包，值叻銀一萬四千另六十元，伸國幣四萬八千四百八十二元。十二

月初，許委員長復電請捐藥；胡氏再電請香港永安堂分行，囑立交虎標良藥三萬包助賑香港難民。本年十月，再應許委員長請，慨捐萬金油，八卦丹各一萬包。迄今尚絡繹捐贈不絕焉。

三 報効救傷車

抗戰以來，胡氏對於救死扶傷之努力，已如上述，後鑒於我國救傷區擴大，工作浩繁，救傷車輛，至感急需，特於前年年底捐購最新式大號六輪救傷車兩輛，由國民參政員胡兆祥，監運返國，交長沙救護當局，供前方救傷之用。當由中國紅十字總會接收。

去春福建方面，遭敵機轟炸，救傷車輛，不敷應用；民政廳長高登艇，急電胡氏，請將建設借款項下，撥借一萬二千元，贈置救傷車，以應急需。胡氏以該借款，因屬有限公司性質，不便移交，特函覆省主席陳儀。願報効救傷車二輛，約國幣萬餘元，惟一時趕造不及；爰與馬六甲籌賑會商懇，將該地僑生製贈祖國之救傷車，先行借出運閩應用。該項車輛抵達目的地，即交福州衛生處接收配用。

本年初春，胡氏赴港，鑒於暴敵侵粵，傷兵難民，隨之增加，亟待救濟。九龍一帶醫院已有人滿之患，常使負傷染疾者，徒然犧牲其生命，於國家亦損失一份抗戰力量，因擬在深邇設立救傷醫院，收容受傷兵民，並擬廣置救傷車，以便救護云。

乙 濟難

一 賑濟戰區難民

暴敵入寇，逞其獸性，大肆轟炸，摧殘文化，毀滅建設，國家損失，自不待言，誠亘古浩劫，而生靈塗炭，哀鴻遍野，待哺嗷嗷，尤令人慘目心傷，痛不忍言。是以蘆溝事起，胡

氏即匯叻幣二千八百三十元，以救濟華北戰區難民，續復捐國幣三萬元。滬戰爆發後，難民益衆，上海非常時期難民救濟委員會疊電僑胞呼籲，胡氏於十一月間，亦慨捐國幣一萬元，以爲衆倡。

胡氏除輸捐助賑外，復廣贈虎標良藥，去年一年，計交中央賑務委員會委員長許世英轉發之三次，已達百萬包左右，約值叻幣四萬元之鉅，而捐贈其他各慈善機關者，尙不在內。迨華南戰事爆發，廣東各地難民，麀避香港，日見擁擠，數目之鉅，爲香港開埠以來所僅見。雖當地政府及慈善機關，竭力進行救濟，多方設法收容，然仍感不濟；因抱向隅而躑躅街頭無家可歸者，觸處皆是。去冬，胡氏特函香港永安堂分行，撥款一萬元，捐交香港救濟難民委員會施賑。

客臘，胡氏閱報，見馬來亞惠屬同僑，憤於倭寇侵凌，特組救鄉委員會，救濟桑梓，乃函星洲惠州會館，慨捐國幣一千元，以爲將伯，同時鑒於星洲日報，自九一八難作，歷承僑胞信託，代匯義款達百餘萬，迄今仍源源不絕，因慨允該會，願代匯寄，至於手續所費，則完全報効。同時，星洲閩僑各會館聯合演劇籌賑時，亦以叻幣三千元購名譽券一張。義粟仁漿，嘉惠災黎，實匪淺尠。其他數百元之賑捐，更僕難數。

今春，胡氏赴港，行裝甫卸，即偕聖約翰救傷隊長莫理臣，香港永安堂分行經理葉貴松，同往新界元朗各地，視察難民區情形，並親加慰問焉。

本年八月，星洲客屬總會十週年紀念，舉行籌賑祖國難民遊藝大會，胡氏復慨慷以國幣十萬元購名譽券一張，破歷來售票之最高紀錄，此固胡氏之豪舉，要亦宅心仁慈之表現也。

二 捐金潮汕防災

潮汕爲華南門戶，商賈輻輳，滬戰既作，敵機即時加肆虐，潮汕人士，爲防患未然計，

特組潮汕防災義捐勸募團，募集捐款，以資救濟；並派陳梅湖南來勸募。抵星後，頗得潮僑各界之同情。由潮僑領袖李偉南之介紹，拜謁胡氏。申請之下，胡氏立捐國幣四千元，以爲潮汕防災經費。

三 舉辦閩南平糶

閩省糧食，原不足自給，尤以泉州及汀龍各地爲最，山多田少，更爲缺乏；雖漳州一隅，產量較豐，然欲以接濟，則無異杯水車薪。故閩省糧食，向仰給外米。去年廈門失陷，交通困難，糧食之接濟，遂告斷絕。胡氏適在香港，見情勢嚴重，特與旅港閩僑鄭玉書聯名致電各地閩僑呼籲，集資倡辦平糶。除菲律賓濱福建會館響應外，其他各地，未有若何表示。胡氏乃倡義集資組織公司，由海外購米，運返漳泉平糶，並自認股五萬元，以爲首倡。後菲律賓同僑認股二三萬，合胡氏款得七八萬，公司遂成立，並向中央政府要求免征稅金，即蒙照准。於是向孔部長購外匯三十萬元，運米返閩平糶，成績甚佳。計平糶米十餘萬包，因外匯忽長，虧損八九萬元云。沾惠災黎，固不待言，而有裨抗戰，尤屬顯見。

四 節宴移賑災黎

節宴助賑，年來爲南洋僑胞所感倡，胡氏亦主之頗力。本年初春，胡氏旅港，特電星洲，囑其家人度年，擴除一切奢華，節令宴會之資，移賑祖國災黎，以副其救苦恤難之本旨。本年五月四日，胡氏三公子好，與陳秀容女士結婚於香港虎豹別墅。儀式隆重，感况空前，然能摒除繁文縟節，節宴費三千元，移賑災黎，計撥捐賑濟聯合會一千元，戰時兒童保育會一千元，傷兵醫院一千元。胡氏於香港紙醉金迷，胡天胡帝之場，能力除陋習，樹崇儉之風，亦足以使載歌載舞，揮金如土之高等難民，奪色汗顏也。

五 收容赴港難童

胡氏自任中國婦女慰勞自衛抗戰將士總會戰時兒童保育會名譽顧問以來，對於該會會務，極爲關懷，舉凡一切建設，無不力促其成。迨香港分會成立，去年七月間，元朗保育會開始收容難童，並假舊國家醫院，域多利監房等所設法收容，共達五百人之多。然街頭巷角，仍有啼飢號寒之難童，令人目擊心傷。分會當局何香凝，王孝英，胡木蘭等，面懇胡氏救濟收容。胡氏卽向香港政府建議，撥地四英畝以建難童收容所，一切建築費由胡氏負責，以後經常費則歸保育會供給。當時港政府亦嘗詢問，此項兒童收容至何時爲止。胡氏答曰：「候他日我國抗戰勝利時，當盡數移歸祖國，加以教養，斷不忍令其長久流落香港也。」後港政府允借鑽石山爲所址，但以三年爲期，三期爲限。胡氏建業，每喜一勞永逸，此項借地，不合本旨，乃以港幣一萬餘元，於新界購地三十四萬方尺，爲建築保育新院，以收容避港難童。本年一月，胡氏並將去年七個月之參政員公費國幣二千一百元，捐助保育會爲經費。

丙 慰勞

一 慰勞前線將士

戰事爆發，蔣委員長夫人宋美齡女士，卽聯合女界領袖，組織中國婦女慰勞自衛抗戰將士總會，上海香港各有分會，胡氏均捐五千元爲助，並贈大批虎標良藥。其後絡繹捐贈虎標良藥與其他慰勞團體及政府機關者尤多。前文亦已涉及，茲不贅。

去春，雨雪載道，將士缺乏雨具，冒雪殺敵，爲况良苦，而作戰力量，亦恐受影響。桂軍正副總司令李宗仁，白崇禧二氏，暨桂省主席黃旭初，特聯電胡氏及各僑領呼籲，懇募雨衣膠鞋二十萬套，趕解前方濟急。胡氏當卽首捐港幣二千元，函香港廣西銀行，代爲採購。

二 捐贈粵女戎裝

全面抗戰，廣泛開展，巾幗參戰，亦不讓鬚眉。粵當局爲發揚婦女抗日精神起見，對女壯丁之訓練，不遺餘力。去秋，胡氏亦鑒於此舉之重要，及物質需求之孔亟，乃概捐戎裝三千套，贈送廣東抗日自衛團婦女幹部訓練所，以備全體官生應用。該所得此有力資助，特專函申謝，並贈全體戎裝相片二幀，以留紀念。

三 創院養殘教遺

去年四月間，胡氏於離星返港之前，曾語星中日報記者曰：「此次抗戰，實爲我國家存亡，民族興廢所繫。前線將士，浴血苦戰，奮不顧身，犧牲壯烈，輝耀史冊。惟戰事停息後，死難及受傷諸將士，爲數必多，醫療撫卹，雖責任政府，然後方人民，亦當奮起協助政府之不及，方足以盡國民之天職，因是，鄙人準備再捐資二百萬元，爲創建殘廢軍人療養院及抗日陣亡將士遺孤教養院之用。此次往港，即欲乘間與國內當局，選擇地址，商酌進行。至於建成後，維持辦法，大可做歐戰時各國所行先例，以獲得最後勝利之日，定爲陣亡將士紀念日，動員全國學生青年，勸售血花籌款，以爲兩院經常費用。」次日，復分電重慶國民政府及漢口軍事委員會報告。電文云：「重慶林主席，漢口蔣軍委員長鈞鑒：文虎鑒於抗戰將士，壯烈犧牲，決捐助國幣二百萬元，爲協助政府創建殘廢軍人療養院及陣亡將士遺孤教養院之用，聊盡國民天職。謹電奉聞，胡文虎呈叩，瀆。」翌日林主席覆電嘉獎云：「星加坡高總領事轉胡文虎先生鑒：寢電悉。吾兄愛國情殷，屢輸鉅款，實爲全民楷模，羣倫表率，茲復慨捐二百萬元，創建殘廢軍人療養院，及陣亡將士遺孤教養院，宏願熱忱，至深佩慰。前線將

士，聞之將益爲振奮。抗戰前途，實利賴之。兄來電已交軍事委員會，特覆。林森，宥，印。』蔣委座旋亦來電致謝云：『高總領事請轉胡文虎先生：寢電悉，慨捐鉅資，救卹傷亡，本敵愾之同仇，宏胞與之軫念，允足以壯三軍之氣，垂百世之模，卜式高風，今尤遠邁；景懷高義，佩感殊深。當呈國府，特令褒揚。關於殘廢軍人療養院，及陣亡將士之遺孤教養院之設置，已飭詳擬辦法，並增撥基金，以期宏遠盡善，而慰我忠勇衛國之將士。卓見所及，並希惠示，以備採摘。該項捐款，盼即匯交中央銀行，專款存儲，俟規劃就緒，再行撥用。特此佈覆，並代傷亡將士，虔道謝忱。中正儉，二十八日待秘鄂印。』

胡氏抵港，爲促成此項創建計劃早日實現起見，復上書蔣委座，懇政府速即擬定計劃，於三月內完成此項建築工程，則養教有自，於我抗戰前途，將益臻勝利穩固，同時派代表胡兆祥，晉謁蔣委座，面陳一切。後以建築地點之安全問題，未能決定，祇得暫時擱置，以俟計劃妥定後，再圖進行。

丁 公債

一 首次認購二十萬

民國廿六年九月一日，國民政府爲應付非常時期之開支，維持長久抗戰計，特發行救國公債五萬萬元。胡氏以此項公債，爲救亡圖存之切要經費，凡屬國人，均應踴躍購買，惟星洲遠隔重洋，辦法未詳，特電南京經濟委員會委員長宋子文詢問。電文云：『南京宋委員長鈞鑒：邦家危難，輸財其時，文虎遠寄南邦，責不敢忽。茲願購救國公債二十萬元，請即示此項購買地點，至盼。胡文虎，冬。』後得宋委員長電覆，令交由新加坡中國銀行，掣取臨時收據。胡氏購後，宋委員長復來電云：『新加坡中國銀行轉胡文虎先生鑒，頃星中行電告

算款二十萬元已承交到，至佩熱忱。南洋僑胞，素具愛國熱忱，兄係總會常務委員，登高一步，定更踴躍認購，至盼熱烈推進爲叩。弟宋子文刪。」胡氏蓋已被聘爲救國公債勸募委員會常務，越日即接財政部聘函。該會會長爲宋子文，副會長陳立夫，常務委員除胡氏外，尚有孫科，宋慶齡，李石曾，何成濬，劉尚清，何東，李清泉，簡東浦，張伯苓，施肇基，顧維鈞，郭泰祺，俞鴻鈞，杜月笙，吳開先，宋漢章，汪伯奇，曾養甫，劉航深，徐新六，周崧，李國欽，黃伯權，黃宗宣，黃奕桂，洗成章等二十六人。

二 二次續購三十萬

救國公債亦稱自由公債，規定華僑銷一萬萬元，初期以三個月募足，胡氏爲鼓勵同僑，踴躍購募，俾早日足額計，特於同年十月，再致函新加坡中國銀行分行經理黃伯權續購三十萬元。其書云：

逕啓者，強隣壓境，國勢岌危，毀家舒難，此其時矣。文虎遠寄南洋，實不敢忽，除前已購買救國公債二十萬元外，茲願再認購三十萬元，連前共計五十萬元，聊盡國民天職，請轉達勸募總會爲禱。此致
中國銀行新加坡分行總經理黃
胡文虎謹啓 十月十八日。

同時爲便利各地同僑購買公債計，特命星洲日報實行代銷，凡願認購者，不論遠近，均可託該報辦理，惟數額則至少國幣十元，匯率則照中國銀行所規定，後有以代銷公債未得居留政府許可爲違法者，胡氏力斥其妄，謂爲庸人自擾。又有主張該公債可向銀行抵押者，胡氏亦會發表公開談話云：「公債抵押之事，本屬平常，惟此次之自由公債，則有所迥異，倘亦援通例向銀行抵押，寧非等於未尙募集？抑尤有進者，吾海外華僑，素有革命之母之譽，尙于國家事業，莫不爭相贊助。今茲之自由公債，發行於國家危難之秋，凡屬國民，俱應負

有認購推銷之責，良以國家興亡，人各有責，際此全面抗戰之時，正吾人報國之日，有錢者出錢，有力者出力，毀家舒難，亦份所宜，更何斤斤於銀行之抵押與否者乎？」同時胡氏且表示其本人所購之五十萬元公債，他日還本與否，尙未計及，苟得歸還，即吾祖國復興之時，屆時仍將一本初志，將該款舉辦國家公益事業云。

三 三次再購二百萬

四年前，胡氏漫遊歐美歸來，深感強國之計，首在普及教育，因發宏願，自行捐資在全國各省建築小學校舍一千所，以期促進小學教育。初期於五年內完成，後以抗戰軍興，工程停頓，各地人口疏散，建校益無從進行。本年四月間，胡氏念此款除已支用外，尙餘存國幣二百萬元，分存滬港滇等地銀行，未嘗活用，因特函電蔣委座，擬將此款移購救國公債，以利抗戰，待將來抗戰勝利，軍事結束後，復將此項債票，向銀行抵押現款，繼續進行建校。蔣委座接電後，以胡氏報國真切，覆電嘉許。胡氏得電，即分電各地銀行，撥款匯交國民政府，以胡氏名義移購公債，並電覆蔣委座察核；計撥上海華僑銀行五十萬元，昆明中國銀行五十萬元，香港中國銀行一百萬元。既而胡氏又獲蔣委座快郵代電，極加贊許，原文云：

國民政府軍事委員會快郵代電

辦四渝字八七六號

胡文虎先生勛鑒：接前八月四日大函，擬將未建築各小學存款二百萬元，暫移購救國公債，足徵先生情殷愛國，迥異尋常，無任欣慰。所商各節，經飭財政部核議去後，茲據復稱：『查胡君所請，對於先後緩急，均能兼顧，熱忱可嘉，似應照辦；至購買救債手續，應請電覆，先將該款列開清摺，以便飭知銀行核收，一面開列需要債票種額張數

，發票地點，以憑核辦。一俟購債手續辦竣，再由部擬定嘉獎辦法，呈請施行。等情。特復查照，即希逕與財部洽辦爲荷。渝蔣中正，辦，四，齊，印。卅八年九月八日發。

按胡氏對於購買公債之熱忱，初不僅抗戰以來之救國公債也，昔民國十八年國民政府財政部頒發善後短期公債，派員南來勸募，胡氏獨購十萬元以爲倡導，乃使同僑聞風而起，因此成績極佳，財政部會特給一等金質獎章以資激勵者。

第二章 慈善事業

胡氏之行慈善也，世人固以宅心仁慈，好施樂善，交口稱譽之，然胡氏之行慈善也，迥異乎世之所謂慈善家者，雖十餘年來輸將於慈善事業者不下數百萬，固未尚以慈善家自居也，反自倡其「以大衆之財，還諸大衆」之宏論，豪氣磅礴，獨步古今。世之發不義之橫財，以行小善爲懺悔者，對之能無愧色？至守財奴之坐擁銅山，一毛不拔，寧以遺不肖子孫，造孽揮霍者，更無論矣。且胡氏之行慈善也，抱大同之主義，施廣普之澤惠，獨任世人所色難，以維善業於久遠。十數年來，矢志勿渝，且於其虎標永安堂營業有進展時，則益加接勵，遑遑汲汲，爲善惟恐不及，以擬禹稷之與飢溺，殆不過是與？


第一節 醫院

胡氏以發售虎標四良藥致富，故其慈善事業，亦以捐資於醫藥方面者爲最鉅。良以生老病死，人難解脫，惟有乞靈於醫藥，以圖補救於萬一耳。胡氏因以創建醫院，造福貧病爲急務。


甲 國內之部

一 南京中央醫院

自國民政府奠都南京後，百廢俱興，蒸蒸日上。民國



院 養 療 弟 兄 氏 胡 宜 漳



十九年秋，胡氏旅行遠東各大埠，十月下旬，由津抵滬，先期由我國工商部，勵志社，及黨國要人等派員歡迎，並由公共租界工部局派警保護。旋偕上海永安堂分行經理李社松，工商部代表壽毅成等，晉京謁工商部長孔祥熙，衛生署長劉瑞恆，以及國民政府主席蔣介石，並參加首都民衆歡迎蔣主席祝捷大會。胡氏於參觀首都政府各機關後，深以無規模宏大，設備完善之醫院爲憾，因於衛生署舉行盛大歡迎會時，慨捐國幣三十五萬元，爲建立中央醫院之用，並隨將該款撥存上海和豐銀行備支。國民政府衛生署隨即聘請天津基泰工程師設計繪圖，招標承建。當即議定全部建築費爲三十七萬五千元，限一年零十日竣。次年六月，胡氏因加捐二萬五千元以完成之。


全院落成，政府對胡氏之嘉獎，殊爲周至。大門中央醫院之橫額，署胡文虎題。院內大客廳中，懸胡氏全身油畫像。候診室內懸國民政府頒給胡氏之「益在民生」匾額。此蓋衛生署呈請內政部轉請行政部議決請國民政府與獎狀同時頒給者，內政部則另給一等金質獎章，以昭激勸，而勵來茲。衛生署則發給奠基銀匙二枝，以留紀念。民國廿四年秋，胡氏環遊世界經滬，國民政府特再頒賜領綬采玉勳章一顆。章爲金質，中嵌圓形朱紅采玉一方，外有青翠花萼，光彩奪目，直徑三寸許，復刻國民政府文官處印鑄局特製字樣，其領綬絲質，寶藍色，外配錦盒，極爲珍貴。惟因時間匆促，未及舉行授勳典禮，特派專員送至船中，國府對胡氏可謂推崇備至矣。而中央醫院當局，以胡氏斥資建院，嘉惠首都市民匪淺，爲崇德報功起見，特請藝術家許士騏鑄造半身銅像一座，計高六十公分，用頂上紫銅，石基用意大利整塊雲石雕刻花紋，計高一百三十公分，莊嚴典麗，維妙維肖，頗能表現胡氏之偉大精神。二十四年秋，胡氏率馬華選手返國時，曾飛京參加該銅像揭幕典禮焉。


二 汕頭醫院

胡氏自捐建南京中央醫院，復撥款六十萬元，捐建汕頭，廈門，福州三地醫院。民國二十二年七月，胡氏抵汕時，即勘地規劃，捐資二十萬元，以建醫院。嗣因汕頭市政府規劃，

汕頭醫院

汕頭貧民工藝院董事長游劍池等負責進行，籌備一切。後根據前市長翟宗心所規劃之平面圖建築。全院計分三部，正中為醫院，右為平民醫院，左為頤養院。地址在崎碌。醫院名稱，經董事會議定「嶺東」「汕頭」「永安」






胡氏參觀汕頭醫院胡氏銅像留影


，三名函請胡氏擇示，後胡氏採「汕頭」一名。興工年餘，至二十四年秋始告落成。該院為範金鑄像以作紀念焉。

三 福州福建省立醫院

民國二十二年秋，胡氏返國，與閩省當局，磋商建築平民醫院事。閩主席蔣光鼐即指定



福建省立醫院之胡氏銅像



第二章 慈善事業
第一節 醫院
福建省立醫院

吉祥山爲院址，該地適在城內與南台之間，佔地二千方丈，並組織籌備委員會，負責進行。胡氏旋即撥款八萬元，爲第一期建築費。後閩變事起，因而中止。迨民國二十四年，省政府主席陳儀與胡氏商建省立醫院，胡氏前捐之款，責成財政廳於省庫券中，月撥萬元，分八個月還清，儲存銀行，作爲專款，並請胡氏續捐十二萬元，以足二十萬元之額。胡氏首肯，分四期匯交。十月十九日，由陳氏主持奠基禮。工程隨即進行，省政府爲紀念胡氏福利社會之功，特咨內政部呈奉行政院核准，鑄造胡氏銅像，樹立該醫院之前。民國二十六年五月一日，該院籌備處以春夏之交，時疫流行，民間多有籲請提早開診者，故除一面督促包工兼程建築，以期早日完工外，一面先就已告完成之隔離病房，設立臨時診療所，先期開診。是日併由省主席陳儀柬請各界參觀。該院規模宏大，設備完善，至次年春，始告全部竣工。

國民政府林主席，因嘉胡氏之功，特頒「仁心義舉」匾額一方。該院籌備處主任黃丙丁錄懸院中，用資景仰。又胡氏銅像樹立之初，省政府主席陳儀亦題詞勒石，文云：

胡君文虎，熱心義舉，中外蜚聲，閩省方籌建省立醫院，賴君捐國幣二十萬圓，有以成之。董其事者爰請範金鑄像，以垂永久云。


中華民國二十有五年十二月陳儀識(印)。

今胡氏銅像兀立院中，使八閩人士瞻仰儀表，景慕仁風，其或興臨淵羨魚之想乎？吾人有望焉！

四 廈門中山醫院

胡氏初擬於廈門亦撥二十萬元，建築平民醫院一所。後以廈門人口據二十年度調查凡十七萬二千五百四十九人，而失業者達十一萬九千二百五十三人之多，佔全人口百分之六十八強，念及社會經濟之凋蔽，爲治本之計，因決於平民醫院之內附設平民工藝廠一座，兩者相

輔而行，強壯者收容入廠，疾病者送院治療，待其痊愈而入廠習藝，並顧兼籌，博濟之功始臻澈底。於是乃撥五萬元為醫院建築費，而十五萬元為工廠建築及設備費，以禾山鳳嶼為平民工藝廠廠址，平民醫院則就博濟院改建之。後在着手籌備進行之中，廈門中山醫院函胡氏，要求將平民醫院與該院合併辦理，並請撥捐建築費八萬元。胡氏以該院為各方人士捐資所




胡 文 虎 民 院 捐 在

建，落成有日，一日驟變，不免物議，初未照准；嗣後該院一再要求，胡氏乃謂：本人對於公益，祇知量力捐助，以促其成，從不固執成見，致滯進行，甚或別含作用，而欲把握，一切計劃可由籌備委員會解決之。中山醫院乃召開董事會討論，並推林文慶等四人為代表，前往接洽。議定，胡氏乃於民國二十三年十月十二日，由中國，華僑兩銀行匯交中山醫院董事

會國幣八萬元。該院乃以建造平民治療室一座，專作救濟平民疾病之用，以期普及大眾，而副胡氏之望。

五 廣州廣東軍醫院

民國二十一年冬，國民革命軍第一集團總司令部，在廣州有廣東軍醫院之建設，俾病傷



軍士，有院治療，胡氏慨捐者萬餘元，為建治療室大廈一座。該室於二十三年五月竣工。該院為崇德報功計，特將胡氏台銜題室內，以留紀念。

總司令部軍醫處長溫泰和特函胡氏報告云：

文虎先生台鑒：廣東軍醫院之建築，賴先生鼎力捐助，革命軍人，受賜實多。現全院將落成，院內治療室一座，係由 尊款捐築，業將台銜鑄題室內，永留紀念。茲將該室全面圖，及醫院全圖各一幅，送請查收惠存，爲荷，敬頌

台祺！

弟溫泰和敬啓

五月七日


是年十月間，胡氏赴粵，曾往參觀，對該室建築設備，極感滿意。

六 廣州民衆醫院

民國二十三年十月，胡氏抵粵，參觀軍醫院之餘，與第一集團軍總司令陳濟棠談及附設民衆醫院事，極表同情，當即慨認國幣十萬元，捐建全部院舍，以利濟民衆。該院規模亦不小，興工年餘，始告落成。

七 惠州西湖醫院


民國二十六年夏，胡氏應惠陽官紳之邀，往遊西湖，當地各界人士，會熱烈歡迎。嗣胡氏以惠陽爲東江重鎮，竟無一規模完備之醫院，乃慨捐二萬七千餘元，請紳耆周醒南，張友仁等，組織籌建惠州醫院委員會，設計籌劃。乃勘定西湖南壇一廢廟曠地爲院址，面積計共百餘井，建築部份祇占一百一十井。鳩工庀材，凡歷十餘月，始告落成。該院座南向北，樹林暢茂，空氣極佳。並築車路一段，接駁環城南路，以利交通。建築雄偉，壯觀異常。於二十七年九月十五日，舉行開幕典禮。該院內容，計有外科診室，檢驗室，男普通內外科病室，女普通內外科病室，共設鐵床七十餘張，頭二等病室十四室，留產房二間，手術室，配藥室，消藥室，洗症室，領藥處，儲藥處等，餘爲董事會辦公室，院長，醫生，看護，會計，庶務等室，設備甚完全。



廣 州 民 衆 醫 院

八 香港長洲醫院

新界長洲一島，距香港約一小時之船程，居民數萬，多為漁戶，向無醫院之設，貧窮者



一罹疾病，惟有束手待斃。嗣聖約翰紅十字會本人溺已溺之懷，特設一贈醫所於是，惟經費困難，設備殊簡陋，重要病症，仍須送港療治。民國二十一年冬，胡氏偕秘書葉貴松前往遊覽，適見該院賃小艇以爲一婦人留產之所，不覺惻隱之心，油然而生，乃慨捐港幣四萬五千元以建長洲醫院，卽囑葉貴松策劃其事。葉君旋聘港戲班在該地演劇籌款，復得一萬餘元，悉心建築，卒底於成。當地民衆爲表感戴起見，特製胡氏半身銅像一座，置於院首正中，葉氏半身像片一幀，懸於大堂中央，並詳註其籌建該院之經過。該院復於二十三年十一月二十一日開幕，由駐港陸軍司令波烈氏夫人，主持典禮。該院卽交香港聖約翰紅十字會接管。國際聖約翰救傷總會以胡氏功著人世，特贈銀質勳章，而葉氏籌建勞績，亦不可沒，別給銅質勳章，以留紀念。

民國二十六年，胡氏以該院地點幽靜，風景秀麗，復撥捐三萬餘元，增建肺病療養院一座於該院內，以造福一般肺癆病患者，得有適宜場所，以資調養，恢復健康。

九 香港東華醫院

民國二十一年冬，胡氏因腦疾赴港休養，曾參觀醫院及東華東院。該兩院之辦理，胡氏極感滿意，惟病床之設備，微嫌簡單。蓋該兩院病床，除床板外，惟有一蓆，時值隆冬，一板一蓆，實不足抵禦寒氣；而病人養疴，尤需臥眠舒適，板蓆之外，若無墊褥，未免過硬，臥病日久，則益加痛苦。胡氏乃與該院院長陳廉伯協商，報効草蓆被枕一千套，褥厚三寸，招人承製，每套港幣四元四角九分。東華兩院病人，乃得高枕暖褥，臥沾澤惠也。

十 西安產科醫院

民國二十三年十一月初抵滬，除捐助其他慈善機關以鉅款外，並撥一萬元匯陝西省主席

邵力子，創設西安產科醫院及產科學校各一所。

十一 梧州醫院

民國二十四年十一月，胡氏赴粵之際，曾捐國幣一千二百元，贊助廣西梧州醫院經費。

十二 香港虎豹救傷處

香港虎豹救傷處，為胡氏於民國二十六年獨資創辦者，置備新式紅十字救傷車，為市民服務，不取分文。該救傷處設於銅鑼灣希臣街一號至三號。電話號數為二六九。是年五月十一日，由香港聖約翰救傷隊總隊長摩利士夫人主持揭幕，蒞場參與者，除摩利士夫婦，胡氏及秘書葉貴松外，尚有當地名流多人及青年會男女救傷隊及護士，中央，九龍，梅芳，文宣，陶淑等校友護士，暨旺角男女救傷隊人數達二三千，頗極一時之盛。該處長年經費，職員薪給，完全由胡氏担任，惟歸聖約翰管理。該處職員，俱屬優等人材，而担社會公益者。

胡氏本擬於全國各大埠，創設平民醫院，現以戰禍爆發，不得不中止，即已計劃撥款建築之瓊崖醫院及浙江醫院亦均停頓？是亦祖國平民因國難而蒙之損失也。

乙 海外之部

一 星洲聖安得烈婦孺醫院

星洲牛車水巴殺後之聖安德烈婦孺醫院，為救濟平民極有成績之慈善機關，惟因不景氣影響所及，經費亦大感支絀。一九三二年秋，該院因請胡氏昆仲前往參觀，並告以次年為該院成立十週紀念，擬修建院宇，增置設備，以期完善，而謀進展，惟籌措款項殊非易易。胡氏對於該院之辦理，深感滿意，因慨諾獨力捐資贊助。計宇院修建費一萬六千元，治療儀

器添置費二千元。翌年初，修建工程及添置事宜，次第告竣，乃再請胡氏昆仲，前往視察。胡氏蒞院參觀，甚感滿意，惟院中中西醫師及看護婦之制服，及留醫病人之衣衫，病室床褥枕袋，均嫌過舊，有失觀瞻，或且影響病人精神心理，乃以見詢。該院當局亦以經費竭蹶，未暇及此對。胡氏復全部報効一新，又費一千二百五十元。該院爲表示感戴胡氏昆仲大德起見，特勒胡氏昆仲紀念碑一方，於一九三三年五月三日，由總督金文泰夫人舉行隆重揭幕禮。我國駐星總領事唐榴，市政府主席漢氏(G. I. Han)等均往參加云。是年冬，胡氏因該院經濟困難，特再捐二千元以爲維持。

二 吧城養生院

荷屬爪哇巴達維亞之養生院，爲吾僑創設之慈善病院。一九三二年五月胡氏因腦疾赴爪哇萬隆(Bandoeng)休養，聞該院之名，因往參觀。胡氏對於該院之救濟各籍病民，改良當地衛生，殊爲嘉許，惟覺該院過於湫隘，對於療治工作，殊有妨礙，因自動慨捐荷幣二萬盾，增建新舍一座，於次年二月十九日落成。該院當局總理蘇善體，醫務主任柯全壽，秘書主任林茂燦，特聯名致函胡氏，請往主持開幕；胡氏因須赴仰光掃墓，不克前往，乃函請我國駐吧總領事宋發祥代表參加焉。民國二十二年十一月，胡氏蒞吧，再捐建八角亭一座，以供院中病人遊憩之用。


三 星洲戒烟醫院

鴉片之毒，盡人皆知，弱國亡種，莫此爲甚，若不厲行撲滅實爲人類之隱憂。一九二九年春，胡氏鑒於同僑之中毒者甚衆，又無力戒除，因上書海峽殖民地，輔政使司云：

輔政使司鈞鑒：本坡居民，貧弱者日多，推其原因，吸食鴉片，亦絕有影響。此種惡物，人人皆知之，非除去不可。但迄今仍未有成效。敝國僑民，正在設法救濟。此事非特於社會有極大利益，即貴政府亦極有所贊許；不特可減少貧窮人民，且可減少罪犯。文虎近聞班絲巴影之瘋人房，已遷移他處，該處房屋現向空閑，如貴政府暫時不用，

此地可否借爲鴉片推毒社之用，以便爲戒除鴉片者，爲調理之所。倘若此種建議，得蒙批准，則文虎當備一萬元爲該社之開辦費。如何之處，請爲示覆。

胡文虎上



第二章 慈善事業

第一節 醫院

中藥廠

後政府細加考慮後，以爲拒毒社之設，固屬重要，惟該地尙有其他作用，不便撥給，而其時陳篤生醫院已有拒毒療養室，染毒者可往該處就戒，胡氏茲願，祇得稍俟時日以實現之。一九三二年，我僑以振武善社組爲拒毒社，擬創辦戒烟醫院，以解烟癮痛苦，預計開辦費約七千元之譜。胡氏聞之，卽就餘存華民署之資遣僑工費中撥捐三千元爲之倡。後繼續募得一萬二千元，該院遂於次年五月間成立。不四月而就戒烟客得脫黑籍者，達五百人之多。因東請胡氏蒞院參觀，並開會歡迎。該院以院址湫隘，祇容一百二十餘人留院療治，而全坡烟癮多達七八萬人，若就現狀而言，須歷三十餘年而流毒始絕，深以爲慮。胡氏亦以爲善，因與該院院長陳樹南醫師計劃擴充，願捐新舍；先後四次，共撥款叻幣八千八百八十八元八角，該院乃告落成。

四 暹京天華醫院

暹京天華醫院，爲旅暹華僑公立之慈善機關，留醫就診，均不取費，成績極佳。民國二十二年十月，胡氏因視察業務赴暹，曾往參觀，慨捐暹幣二千銖，以贊助其經費。胡氏又以該院病人日常所着之紗籠浴布，頗不雅觀，恐礙國體，特請該院董事長伍佐南等，加以改善，並自動捐助國貨華裝長袴五百條，以供留院病人穿着。

五 巴城中華醫藥施濟會

民國二十二年十一月，胡氏因主持虎標永安堂吧城分行開幕，由星乘飛機抵吧。是月十九日，該地中華醫藥施濟會，開會歡迎，由該會名譽會長我國駐吧城總領事宋發祥主席。胡氏卽席慨捐荷幣一千盾，以供該會施藥之用。

六 吉隆坡華人接生樓

吉隆坡華人接生樓，爲吾僑著名之慈善機關，辦理極有成績。民國十七年十月，胡氏抵

吉隆坡，曾往參觀。返叻後，旋捐叻幣五百元，由關兆林轉交該樓，以充經費云。

七 森美蘭華人接生醫院

森美蘭華人接生醫院，係芙蓉華紳黃益堂所創設，院址原在芙蓉林檎路，辦理極有成績，惜院宇過狹，不敷應用。民國二十三年初，該院總理黃益堂乃商請胡氏昆仲撥資捐建新院。胡氏慨然允諾，乃就政府撥與該院之新址，請何光耀設計，測繪圖樣，興工建築。民國二十四年八月十九日，由胡氏親臨主持開幕。該院總理黃益堂會起立致詞，對於該院已往，述之甚詳，茲錄之以見其籌建始末：

胡文虎文豹先生昆仲，熱誠慈善事業，憤然報効森美蘭華人接生會，捐資建築此新接生院，以福利森邦之華人產婦爲，極可感。今日吾人歡迎胡文虎先生親自揭幕，尤覺喜慰之至。鄙人不才，得爲華人接生會之總理，此刻身居主席地位，甚覺榮幸。胡文虎先生熱心慈善，非但慷慨可風，而且睿智堪佩。因胡先生對於善款之施與，必須先確知該種事業爲利益大眾，毫不虛糜者。今日本院得受胡先生之贊助，亦即表示本院之事業，確爲利益吾僑，俯得扶助者也。胡文虎先生不但雄於資財，而且富於仁慈義俠之精神，故常用有形之金錢，完成無形之慈善，仁風義舉，令人無限欽佩。


本院建築費爲一萬四千七百三十元，但若連其他設置費用，統計在內，約達二萬元。然而此二萬金，在胡文虎先生博施濟衆之善績上，乃區區之一小部份而已。

憶自一八八八年當在外國僑居之時，鄙人即注意以新式接生方法，以福利各階級之同僑。蓋當時敵友某君之夫人寤益，備受危險，幸由一美國醫生及一受新式訓練之華人接生婦之救治，方告安全。此一事也，與鄙人之感觸最甚。吉隆坡華人接生院創設於一九一一年，時鄙人來森已數年。該院辦理完善，使鄙人十分信賴。及至該院成立數年之後，鄙人因感森美蘭一邦，欲求華人產婦永遠脫離愚昧與迷信之危險，亦須設立與吉隆坡接生院相同性質之慈善機關。此種主張，在一九二五年時，深得當地官場人士之贊同。鄙人深得華民政務司署之合作，以實現此主張，而歷任華民政務司，又不啻鄙人思想上之接生婦，使此種主張實現。

目下之新址，乃一九二六年，由華民政務司佐頓氏及鄙人所擇定者。同年，當地政府允年撥千元爲本院經費。然而，當時吾等身居華僑領袖之人，俱抱雄心，不欲即刻進行建築新院，蓋欲廣集經費後，始興建一與巴生醫院相似之

規模宏偉，經費充足之接生院。惜此美夢，乃爲不景氣所攪擾，不得已乃放棄較大之計劃，而就其較小者。最初吾人得善款一宗，並當地同僑之熱心捐款，先在林樣路一商店式之屋中，設一規模較小之接生院。但該院成立後，即深得僑衆之愛護贊美。此則須感謝院中職事諸君及尤啓和醫生者。尤醫生自一九三一至一九三五年之長期間中，熱心贊助，始終爲本院盡義務。當地華籍婦人，受其恩惠殊深，因尤君曾以精湛之醫術救治彼等也。此項善績，可由統計上看出：

接生院華籍人接生數



計一九三一年六月至十二月，本院接生之產婦共二百四十一人；一九三二年全年，共三百七十七人；一九三三年全年，共四百六十六人，一九三四年，五百五十一人；本年截止至六月底，已達三百另八人。其數字之逐漸增進，即可見本院及尤君之功績也。然而，在此種進步狀況下，吾人尙未滿足。鄙人欲使本院設於此小山之上，並計劃逐漸進展，因念及胡文

虎先生。乃特往星洲，面請贊助。當胡先生明瞭本院情形後，即慨允報効新院所一座，以利發展。測繪師何光耀先生亦概允義務測繪，於是即計劃成立芙蓉市上美麗無比之小醫院。至於本院之建築進行，則始於去歲，深得下述諸君之贊助：高等工程師志實士君，主持初步工程，以底於成。其繼任人譚貝爾君亦領導吾人，始終不倦。摩非君則贊助一切電氣設施事務。佐利君則為本院佈置花木。偉士哈君主持衛生設計。威廉士醫生則力使數里內之蚊蚋絕滅。林漢君給與擴展之土地。華僑朱載門君總理一切事務，絕不厭繁。概令人無限感謝。

鄙人對於大慈善家胡文虎先生，尤為感佩，因鄙人沉迷於建築新院之美夢，已歷十餘年之久，今一旦賴先生之力使此夢實現。若此急公好義，天必佑之，所謂「天佑善人」也。先生之大名，將永遠深印於華人婦女之腦中矣。此刻謹代表本接生會，敬獻此開啓院門之金匙，以為無限敬佩與感謝之表記云。

當時參政司亦代表政府向胡氏致謝。事後，我國駐吉隆坡領事呂子勤，曾據其事呈達僑務委員會，即蒙指令嘉獎。茲錄其公函如左：

案奉僑務委員會生管字第一一二號指令開：

「僑紳黃益堂，創設華人接生院，利益羣僑，實堪嘉尚。又經胡文虎先生等，慨捐鉅資，從事建築宏敞樓宇，更為可欽。仰該領事轉令嘉獎，以資鼓勵」等因，專此相應函達，即希查照為荷！此致

胡文虎先生

中華民國駐吉隆坡領事呂子勤，廿四年十月廿五日。

該院開幕後，蒸蒸日上，益形發達。次年四月，胡氏再慨捐一千另四十元，為建新式水廁，俾臻完備。

八 吉隆坡同善醫院

吉隆坡同善醫院，為葉觀威甲政所創辦，成立迄今。已達四十餘年之久，以贈醫藥及促進中醫中藥為職志。民國十七年冬，胡氏曾往參觀，捐款叻幣五百元以助經費。民國二十二年，得當地殷商廖榮枝慨捐女醫樓一座，該院乃得收容婦女病人留院。是年胡氏蒞吉隆坡參加第二屆馬來亞華僑運動大會，該院會開會歡近，並請贊助建設。胡氏當即慨允捐建免費

醫樓一座。後由何光耀設計，以二萬四千三百七十餘元由黃和先承建。民國二十五年，全部落成，二月二日由胡氏親臨主持揭幕。

該樓全部建築，純用鋼筋與水泥，美輪美奐，備極壯麗。計分上下兩層，屋頂則為一平台，面積廣濶，可容數百人。大堂入門處，上題同善醫院四金字，為國府主席林森手筆。入門壁間，嵌有石碑一方。碑文云：

胡文虎文豹先生昆仲，捐資建築此樓，贈與本院，爰勒此碑，永留紀念。

同善醫院總理陳德熾暨職員部同人敬立。

民國二十四年冬

內為醫生診脉室，共有四間。診脉室之右為候診室，左為書記辦事處及董事辦公室。再後則為藥室，藥庫，製藥庫，浴室，廁所，小便所等。中為一大天井。樓上第一間為應接室。再進則為議事廳，面積寬廣，約可容百餘人。樓之左邊，共有寄宿九間，供醫生及員役住宿。樓之右邊，則設有浴室二，廁所一，廚房及洗面處各一。由此沿梯而上，則為平天台。登臨其上，四周風物如畫，曠怡心神。

九 星洲善濟醫社

星洲小坡芒果路善濟醫社，開辦迄今，已達三十八年，貧病僑胞，前往求診者，每年有萬人以上，該社經費，悉賴吾僑慈善家贊助。胡氏自民國二十年起，每年必捐五百元，截止至今年已捐助幣四千元矣。

十 星洲同濟醫院

星洲同濟醫院為吾僑公立之慈善機關，歷史最久，成立於一八六七年，專以救濟貧病僑

胞爲目的，不特不受診費，病家持該院藥方至藥店配藥時，其藥費亦由該院負擔。平均每月前往求診就醫者，月達萬餘名。因歷來贊助人之多，故擁有房產甚富，每月租金收入二千餘金之多。民國十九年及二十年間，胡氏亦會捐助幣一千元贊助之。蓋其時市况最蕭條也。

十一 丁宜中華醫院

荷屬蘇門答臘丁宜(Tinjar)有中華醫院，爲當地惟一之慈善機關。民國二十四年初，胡氏至棉蘭，該院主事尤以玉君馳車趨謁，報告該院內容及經濟狀況，請胡氏將伯。胡氏本擬與尤君同往丁宜參觀，嗣因船期迫促，不克分身，乃命虎標永安堂棉蘭分行經理胡恩傳，越日代表前往，並予施賑。嗣胡恩傳卽往該院，由張甲政及尤以玉等招待，並導往內部各處參觀。胡君卽代胡氏捐贈大成藍衣一百一十套，荷幣三十五盾，請代購猪肉分發病人各一斤，及零用錢各一鈔，當時並分贈虎標萬金油各一瓶。院中病人，咸爲感戴。


十二 暹京中華贈醫所

暹京中華贈醫所，設於越鵠五角路，與天華醫院同爲旅暹吾僑之兩大慈善機關，辦理完善，深爲胡氏所嘉許。民國二十四年二月，特馳函慨捐施藥費暹幣一萬銖。該所接款後，大爲感激，除由主事人張德興暨全所同人函謝外，並登報表揚，而將胡氏肖像懸於該所之輔仁堂內，以崇紀念。

十三 暹羅肺癆病院診療所

全暹醫師公會鑒於肺癆一病，在暹羅境內，至爲猖獗，故將於一九三五年組織產除肺癆病公會，開始其肺癆病之抵禦剷除工作，顧該會經費未見充裕，故對於籌建醫院，收容病人之事，初未能實現，祇得暫設辦事處於黑橋紅十字會醫院之分院內。一九三六年夏，該會請

運 羅 師 務 院



虎標永安堂暹京分行轉懇胡氏贊助。胡氏當即函允，該會得訊後，即由副會長披耶順吞專函
伸謝云：

胡氏事業史略

胡文虎先生鑒：啓者，近由本地貴代表處，得悉足下樂意贊助本會，以促其成，惟先生欲明悉一切詳細計劃，因此特專函奉告。按本會擬建之醫院，將爲一種新式者，有患者驗病室，有醫師室，有配藥室，有供第一期病患者與暫痊者之療養室等。此項極新式之建築，預算建築費當在二萬餘之間，至於圖樣，隨後當即奉寄足下閱覽，足下樂善好施之名，已使東方人士深留不泯之印象，暹國亦然。足下最近捐巨款賑濟色梗港及萬磅之火災，至今吾人固仍念念不忘也。本會相信足下必能予以贊助，特此先函預謝！

暹國民政廳長兼剷除肺癆病公會副會長披耶順吞謹啓。


一九三六年九月，胡氏應暹國當局之邀，前往觀光。該會會長拍翁昭亞鐵亞帕（親王）特設茶會歡迎，並代表該會贈胡氏以獎章，聘爲永久名譽會員。胡氏當即慨捐暹幣三萬餘爲該會建築診療所之費。嗣因建築地點，未曾覓得，遷延甚久，迨一九三八年夏，始在暹京北郊，覓得地基一方，爲御產廳之物，廣約二十七萊（暹畝）。該會呈准攝政委員會主席，以每年一銖之租金，長期任爲該會病院之建築地址。該處遠離市塵，附近盡是稻田，阡陌相連，一望無際，空氣新鮮，地方幽靜，極合肺病療養。於是該會乃着手計劃建築。全部建築分上下兩層：樓下設候診室，診病室，發藥室，X光室，及其他科學備：樓上則有圖書室，標本陳列處，議事廳，醫師室及看護室等。至留醫病院及該會辦公處，則將建於該所後面，所內則立有胡氏昆仲紀念碑，以垂永古云。自是年十一月興工，歷九閱月，始告完成。全部建築費凡三萬一千一百九十五銖，內部裝置費約需七百四十一銖，胡氏除前捐三萬銖外，因再慨捐二千銖以完成之。

十四 霹靂華人接生醫院

霹靂華人接生醫院，創辦於一九零四年，初在怡保張伯倫路。迨一九三六年，乃以留產者日多，院舍不敷應用，乃有別建新院之議，當地礦業聞人胡重益，胡仁芳，曾松壽等捐贈

金寶路地基一方，面積凡六英畝餘，值六千六百餘元，以爲建築地址。一九三八年初，大興土木，開始建築，歷時二十閱月，斥資十六萬元，全部工程，始告落成，雄偉壯麗，爲全馬來亞接生院之冠，而其正中大廳，則爲胡氏昆仲紀念堂，因胡氏於興建之初，曾慨捐叻幣一萬五千元也。此外梁燊南，林英錦，陳森森等，亦以各捐七千五百元而有紀念室一間。

該院於本年十月八日，由海峽殖民地總督主持揭幕，儀式殊爲隆重，胡氏亦被邀出席參預，該院全部建築，計分六起，主要者爲高及四層之本身，其構造包括管理所，留產室，勞工室，手術室，診治室及實驗室。該院正中爲胡氏昆仲紀念堂，左爲勞工院，有床位五張，手術室及實驗室，右爲演講廳，爲諸女生聽講之所，旁爲診治室。院中設有升降機二座，其一供普通升降之用，機中可容担架床兩張，其一則專爲工作時所需者，此外尚有迴旋舒適之扶梯，直達院頂，二樓有休息室及牛奶室，二旁各有側翼，爲留產房，每房設床十二張，而二房之間之隙地，亦可容臥床四張，三四兩樓，設施與二樓同，院頂爲一寬敞平台，留產者得於晨夕散步其上，或作柔軟運動，該院現時可容產婦九十人，惟必要時尙得繼續增加其收容床



緬甸象音醫院

位。樓下有一走廊，通達看護婦宿舍。舍內有看護長，副看護長之宿舍，公共休息室及膳堂各一，職員宿舍可容實習生及看護三十一人。該院經費每月約二千元，而每年得霹靂津貼者一千五百元，其餘悉由募捐而來。

該院全部建築，計開工程費十二萬元，衛生用品配置費一萬元，升降機七千元，築路二千元，工程師一萬元，裝修費三千元，傢私一萬元，雜具五千元，共計十六萬七千元云。於此可見該地華僑熱心合作之一斑，此固深為胡氏所贊許者也。

十五 緬甸蒙音醫院

胡氏昔在緬甸時，嘗斥鉅資，捐建蒙音醫院，院宇作緬甸古式，莊嚴富麗，有若宮殿。

第二節 養老院

世界之最可悲者，莫若老邁無依，貧病交迫，痛已往之幻逝，悲未來之渺茫，生無所養，途窮日暮，情何以堪？是以我國有善堂養老院之設，以普濟鰥寡垂暮之年，亦以盡人羣互助之責。胡氏以仁孝故，推己及人，而努力於養老善舉。民國十九年夏，曾擬於上海浦東，撥款三十萬元，創建大規模養老院，以收容老人千餘名。後政府以地址不適，請胡氏將該款助建中央醫院，其事乃中止。然胡氏對於養老事業，固未嘗放棄，其後於海內外捐助於養老事業者，爲款亦不資焉。

甲 國內之部

一 九龍安老院

民國十九年十月，胡氏漫遊遠東經港，聞九龍有安老院一所，收容孤老六七十人，惟僅屋宇一座，年久失修，時有倒塌之虞，且因牆脚崩潰，港政府已有拆卸重建之令。院中老人，日夜憂慮，相率祈禱上蒼，求賜救星。胡氏乃往參觀，遂詢須款若干。據云五千金可成事，胡氏乃慨捐五千金重建之。院中老人皆大歡喜，歌頌大德不置云。

二 廣東老人院

民國二十六年三月，胡氏對於廣東老人院亦樂予將伯，慨捐國幣五百元，以助該院經常費用。

乙 海外之部

一 星洲安老院



星洲安老院大門

星洲安老院，原設紅橋頭，爲天主教女修道安老會 (Little Sisters to the Poores) 所主辦，專收容六十歲以上，貧苦無依之男女老人，經常費用，悉由該院女修道士逐日沿門托鉢，募化而得。院中未設傭役，老人之起居飲食諸項，概由女修道士擔任。該院成立於一九三五年十月十五日，惟因院舍湫隘，祇能容納老人五十名，故開辦不久即告滿額，向隅之老人，日見衆多，乃有募款籌建新院舍之舉。一九三六年三月，該會特發募捐啓事，向社會人士呼籲茲譯其文如次：

啓者，敝會安老院之設，專爲收容無靠老人，衣食住務求無缺，使彼羸身靈得獲安慰。但敝會自一八三九年，始自法國聖瑞隆城逐漸遍及五洲各國。現所設安老院已有三百餘所，收容老人，達四萬九千餘人。

近更遣派女修道士多人來星，先於本坡紅橋頭淡申律開辦安老院一所，分男女兩部，凡六十歲以上之無依男女，不分宗教國籍，均得入院收容。願敝院無經常款項，所有老人日用錢物，全賴外界捐給。院中女修道士，除在院服務老人外，每日輪流外出沿街募化。計開辦未及三月，院中即告額滿，而請求收容者，猶接踵而來。當蒙本區大主教捐地七英畝，決另建新院，廣事收容，惟茲事體重大，非得社會人士共同贊助，不易爲功。深望各界仁人君子

念垂老晚景之淒涼，體敝院綿力之微薄，一本博愛之心，同解慷慨之囊，俾新院得早日建成。他日此邦無依之老人，得具所以安度殘年者，莫非拜諸君子之恩賜也。倘蒙捐助基金，或財物者，不論多寡，一律歡迎。捐助人芳名，將登錄敝捐冊，以存紀念。

啓事發出，胡氏卽應聲而起，蒞院參觀，並聲言願獨資捐建足容三百人之院舍一座，惟鄭重聲明：「將來經常費，該院須妥爲籌措，不能藉口經費，將入院老人再揮之使出，流落街頭」。該院當局欣然應諾。該院新址位淡申路 (Thompson) 碧山亭對面，地廣六英畝，胡氏昆仲慨捐六萬元爲建築費，由何光耀設計，而次年六月，由總督湯姆斯爵士 (Sir Shenon Thomas) 主持奠基典禮，安置碑石，上以中英文鐫刻字句如下：

大慈善家胡文虎文豹昆仲獨資建築，使無歸老人，得以安居，感德之餘，爰勒此碑，永留紀念。

中華民國二十六年六月七日

安老院同人敬立。

該院動工經年，始告落成，而於民國二十七年五月十八日，由我國駐星總領事高凌伯主持開幕典禮，儀式隆重，冠蓋雲集，頗極一時之感。

該院全部均以水泥建築，上蓋紅瓦。大門有安老院門額。入門處，兩旁爲會客室，再進爲花園。花園右邊爲辦事處及洗衣室。右邊爲廚房，洗衣室內置新式電氣蒸衣桶，且有雨天晒衣房及盪衣房等。院內老人所穿衣服，概由修道女洗晒並熨燙者。廚房內置有大爐大鼎，由修道女親自烹飪。廚房內之側有貯菜房，貯藏菜餚之用。其洗菜砌肉等瑣屑工作，均有較壯老婦協助。花園之後部有雨蓋甬道，以通左右兩部宿舍：左爲男人部，右爲婦女部，中又有花園。左右宿舍各有上下樓房七幢，上均臥室，下則爲修道女室，休息室，餐室及小禮拜堂。禮拜堂內備有神壇，椅分三排，中爲老翁座位，兩旁爲老婦座位，修道女則全坐於最後

室內置有長椅長桌，壁上置有十字架，以爲餐前祈禱之用。休息室備有圓桌，供老人圍坐閒談。臥室內光線充足，空氣流通雅靜衛生；鐵床白褥，整潔舒適。園內百花爭妍，綠草如茵，置身其間，心神皆安。院中電火及自來水設備皆全。可容老人三百許，當時已收容一百七十四人，男八十八人，女八十六人，而修道女則有十餘人。起居有定時，生活甚恬適。每日於上午七時半進早餐，爲麵包及咖啡。中午十二時一刻午餐，下午五時半晚餐，均進飯，菜餚則暈素皆備，無不適口，且富滋養。以是，人或譽爲老人之天堂焉。揭幕之日，該院老人曾以金書獻頌，其詞云：

獻捐資建築本院胡大善士文虎文豹先生頌詞：

仁哉胡公，天生昆仲，慷慨爲懷，慈善是從。

千百善因，隨手播種；造福人羣，譽滿亞東。

星洲一隅，向多窮耄，晚景淒涼，無靠無告。

幸有修女，愛德隨，奉命西來，開院安老。

兩公聞悉，毅起同情；贈車代步，建院一新。

鳩工庀材，計日完成。門亭達道，燦然佳景。

無依老邁，原極可傷；將居是院，何異樂園？

際茲開幕，曷勝欣然！從此公惠，世世常沾。

念公德澤，感受深長。願公聲譽，永垂青鄉。

祝公昆玉，福壽無疆，謹奉頌詞，聊表微虔。

中華民國二十七年五月十八日


新加坡天主教安老院全體男女同敬頌

同時有住院老人代表致謝詞云：


「高總領事，胡大善士，諸位神長，諸位來賓，今日是新加坡天主教安老院開幕典禮。鄙人爲受惠老人之一，現在謹代表全體一百七十餘老人，起來向諸恩人致謝。尤其是胡大善士昆仲，同心同德慷慨仁愛，真令我全體無

靠老人，銘感五內。胡先生昆仲，不但捐這座六萬元新院，即院前寬闊大道，和壯麗門亭，所需萬元鉅款，也慷慨解囊。本院得有今日，完全拜胡先生昆仲厚賜，將天主造成的天地萬物以爲人用。兩位先生如是慷慨愛人，惠及貧窮白髮，可謂善用其財，必大悅樂天主之心。我等老人，來居此現世樂園，早晚祈禱中，切願求仁主，賜胡大善士昆仲福壽。還有兩位胡先生的夫人，捐贈鉄床一百七十五張，大工程師何光耀先生，破費精神與光陰，免費爲本院繪圖，監督規劃一切建築工程；令人感佩，好天主也必大大賞報他們。本區華大主教暨神父修女等，不但努力救靈，現在又大規模計劃，創設安老院，及設老無告者之肉身。吾等老人，也惟有在感激中，求主賜主教，神父，修女等，神形兼佑，德化日隆。不過本院如是寬宏，而用來恭敬生養救贖全人類造物主的地方則頗狹小，不能容納我們全體。鄙人今日在致謝諸恩人中，無限感激，不能盡表。請祝天主給福！」

胡氏介弟文豹先生對該院尤爲關心，新院未建時，即捐大汽車一輛，以利出入；一九二七年五月十二日，英皇喬治五世登極銀禧紀念時，復以佳餚親臨慰問院中老人，並有粵樂及歌女表演助興云。



星洲安老院內景



第二章 慈善事業

第二節 養老院

仰光養老院

二 仰光天主教養老院

民國二十四年二月，胡氏率眷赴仰光祭掃先人墳墓，會詢該地斯篤克禮街天主教養老院之請，捐緬幣一千盾，俾向法國訂購大鐘一個，以爲院中進膳時，敲打之用。同時又捐九千盾，爲該院作院宇修築費。次年二月，胡氏再赴仰光掃墓時，曾蒞院參觀其興修各處焉。

三 仰光杜宇尊養老院


胡氏在仰光，除捐修天主教養老院外，復斥資一萬三千盾，捐建吉葛散憐示光區杜宇尊養老院虎標藥房養老室。民國二十五年二月十六日，該室舉行揭幕禮，由緬甸森林部長宇峇帕主持。胡氏乘掃墓之便，亦參與盛典，並以衣服被毯等物，分贈院中老人。同時該地沙末公司準備茶點，以饗來賓。

四 棉蘭華僑慈善協會收容所

荷屬蘇門答臘棉蘭華僑慈善協會，係由我國駐棉蘭領事何天邁發起組織之蘇東失業華僑救濟會改組而成。民國二十四年初，胡氏由爪哇吧城乘飛機抵棉蘭，曾至該所參觀，購新衣一百套，分贈所中收容之老弱同僑，並慨斥荷幣四千盾，購捐地基一塊，計廣二萬八千方公尺，以爲建築新所之用。翌年春，該所以所舍湫隘，收容老弱僑胞達二百二十餘名之多，因與胡氏磋商建築新所，胡氏卽慨捐建築費一萬六千盾（約合叻幣二萬元），該所乃得興工建築新舍。是年三月八日，由黃總領事主持奠基典禮，茲錄其奠基紀念文以見顛末：

『本會成立於中華民國二十三年七月二十四日，以辦理收容所，救濟老弱無依之貧苦僑民爲宗旨。創辦以來，荷蒙各界人士熱烈愛護，精神物質，交相贊助，會務進展，非常迅速。民國二十四年二月間，蒙星洲虎標永安堂主人胡文虎大善士，慷慨捐助四千盾，購置甘光勿殺大地基，爲收容所之用。嗣因所內男婦，增至二百二十餘名，原有房舍，不敷應用，乃由本會主席毅銜，再商請胡文虎文豹賢昆仲，捐助鉅金，添建新收容所兩列，大食堂工場各

一座。又蒙胡先生函允，負擔全部工程建築費一萬六千盾。本會同人以胡先生昆仲如此樂善好施，造福老弱，感戴之餘，特計劃建築虎豹紀念堂一座於收容所內，以彰盛德，而勵來茲。復呈請國府林主席題寫匾額，以昭隆重，而壯觀瞻。新收容所及紀念堂圖樣，由本會聘荷蘭工程師高曼氏繪製。建築工程由林昇合，劉亞波二氏承造。民國



二十五年，公元一九三六年，三月八日，敦請駐棉蘭領事黃天邁先生主持奠基典禮，并函請各界僑團代表惠臨觀禮。本會第一二屆職員亦全體到場，共襄盛舉。茲將本會第一二屆職員名表，黃領事奠基祝詞，藏諸銀盒，封入基石內，用留紀念，而垂久遠。華僑慈善協會謹誌。

中華民國二十五年三月八日。」

嗣該所全部建築工程於是年十二月落成，仍請黃領事舉行啓鑰禮。胡氏因事逗留香港，乃由文豹先生代表前往參加。虎豹紀念堂內，並勒有石碑，白底金字，殊為奪目。茲錄其碑文如下：


「昔文王發政施仁，必先於窮而無告者，是可知安流輯仁，為古今之要務。自世界不景，百業凋敝，窮無所歸者多。民國二十二年秋，黃領事天邁先生駐節棉蘭，不忍華僑流離失所，特發起組織蘇東失業華僑救濟總會，各埠僑團領袖，以及好義之士，肄力經營，始告厥成。民國二十三年五月，易名為棉蘭僑慈善協會，以辦理救濟失業華僑及其他慈善事業為宗旨。規模粗具，成績亦稍可觀。旋蒙星洲胡文豹文豹兩大善士，捐資購置甘光勿殺地地基及房屋兩列，並建築新收容所兩座。食堂，廚房，工場，療養室各一，計荷幣二萬餘盾。杜陵廣廈，庇蔭貧寒，功德無量，直等浮屠七級。本會同人無以為報，爰於收容所內築虎豹紀念堂一座，藉彰盛德，復呈請國府林主席題額，以昭隆重。本年三月三日，籌備建築就緒，敦請黃領事主持奠基典禮，並請僑界人士惠臨。本會第一二屆職員均躬與其盛。茲當新收容所及虎豹紀念堂落成之日，謹誌其屋略，壽之金石，以為當世勸。」

棉蘭華僑慈善協會同人謹立。」

民國二十六年初，該會復函請胡氏昆仲為顧問，以示敬意云。

五 棉蘭濟安醫院

棉蘭濟安醫院亦吾僑之慈善機關，為張氏家族所辦，並附設老人院，收容老弱男婦凡三百餘人。民國二十四年一月，胡氏赴棉蘭，曾往參觀，深以老者得安，疾者得療，表其同情；並授意虎標永安堂棉蘭分行經理胡恩傳，於廢曆元旦（是年二月四日），備具老人院大成藍



瓦城民軍埠老人院

布衣服二百套，病院衣服一百二十套，猪肉三百二十斤，荷幣三十二盾，萬金油三百二十包，發贈院中老弱僑胞。

六 檳城觀音亭老人宿舍


檳城觀音亭，本茹齋念佛之所，主持廣通和尚收容茹齋老人，在內居住，百年之後，則爲舉行火葬。民國十九年七月，廣通以居住老人，日見衆多，原有房屋，不敷收容，特商請胡氏增建宿舍四間。胡氏當既慨諾，並親往踏勘，規劃興建焉。

七 緬甸瓦城老人院

緬甸瓦城民軍埠老人院，爲胡氏昆仲早年時，斥資緬幣五千盾捐建，收容老人數十名。

八 緬甸直通老人院

緬甸直通埠之老人院，亦胡氏昆仲早年居緬時，捐資五千盾所建，收容老人亦數十名。



直通埠老人院

第三節 孤兒院


孤兒爲不合理社會制度下之必然產物，伶仃孤苦，呼號無門，卽不夭折於自然淘汰之律，亦必遺棄其天賦棟梁之材，弱者流爲丐，寄生消耗，強者挺爲盜，貽禍爲患。是以仁慈長者，乃有育嬰堂，孤兒院之設，亦所以德體好生，拯救赤子，造福人羣社會也。胡氏素抱大同主義，幼吾幼，以及人之幼，因常斥鉅資，嘉惠孤寒，

甲 開元慈兒院

福建泉州開元慈兒院，爲星洲中華佛教會會長轉道和尚所創辦，成立於民國十一年，院址附設於開元寺內，本吾佛慈悲之旨，與樂拔苦，專收無依孤兒，施行教養，俾得成立。創辦之初，原定收容孤兒一百名，不久卽逾其額。其開辦經常等費，均由創辦人負責，特別費則由各方熱心家捐助。迨民國二十一年八月，該院以經費日絀，乃向胡氏請求贊助，胡氏卽慨捐國幣一千元，以資維持。

民國二十四年冬，胡氏蒞泉參觀該院，甚表滿意。時該院院長爲葉青眼，年已六十餘，而精神矍鑠，辦事熱心。院內共收容孤寒子弟二百廿七人，分高初兩級，教授普通學科外，又有竹木二科，以性近適合者升入。全年開支約一萬五千餘元。經費來源，大抵向華僑董事募捐。胡氏以該院工場，規模甚小，特捐五千元爲建新工場及宿舍。次年落成，該院卽名之曰永安工廠，蓋以紀念胡氏之事業也。全部建築以鋼骨混凝土，分上下二層，樓上爲學生宿舍，樓下則各科工場，除前辦之竹木二科外，復添設瓷繪及測繪二科。出品精良，暢銷於市云。


建福孤兒院胡文寬捐建



第二章 慈善事業 第三節 孤兒院

乙 福建惠兒院

福州之福建惠兒院創辦已久，甚為發達。胡氏於民國二十二年八月赴閩，聞侯縣長蘇濬輝，特介紹前往參觀，覺教養精神，尙堪滿意，惟無工場設備，使其生產，誠大憾事，因慨捐三千元為建工場一座。次年冬，工程告竣，該院乃來函胡氏伸謝報告云：



福建惠兒院工場

福建惠兒院工場

文虎名譽董事長先生崇鑒；承捐款建築工場，已於去年十一月十五日竣工。落成之日，原擬即行攝影奉奉，適閩變發生，秩序紛亂，而致停頓。茲檢奉像片兩張，一為動土時攝影，一為落成時攝影，藉資紀念。先生樂善不倦，胸與為懷，渠渠華廈，廣被孤寒，與本院同垂永久，為邦人士觀感之資，功在

社會，有口皆碑，用特聯函奉達，藉釋塵注。此後尙祈時賜扶匡，以維久遠。專此禱請
籌安！

福建惠兒院謹啓 廿三年一月廿二日

丙 淞滬廣慈苦兒院

民國二十三年十一月初赴滬，乘便參觀淞滬廣慈苦兒院，慨捐國幣一千五百元，院內三百餘苦兒各給新棉襖，棉袴，及鞋襪各一套，莫不歡天喜地，歌頌不止云。

丁 廣州聖嬰醫院

廣州聖嬰醫院 民國二十五年秋，胡氏赴港主持虎豹別墅落成典禮，曾入粵普謁行政院長蔣介石氏，並與當道會商建設事宜。同時曾參觀羊城各慈善機關，對於聖嬰醫院辦理雖得法，容積總覺過小，故特捐資二萬餘元，為建新院舍一座，於是年十一月二十一日落成，胡氏適赴粵，乃為主持揭幕焉。嗣該院即交基督教嬰會接收管理。

戊 雲南炳蔚孤兒院

雲南炳蔚孤兒院 民國二十三年，胡氏鑒於雲南省內慈善事業待辦者甚多，乃派代表胡榮淵赴滇，與省主席龍雲，建設廳長張邦翰等接洽。胡君回叻時，邀同鄉何景伊同行，與胡氏面商。胡氏初擬捐資一百萬元，為建平民醫院一所，嗣因該省醫院已多，而於兒童幸福事業則付闕如，乃決改建孤兒院，以收容孤寒。二十四年冬，何景伊銜命為代表，入滇邀請該省紳耆名流，假昆明市慈善會開會成立籌備處，進行一切。該會以孤兒院名稱涵義稍狹，擬改為「胡文虎胡文豹兄弟私立慈幼院」，以資紀念，而副其實。當即致函胡氏，徵求意見。胡氏旋即函覆云：

景伊鄉先生大鑒：昨奉台函，示情敬悉。創設孤兒院事，承代計劃進行，無任感激。該院經費保管委員會，既由敝備會推舉顧仰山，吳石生，馬伯安，葉壬恭，丁伯剛，侯佩青諸先生為委員，深慶得人。顧吳諸先生，德高望重，素為滇省社會人士所欽仰，保管經費，蒙允協助主持，私衷至慰。該院第一期建築費十萬元，前已由敝香港分行匯上，託龍主席夫人轉交，諒早收到。至院名更改為「胡文虎胡文豹兄弟私立慈幼院」一則，慈幼一詞，含義雖較廣，然所擬名稱，似覺欠妥。弟擬將院名改為「民衆慈幼院」較符救濟及養育民衆兒童之主旨。請將此意轉達顧吳諸先生為荷。 耑覆 祇頌
大安！
胡文虎謹啓 廿四年十二月十日

嗣因院址一時未能撥定，工作不免停頓。迨次年秋，省府飭市政府轉函慈善會，將該會育嬰堂管有之市南城外聚魁街空地一方，計三百三十餘方丈，撥作建築院舍地基。籌備處隨於八月八日，會同慈善會理事等，前往正式撥收清楚，呈報市府，轉請備案。而該地址東邊，與絲經業同業公會公地一小方毗連，約計一百餘方丈，該處復與接洽義讓，以宏建築，將原契交該處收執，該處亦贈新幣一百元，以作該公會另購公地之用。隨即電港，向胡氏報告，並積極進行建築。至該院名稱，胡氏擬改為「民衆慈幼院」惟該籌備處以不能表張感得為憾，乃復改訂為雲南炳蔚孤兒院，蓋取易經「大人虎，變其文炳也。君子豹，變其文蔚也」之義，所以紀念胡氏昆仲，同該院同垂不朽也。

己 星洲兒童保育會

星洲兒童保育會為極有成績之慈善機關。民國二十二年二月中旬，總督金文泰爵士夫人特邀胡氏前往參觀。夫人蓋為該會會長也。該會設有療病院，嬰兒療治院及女工寄兒院三機關。療病院設於夜蘭勿殺 (Arabian Passat)，門上有「嬰兒有病，携來醫理」之匾額。凡嬰兒携往求治者，皆以牛乳，並有印度醫生為之診治，概行免費。嬰兒療治院設於直落亞逸街 (Telok Ayer Street) 之天主堂樓下。凡有病兒前往求治者，彼等均轉送附近之聖安德烈婦孺醫

院診視，每日送院者常達百名以上。該院並養病兒以牛肉汁焉。至女工寄兒院則設於小坡民多律，陳嘉庚工廠前街，由一西人婦女管理之。該院計共樓上樓下四大間：樓下二間，一為四五歲兒童之遊戲室，一為辦事處，樓上二間，一有小鐵床十五張，餘床四張，收容一歲以下之兒童，其另一間則為二三歲兒童遊玩之所，院內有看護一人，女僕三人，五歲以上之兒童，已屆學齡，則不收容，父母送兒入院，每日僅須繳納一占至三占之費，兒童入院，先為之熱水浴，按時給食；上午七時半給予牛乳麵包及生菓，十時給牛肉汁粥，下午一時給牛乳，三時給牛肉汁粥，五時半閉門。當日留院嬰兒之母親，大多為陳嘉庚工廠之女工，每日來廠上工時則將兒女送院，落工則攜之回家。該院並有一義務醫師，每星期三蒞院檢查嬰兒之健康。每日留院兒童約三四十名。該三院以嬰兒保育會經費支絀，殊感難以維持，總督夫人於胡氏參觀之餘，請為贊助。胡氏首肯，立捐助幣一萬元為將伯。後該會舉辦嬰兒健康展覽會，胡氏常捐特別冠軍獎金以鼓勵之。民國二十四年九月，胡氏復捐三千一百另二元於鈕馬結律為建會所一座，以為託兒及施醫之所。

以上所述，皆胡氏獨資捐建，或以實力贊助者，此外尚有二事足述者：民國二十四年秋，向星洲工部局倡議設立貧兒收容所，或孤兒救濟院，如政府及民衆能共同負擔其經常費，則彼本人願撥四萬元，獨力捐建所舍一座。後工部局屢經討論，苦無的款可撥，因政府已負責兒童感化院之全部費用，並年貼基督教孤兒院四萬五千元，不欲別創新機關以重負擔，其事遂未果行。又，民國二十五年冬，胡氏於離港返星之日，特往廣東銀行，晤粵省財政廳長宋子良，議將深圳賭館改造為孤兒院，定名為革命先烈遺族學校，宋氏且允撥省幣十一萬元為經費。胡氏乃委葉貴松負責辦理之。

第四節 痲瘋院

民國十八年間，胡氏擬撥款三十萬元，於上海建造一大規模之養老院，其院址亦由政府撥出，圖案亦已繪就，惟社會人士咸以政府所撥院址，僻在浦東，舟車往來，殊多未便，皆不贊成，是以停頓。後政府請以該款捐建首都中央醫院，胡氏首肯，並加撥七萬五千元以足成之。惟所遺政府劃撥之浦東空地，胡氏仍思利用之以建痲瘋院一座。嗣後上海中華痲瘋救濟會，以滬上患痲瘋者近二千人，若無痲瘋院之設立，數十年後，將有染傳全埠之患，乃積極籌款進行。民國廿三年冬，在大場鎮擇定基地八十畝，而翌年八月由盛韻記營造廠承造。胡氏乃捐國幣四萬元以助之，並償宿願。該院於民國二十四年十二月十日，舉行開幕典禮。院內共有病房八幢，可容患者五百餘人，每房除設有鋼絲鐵床，書桌，衣櫃，電燈外，並附有浴室，抽水馬桶，盥洗室等，設備極佳。內醫院大廈一幢，即以胡氏所捐四萬元建築，因名之曰文虎紀念堂。此外尙有大禮堂，客廳，圖書館，工廠，交際室，廚房等。工廠分洗衣，木作兩種。凡輕病患者，皆須工作。院內除屋宇部分佔地二十餘畝外，尙有曠地五十餘畝，闢爲種植場，並豢養家畜，協助生產。規模之完備，在全國十三座痲瘋療養院中，首屈一指焉。

民國二十三年，瓊崖痲瘋院主持者，以瓊崖地方遼濶，痲瘋患者甚衆，原有院宇，不敷收容，致患者四散，流毒社會，因輾轉籌思，計劃第二期痲瘋院六座之建築，以資收容。該院乃呈請瓊崖綏靖委員陳漢光，及縣長廖國器，代函胡氏。六月間，胡氏自京滬南下抵港，得函卽慨撥二萬元，捐建第二期院舍，並囑從速興工，致六七百痲瘋病患者得棲有所。按該痲瘋院位海口西，秀英燈塔附近。胡氏所捐建者，於是年冬落成。瓊崖綏靖委員公署，特

給「博愛」匾額一方，並題褒詞云：


民國二十三年夏，胡文虎先生慨捐瓊崖瘋瘋院建築費兩萬兀。該院第二期院舍，賴以完成。景仰高義，欽佩無量，書此以贈，以揚仁風。

瓊崖綏靖委員陳漢光題。

該件匾額，

由星洲瓊崖聯商俱樂部及育英學校，以花車代表致送永安堂，永留紀念。

同時，胡氏復應石龍痲瘋院辦理人馬世義神父之邀前往參觀。胡氏乘艇抵院，六百餘病人列隊歡迎，保護隊則舉槍致敬，爆竹之聲，震耳欲聾。胡氏向病眾略慰問後，即令



分給贈品，並捐施藥物。在院參觀達四小時之久。厥時該院主持人曾刊鳴謝啟事於香港英文電訊報，茲錄其譯文如次：

香港電訊報主筆先生：

世界著名之大慈善家胡文虎先生，於五月二日惠臨敝院參觀，注意敝院之工作，關心病人之幸福，殊深感銘，更慨助藥物食品極夥，尤為拜謝。茲敬請先生賜予貴報寶貴篇幅，俾敝院同人對胡先生得盡情表露無限之謝意。

大慈善家胡文虎先生，首先惠賜敝院同人大餐多席，計屠猪五隻，合共費四百五十元。全院歡聲洋溢。繼分贈敝院六百三十五位病人安慰品各一大包，內盛面巾一條，餅干一盒，紫羅蘭香梘一塊，陳皮梅一包，虎標萬金油其藥一大罇，甜橙一個，荸薺一包，糖果一罇；另給衫褲每人一套，每套一元五角，計六百三十五套，值九百五十二元五角；帽四百頂，每頂值二元五角，計共一千元。又贈南印度伊那古南製藥部之伊那古南貿易公司出品，治瘋藥油 (*Hydnocarpus Wightiana Oil*) 一百二十磅，足夠敝院用以注射病人歷一年之久，值銀四百五十元。總共所贈款額達六七千元之譜。敝院同人感戴之情，可以想見也。

至於貴報惠賜篇幅，俾得表揚善德，亦感謝無已矣。

石龍痲瘋院馬世義上

同年，胡氏以撥資二十萬元，在廈創建之平民醫院及平民工藝廠，以辦事人不力，平民工藝廠僅建廠舍一座，工程遲滯，虛費鉅金，成績毫無，且該地僻處孤島，往返不便，深致不滿，因擬改建為痲瘋院。後以物色痲瘋醫無着，同時廈門官紳亦請撥該款及廠址，助建新式監獄，廈門痲瘋院之建築，乃作罷論。

胡氏以痲瘋為病中之最可畏者，患者痛苦萬狀，幸福盡奪，戚友相見，亦常避之若浼，惟恐染傳，大有六親斷絕之概，因頗憫之。民國二十三年冬，胡氏於捐建滬濱，瓊崖兩地痲瘋院院舍之餘，復於香港懸賞，徵求名醫於海口，石龍，東莞等處痲瘋院療治患者；任何醫師於有醫治痲瘋痼疾之經驗，而能往院治愈一人，確有實據者，即得向香港永安堂分行，領取獎金一百元，治愈多名則依次類推。是誠為痲瘋同胞，造福匪淺也。

第五節 其他慈善機關

胡氏除對海內外醫院，養老院，孤兒院，痲瘋院等，慨施巨款外，尚贊助其他慈善機關。茲舉其較著者如次：

甲 國內之部

一 汕頭存心善堂

汕頭存心善堂，爲當地聲譽卓著之慈善機關，向爲胡氏所贊許者。民國十八年九月，胡氏由港抵汕，參觀各慈善機關，曾慨捐該堂經費國幣二千元。民國二十一年春，又捐助萬金，以維經費。九月，胡氏赴港，贈汕頭市崎碌尾，土名海鄉洲，糧園地一方，計四百二十方丈，又尾坵糧園一小方，計四十二方丈一方尺六方寸四方分，與該堂作義塚之用。該兩處地契，當由胡會熾代爲交該堂收執。該堂總理楊柳岩當卽登報鳴謝。翌年四月，該堂復於汕市飛機場黃岡路，爲胡氏昆仲建紀念亭一座，以勵來茲，而彰善德。後，胡氏更捐施棺款項國幣八百元。


二 汕頭誠敬善社

汕頭誠敬善社，爲與存心善堂同樣性質之慈善機關，胡氏曾於民國十八年九月，捐國幣一千元以助經費。二十四年秋，復贈施棺十具。

三 上海遊民習藝所

民國二十三年冬，胡氏赴滬受軍政各界熱烈歡迎時，曾慨允捐建遊民習藝所舍一座。該項工程於次年完成，計國幣一萬三千四百七十元云。

建捐亮文胡院濟救建福



四 福州救濟院

福州普濟堂及殘疾收容所，因年久失修，頹圯不堪，閩省黨政要人，特於民國二十五年秋，進行募捐改建爲救濟院，但僅得一萬元之譜，尙不敷一萬二千元之鉅，因函懇胡氏贊助。胡氏當卽慨重季諾，如數輸將，以助其成。

乙 海外之部

一 星洲保良局

星洲保良局，爲辦理完善之無家可歸婦女收容所，不論婦人少女，在局居留，生活均極安適。一九三一年，該局收容人數達二百三十餘名，每年開支須三萬金，而政府僅撥給津貼二萬金，不敷甚鉅。是年十一月間，因邀吾僑領袖前往參觀，並請將伯。胡氏亦在被邀之列，當卽慨捐一千元爲倡。翌年九月，胡氏又再捐一千元以贊助之。一九三三年二月初，胡氏昆仲率家人同往參觀該局，並攜帶多量食品，香皂，及萬金油，分贈局中孤女。該局將收容之婦女，分爲長幼兩部，年長者授以縫紉等女紅，年幼者則施以相當教育。局中設三教室。每日上午八時半至九時早操，九時至十時早餐，十時至下午一時則進教室上課，下午一時至三時女紅，三時至四時則爲休沐時間，四時半晚餐，餐畢須至草場散步遊戲，六時半上樓休息及自修，八時半息燈就寢，此爲其日常功課。此外，每星期二特授馬來語二小時，以爲將來實用謀生之準備。每月初旬，必映演電影一次，以娛諸生云。是月下旬，胡氏撥津貼失業華僑回國餘款一千二百五十元，爲該局修葺病室之用。

二 檳城盲啞殘廢學校

民國二十一年七月中，胡氏抵檳城，參觀聖公會中西合辦之盲啞殘廢學校，因鑒於盲啞殘廢之痛苦，慨捐助幣一千元為補助金，並勗該校努力擴充，俾校外之盲啞殘廢僑胞，均得有所歸宿。

三 星洲天主堂女修道院

星洲小坡二馬路之天主堂女修道院，為收容孤女之慈善機關。民國二十二年一月，胡氏念院內收容華籍孤女必多，因乘廢曆元旦之公共假期，偕弟文豹前往參觀，並以糖果，面巾，肥皂，萬金油等，分贈留院孤女三百三十三人，以資慰問。該堂亦以大花籃二隻，奉贈胡氏昆仲。

四 星洲盲童教養院

本年八月間，星洲專利局暨糧食局主席查力氏，輔政司史摩夫人，及當地各籍聞人十餘人籌辦聖尼可拉盲兒院，以教養馬來亞千餘盲童，俾得謀生有技。胡氏善之，當即慨捐助幣五千元為建築費，想不久即可成立。

第六節 賑濟

胡氏歷來賑災恤難，濟貧扶困，慷慨所施，不勝枚舉。今姑就其較著者，約略言之，桂漏之譏，不暇計矣。

甲 國內之部

一 漳州水災

民國十六年夏，漳州水災嚴重，災區占地七縣，死者萬人，村鎮田舍，盡成澤國，損失達五百萬元以上。十餘萬災黎，毀家蕩產，嗷嗷待哺，兼以酷暑，疫癘叢生，胡氏聞之，備極關懷，特捐二千元以爲僑胞籌賑倡。

二 廣州兵災

民國十六年冬，胡氏組織籌賑會，籌款賑濟廣州兵災難民，而胡氏被推爲會長，主持其事。十二月間，歌舞明星紫羅蘭女士蒞星，該會即請其演藝二晚助賑，成績極佳。第二晚，籌賑會特贈以花籃一座，紫羅蘭即轉以贈胡氏，胡氏慨以叻幣一千元購之。

三 潮汕兵災

民國十七年，潮汕各地，因內亂擾攘，民不聊生，亦一本悲天憫人之素志，捐助幣一千元，託新加坡中華總商會代匯潮汕賑濟。該會即於五月一日，由四海通銀行電匯，伸汕頭國幣一千二百一十元，交汕頭總商會，轉汕頭籌辦潮州賑災善後處收賑。

四 漢口水災

民國十七年八月，漢口賭窟失慎，引起大火，釀成巨災，被災難民，達七千餘人之多，

啼飢宿露，爲狀殊慘。胡氏接讀報章電訊，立即自動由星洲和豐銀行，電匯二千元交漢口總商會代賑災民。

五 豫陝甘三省旱災

民國十七年，豫陝甘三省大旱，顆粒無收，加以兵革終歲，哀鴻遍野。時屆冬令，風雪交侵，號寒啼飢，災情至爲嚴重。當時黨國要人及慈善家起而組織豫陝甘賑災會，以馮玉祥爲委員會主席，並聘胡氏爲委員。胡氏立匯五千元以應。次年三月初，星洲中華總商會因接中央組織部特派員謝作民由寧攜來豫陝甘賑災會主席馮玉祥求賑函，念三省災情奇慘，籌款救濟，義不容辭，特組織豫陝甘三省旱災籌賑會。胡氏與廖正興、陳嘉庚、薛武院、李偉南，被推爲主席團。當場胡氏又慨捐一萬元，同僑響應者甚衆，成績甚佳，共募得二萬三千餘元。惟該會欲立匯五萬元，以資急賑，因向胡氏商借先匯。胡氏亦以急賑爲善，慨借四萬元，該會乃得由和豐銀行電匯，交馮主席分發施賑。是年六月間，胡氏因讀報載紅十字會報告，有謂因食品不良而致患瀉疾者，有因暴屍腐化，釀成疫癘者，乃特捐虎標良藥十大箱，逕寄上海華洋義賑會，託代運災區散發。八月，豫陝甘三省旱災籌賑會假新世界舉行遊藝籌賑，胡氏又報効虎標萬金油三萬包，虎牌火柴十萬包，美女圖二千幅，美人粉一千二百盒，共值四千八百元，並邀南洋女子體育專門學校瑯環女學，及客屬總會西樂隊前往表演，而全場佈置及一切費用均由胡氏負擔云。十九年四月，上海華洋義賑會致函胡氏云：

文虎大善長慈鑒：遠隔春暉，無任景仰。敝會日前寄上申報一份，內登廣告，所載各省災情甚詳。當茲春荒，百萬哀鴻，誠有岌岌不可終日之感；想一寓目，慈悲如公，必灑同情之淚。倘值斯生死關頭，多濟良藥，以及濟島，實勝於雪中送炭多多矣。頃接河南來電：「前捐萬金油治病甚效，請其再捐若干盒爲盼。河南省賑務會，陷一不敢沒公盛德，謹以奉聞。敝會據災區來電內云：陝災益酷，沔縣等災民燒食死尸，結果食者亦繼死。近又饑饉

數萬人等語，可謂莫大浩劫，乃亦做會辦賑以來所僅聞，惟望口角春風，拯斯遺子！惜西北交通梗阻，運輪艱品，極感困難，輾轉遲延，遠水不濟近涸，如蒙好善諸公，賜卹現金，尤救及時之急，此功此德，更有不可思議，尚乞垂注爲荷。專頌義勳

華洋義賑會謹啓

一九，四，一。

胡氏接函，卽再指撥虎標良藥十餘萬包，裝成十八大箱，爲值叻幣四千元之譜，輪運該會，施賑災區。

六 祖國洪水

民國二十年秋，祖國洪水爲患，黃河，長江，粵江，三大流域，同時水位暴漲，淫雨連綿，一十六省，頓成澤國，五千萬人，慘遭浩劫，各省政府及慈善機關，均極力籌賑，國民政府亦明令組織救濟水災委員會，急予救濟，並發行水災公債八千萬元，以應急需。胡氏於是年七月初，見粵省三江水災，當卽電香港虎標永安堂分行，撥款二千元，交香港東華醫院，代爲轉賑災區。旋東華醫院電乞虎標萬金油施救災區疫病，胡氏立卽電覆，並付鐵盒萬金油三萬二千包，計裝十箱，交輪運港，以便施濟。同時，胡氏於星洲聯合僑胞組織救濟中國慘災籌賑會，並被推爲主席，積極籌款，並自捐二萬五千元，先後匯交華洋義賑會及國民政府救濟水災委員會，普救災黎。

七 一二八之役

民國二十年九月十八日，日本軍閥，趁我國洪水滔天，戮力拯濟之際，藉口萬寶山事件，瞰擊瀋陽，強佔東北。翌年一月二十八日，復與吾駐滬第十九路軍發生衝突，大肆轟炸，十里洋場，半成瓦礫，百萬居民，悉處塗炭；家毀人亡者，比比皆是，負傷垂死者，尤屬凄慘。胡氏聞耗，立由和豐銀行電匯國幣一萬元交上海申報館轉中國紅十字會，作滬難救傷之用。二月下旬，胡氏鑒於滬戰劇烈，傷兵甚夥，持再匯一萬元，交上海永安堂分行范其務，

代發傷兵，每名五元，以資慰勞。並請星洲新世界報効三晚，遊藝籌賑，胡氏自捐千餘元爲倡。時何香凝女士在滬組織救護隊，胡氏初擬捐飛機兩架爲救傷之用。嗣後何女士來函，謂滬戰救護，因在市區，不需飛機，惟經費困難，望速輸將，胡氏得函，亦即電匯一萬元，以濟然眉。

胡氏之虎標永安堂上海分行，原在北四川路，因居火線，故全體人員於事前遷出。戰事爆發後，左右房屋，雖均被炸毀，永安堂則安然無恙，惟三樓高處略受微損而已。胡氏初以是行之被毀爲必然，至是乃知事出意外，特電託上海華洋義賑會，將該分行存貨，概行搬出，分施災民，所有傢私亦請拍賣助賑。迨五月初，滬上對虎標良藥之需求甚殷，胡氏乃派胡桂庚爲該行經理，赴滬復業。

廿一年六月，何香凝女士以滬上之事變，已告一段落，而東北之慘禍，則方興未艾，特再組救護隊北上服務，特電胡氏，請捐虎標良藥，以備帶往前方，救護傷兵難民之用。胡氏亦予慨允。九月初，上海辛未救濟會會長許世英，亦函懇胡氏昆仲施藥，亦蒙首肯。

八 救濟東北兵民

東北四省，自九一八難作，數千萬人民卽淪於人間地獄，慘不忍言。朱霽青將軍以救國拯難，悲天憫人之旨，主持抗戰救濟事宜。民國廿一年十月間，朱氏因救濟工作，需款甚殷，特函胡氏云：

文虎先生大鑒：欽仰英名久矣，無緣領教，時以爲憾。何香凝先生代募之藥品已寄到，正着手分配。難民聞之，無不踴躍，同感大德。竊以國家多難，災禍頻仍，政治不入軌道，工商不能振興，每次災禍之來，輒向僑胞呼籲。先生尤勇於救災，慷慨提倡，爲羣倫表率。國家利賴，實非淺鮮。近今天災之餘，日本人更肆其凶殘，公然試行吞併中國之手段。九一八發端，漸佔領東三省，成立滿洲爲國，以爲進佔黃河以北地步。假使河北不守，更將進取長江

一帶。日本之行爲如此，其他列強必難坐視，繼起分割華南各地，至此而中國真亡矣！故東北問題，不僅一隅的問題，實中國存亡整個的問題；欲挽救此整個的危局，非合全國海內外之力，一致動作不可！願台端鼎力玉成，毋俾功虧一簣，國家幸甚！民族幸甚！錄詳何香凝先生函，不另。專此奉候，即頌
時祺！

朱霽青拜啓

胡氏時寓香港，接函立電星洲總行，趕製良藥十萬包，運付東北災區賑濟，並分匯朱霽青，朱慶瀾兩氏各國幣五千元，以援助救濟。後朱霽青，朱慶瀾，蔡廷楷，溫宗堯等均聯電稱謝胡氏生死肉骨之功德焉。二十二年夏，胡氏再捐贈虎標藥三十箱，由軍事委員會總務處駐滬辦事處轉解前方應用云。二十五年秋，復贈良藥四萬件，交閩錫山將軍代爲分贈前方將士。

九 薩鎮水代表賑長樂福鼎霞浦三縣

民國二十二年，福建長樂，福鼎，霞浦三縣，因連年兵革擾攘，加以凶年旱魃爲患，地方糜爛，人民倒懸。七月間，胡氏抵福州，以各方呼籲，因於八月初由港匯國幣一萬元，請薩鎮水上將代表前往該三地放賑，計撥長樂五千元，福鼎四千八百元，霞浦二百元。後又寄薩上將藥品約二千元之譜。

十 香港煤氣爆炸慘禍

民國三十三年五月，香港西環煤氣鼓爆炸，被災難民甚衆。時胡氏適因事在港，當即親往調查，惟因難民散處四方，頗難統計，因遣人繼續調查，並張貼一佈告於遇難區域云：
此次西環煤氣爆炸，罹難同胞厥狀甚慘。鄙人目覩慘狀，不禁傷心，本賑災恤人之願，盡救傷憫難之責。茲備罹難同胞救濟費，每家港幣二十元。凡我罹難同胞，可向屋主或包租人領取證據，前來文咸東街虎標永安堂取款可也。虎標永安堂主人胡文虎佈告。

後罹災難民前往領款者甚衆，共計施款凡港幣一千餘元云。

十一 長江水災

民國二十四年夏，祖國江河並漲，泛濫各省，災情慘重，待賑孔殷。七月杪，胡氏聞耗，當即電匯國幣一萬元，並輪運虎標萬金油等良藥十一箱，值二千六百餘元，交上海特別市長吳鐵城，請代分轉各災區散濟。同時，復捐助幣一萬元，交星洲吾僑組織之籌賑水災會寄賑。

吳市長接款後，當即代轉鄂省主席張羣，張氏旋即將款撥轉湖北省水災救濟總會分配急賑，並專函胡氏伸謝。

八月間，胡氏因接虎標永安堂上海分行來電，謂水災區域，疫癘叢生，全國賑務委員會，再懇加寄大批萬金油應賑，乃命星洲總廠，積極趕製萬金油四萬餘包，計值銀二千餘元，分裝十四箱，運滬交吳市長轉全國賑務委員會委員長許世英，分運災區施濟。

翌年六月，上海籌募各省水災義賑會復致函胡氏云：

敬啟者，上年各省水災區災民，飢不擇食，渴不擇飲，以致入夏以來，疫癘叢生，無力就醫，慘斃時聞。近日致函本會索藥者，爲數日衆。夙仰貴堂監製之萬金油，八卦丹，頭痛粉，防治疫癘，功效甚宏，用特函懇，惠助多量，俾資轉發，而宏救濟。事關善舉，敬希俯允，無任感禱。此致。

香港永安堂

胡文虎先生

上海籌募各省水災義賑會

會長孔祥熙，副會長許世英吳鐵城葉楚傖王正廷王震朱慶瀾

中華民國二十五年六月二十九日

胡氏接函，即本濟世素志，急電星洲總行，運寄鐵盒萬金油一千打，八卦丹五百打，誦痛粉五百打，贈予該會救濟災黎。

十二 南寧火災

民國二十五年十二月，南寧火災，胡氏適在港，聞訊即匯二千元，交廣西綏靖主任李宗仁，代為放賑被災難民。

十三 祖國旱災

民國二十六年夏，祖國西北各省，雨澤愆期，災稜迭告，胡氏當即自動捐款國幣二萬元，撥救豫黔兩省。該款由中國銀行交國民政府文官處令發賑務委員會查收，分別轉匯施賑。同時，上海慈善團體聯合救災會亦函胡氏云：

敬啓者，今歲豫川黔甘陝晉等省，雨澤愆期，災情迭告，被難人民，數逾億萬，赤地不止千里，哀鴻遍于中澤。現屬炎暑，災民飢不擇食，渴不擇飲，瘟疫叢生，迭接各該省函電索取藥品，苦無以應。久仰台端，利濟為懷，樂善好施，用特函懇惠助多量萬金油，八卦丹等藥品，俾資施送，而宏救濟。敬乞俯允見覆，同深感禱。此致
胡文先虎生

上海慈善團體聯合救災會

二六，五，二三。

胡氏當即函覆云：

委員長孔祥熙副委員長吳鈇城熊式輝商震王正廷朱慶瀾葉楚傖屈映光杜月笙潘公展

庸之委員長，鈇城副委員長兩兄，暨各委員助鑒：由新加坡轉來五月二十三日惠函，拜悉各地災情，聞之惻然。茲遵命急電新加坡總行，配付萬金油，八卦丹各十大箱，即交貴會查收，並乞賜交災區，以盡文虎救災之責。特此函覆，並候起居。敬頌
時祺！

弟胡文虎拜啓

六月十日

乙 海外之部

一 資送貧病僑胞返國

胡氏自民國十五年前，即開始資送貧病衰老之男女僑胞返國。惟至是年特發啓事，更作大規模之資送。茲錄其啓事原文如下：

敬啓者，國人離別宗族鄉里，拋棄父母妻子，跋涉重洋，遠窺異域者，無非冀以勞力血汗之所得，藉博室家口腹之飽。然其中或以時運之不濟，或以軀體之殘病，致事業一無所就，甚或衰弱垂老，雖欲返國，一瞻邱墓，一晤家人，亦以苦於舟旅資斧之缺乏，不克如願以償；終以致葬身災荒瘴癘之中者，奚可勝數。嗚呼！人生至此，情何以堪？而吾人之得天獨厚，幸具協助之餘力者，當爲一援手以拯其困厄，亦即所以略舒人類中不幸之苦痛者也。

年前鄙人目擊此等慘象，惻隱之懷，慨然以動，因而有資送貧老男女僑胞返國之舉。此不過聊盡個人之棉薄，以示憐念疾苦貧老者之微衷，不意虛譽浮聲，轟然四起，是則殊有違於文虎兄弟之初意者也。

今見海外病老之男女僑胞，所在皆是。一息奄然，欲歸不得，情狀之慘，匪可言宣，爰不揣冒昧，鼓此一念助濟之餘勇，復特再次備資遣送歸國，俾辛苦終生之僑胞，得於其衰邁垂暮之年，一享室家團聚之樂。他日物故，亦得以正首於邱園，庶生養死葬，咸有所歸，不至如海外凄清荒寂之愁痛，時繫於老年之懷中者也。

嘗攷此類僑胞，工界最衆，其因此間氣候關係，不幸所罹之疾病，則頭痛，頭暈，牙痛，肚痛，瘡癩，吐瀉，口臭等症最多，而敝堂秘製之靈驗藥品，如頭痛粉即所以醫治頭痛，頭暈，牙痛之症，萬金油乃所以醫治肚痛暨瘡癩等外部之症，八卦丹則所以醫治吐瀉，口臭之症，故諸藥需要，常推工界獨大，是贊助敝堂之營業者，自亦首推工界，今以營業所得之一部，以爲助我獨大者助濟之資，固亦商業上酬答平昔顧客之一種普通原則也。

前此敝堂每年中提起贏利，以作慈善教育等公益者，僅爲百分之二十五，今復則將提取百分之四十，以備資助各種社會事業之用。鄙人之意，人生朝露，轉瞬即滅，黃白之物，既不能與生俱來，復不能隨生偕逝，其與吾人相聚集，正如友朋之偶然結識，終難免於離散之一日，彼爲子孫作牛馬，斤斤於個人之私蓄，而不顧羣衆之福利者，固非智者所屑爲。若文虎兄弟，則尤懇陋無爲，復鮮憑藉，敝堂藥業，赤手經營，幸賴國人之愛護，得有今日差堪立足之地位。區區之愚，覺天之所以報吾輩者已厚，今後所求，惟在能有多餘力，以爲濟物利羣之用；則素志以償，不敢更存奢望。自我得之，自我散之，以天下之財，供天下之用。鄙人不敏，竊具此心。邦人君子，其亦能垂鑒而將不

謂其狂妄也歟？則幸甚矣！

爰將此次資送返國辦法，條舉其概要於後，病老同僑祈一注意：

一，凡男女老幼僑胞，不論省界籍貫，不拘登岸地點，如不幸身體殘廢癱瘓者，均可取得此項資助。

一，名額二百名，按英屬各地僑胞人數之多寡，比例分配：新嘉坡一百名，檳榔嶼二十名，馬六甲十五名，吉隆坡二十名，霹靂十五名，芙蓉十名，仰光二十名。

一，由陰曆三月二十日起，至四月十五日止，除新嘉坡可直接向牛車水崎呢律門牌四十七號永安堂報名外，餘皆函請外埠商會代理報名，至截止時，彙報本堂，以便預訂船位。

一，四月十五日截止以後，即訂購和豐輪船公司豐中號之艙位。緣年前鄙人所送歸國之老僑，咸函稱該船當局，對於同僑，愛護備至，員役招待，尤屬殷勤云云。且該輪係華商所辦，搭載其船，亦可略塞漏卮，此次仍由該輪載運歸國者，即此意也。

一，每人贈送船車一張，現銀十元，虎標藥一大包，聊備途中不時之需。

民國丙寅年三月二十日。

次年春，胡氏更作第三次之資送，名額擴充至三百名，當時會在叻報刊登啓事及辦法，茲更著錄如下：

文虎居常日擊南洋華僑，多有身體殘廢，謀生乏術，貧病交加，老而無告者，終日流離道左，匍匐街衢，托鉢沿門，餐風宿露，爲狀之慘，誠不忍言。雖其中間有因人事不全，自暴自棄，以至如此者；其因環境所移，造化所弄，以至困苦者，固亦大有人在也。

此等可憐僑胞，其在家鄉毫無親故者，固無論矣，如果尚有依靠，可度殘生，有家難歸，欲歸無力者，又豈可任其飄零海外，乞丐爲生，貽笑外人，侮辱國體，而不一加以援手乎？彼外人之流落異地者，其政府必設法遣之回國，獨吾國則付之缺如，誠爲憾事。此文虎爲人道計，爲國體計，所以又有第三次資送殘廢貧老僑胞回國之舉也。茲將資送辦法及報名處列之於後。凡我親愛之老弱僑胞。歸家心切者，祈早日前來報名，以免額滿見遺是幸！

一，夏曆正月廿五日起至三月初一日止，爲願受資送者報名之期。

二，報名額滿或報名期滿後，即將歸期及所搭何船，登報通知。

三，凡身體殘廢，不能工作，及年在六十以上之老人，不能謀生，衣食無着，有家難歸者，均在資送之列。

四、此次資送額以三百名爲限，除送給船票外，每人另給費用十元，虎標萬金油，頭痛粉，八卦丹，清快水各若干。

五、凡願受資送者，如係華人，不論何籍，不分男女，均可到下列報告處報名。

六、此次資送範圍，先以英屬馬來七州府爲限，一俟財力勝任，自當再作大規模之資送。

七、報名處列左

(甲)星加坡 永安堂。

(乙)怡保 順億棧，英豐棧 限五十名。

(丙)檳城 佛學研究社 限五十名。

八、其因道遠不克親赴報名者，可託當地華僑商店，書名籍貫年歲，受人資送原因，原鄉有何親故，作函介紹，投交敝堂，經一番審查後，認爲合者，當將資証寄上，不合者恕不作答。

九、如有仁慈善長，同情此事，願附贈回國老僑以金錢或食物者，亦望預期通知，文虎自當代爲表揚。

十、文虎爲提倡教育，獎勵華僑歸國求學起見，擬將三百名定額中，抽出若干名，爲資送學生回國求學之額，茲亦訂定辦法數條於下：

(甲)所資送之學生，以確實回國求學者爲限。

(乙)報名期同上。

(丙)凡受資送之學生，文虎只担負其回國旅費，其手續與資送老僑同。

(丁)凡欲受資送之學生，于報名時，必須帶備原日修業學校之介紹書。

文虎以營業所得十分之四，爲教育慈善等事之費，前時有已宣言，今茲所以資送老僑及學生回國者，亦不外實踐此宣言，非敢謂此事即大有裨益于人類也，尙望各界好善君子，對於一切進行，加以匡助爲幸。

其後，星洲政府亦有資遣老弱華僑回國之舉，由華民政務司辦理。所有款項由居留政府及華僑慈善家各任一半，胡氏常贊助之。迨民國十九年政府有中止意，胡氏乃上書華民政務司署，對政府資遣老僑回國之善舉，願共同負擔，所有經費各負一半。茲更錄其原因於次：

華民政務司憲台鑒：敬啓者，值此土產落價，市况蕭條，失業工人，遍地皆是，壯者尙能勉強支持，一飽粗糲，而老病殘廢者，其謀生技能，本已喪失，平日已靠沿門托鉢，殘喘苟延，今則乞丐之數日多，此輩已被擠于無可謀生

之填矣，哀鴻遍野，待拯情殷，皓首殘疾，鳩形鵠面之徒，過敝門而求資送回籍者，無日無之。苟不設法安置，其慘殊不忍言。鈞署平日曾有恩恤老人，資送回籍之善舉。然近聞此項政府所措撥之慈善金，且將告罄，故文虎擬就個人能力所及，對於此種慈金，願與鈞署員擔半數，略盡憐貧恤老之微忱，仰副鈞署仁濟衆之至意。倘荷俯允，謹當薄捐一千元，奉存鈞署，以爲遣送殘廢老病之華人回國之資。此舉對於失業問題，雖非根本救濟，然亦正爲有家歸未得之殘廢老病所渴望者也。肅此奉達，敬祈賜示，以便祗遵，順頌

鈞安！

胡文虎謹啓

華民政務司接書，大加稱許，即函覆胡氏云：

胡文虎先生大鑒：謹啓者，頃奉本月二十一日頒來大札，敬悉先生慈善爲懷。念貴國年老或失業之僑胞，飄流海外，欲歸不得者，爲數甚衆，慨然首捐鉅資，遣送彼等回國，如此義舉，微特身受者感戴無窮，余亦欽佩靡已也。歷來此金之籌集，概由華僑團體仗義捐輸，聚土壤而成大山，築江河而爲大海，貴僑胞之仁風義舉，殊深敬仰。且前本署亦曾與寶號永安堂合作籌商，凡貴僑由寶號介紹前來請求資助回國者，概經署設法遣送。歷來成績，殊令人非常滿意。而今先生慨然納資一千元於本署，則日後之遣送基金，不虞匱乏矣。本署感德爲何如耶？現一俟尊款到後，即當轉請政府，撥出同數款項，爲遣送基金，成此善舉。近來市况蕭條，民生困厄，本署受先生之惠不一而足，臨風憶念，感戴靡窮，肅此奉達，諸希亮照。敬頌

大安！

華民政務司謹啓

此情發表於報端後，同僑之殘廢老弱，欲歸不得者，遂踵接胡氏之門，求介紹於華民政務司署，不數日間，而胡氏與政府合出之二千元，即將告罄。六月初，華民政務司特邀胡氏協商繼續合作資遣事，胡氏乃加捐二千元，請政府亦出同等數額，以嘉惠較多老弱。統計胡氏自民國十九年與政府合作以迄二十六年七七事變止，八年之間，所斥資遣老僑義金，凡叻幣一萬三千五百五十八元二角六占。今以戰禍擾攘，暫行停止。

二 施棺助葬

胡氏對於老弱殘廢，欲歸不得者，則資送其返國，俾得一叙家園天倫之至樂，以慰垂暮

之年，至不幸而物故天涯，殯殮無資者，亦撥資施濟之。民國十九年前，胡氏會施棺三次，共一千三百具，而第三次則加助治喪費用，每名計費二十七元。茲錄其第三次施贈棺木啓事於次：

嗟乎！貧苦旅人之最堪憫者，孰有如身後無依，殯殮無資，道旁有遺棄之葬，曾不得比於犬馬，猶獲掩覆於敝帷；傷心慘目，一至是哉！昔者，竊聞之，掩骼埋胔，成周之善政，然必待西伯而後興。世之能得柄位行仁者幾何也？緬維先民，有以匹夫而引義弗違者，莊生孔叟是也。莊對於不相識之枯骼，輒爲之興悲；叟對於無所歸之友死，必曰於我殯。三百篇之詩曰：「凡民有喪，匍匐救之。」何其願之宏而施之普耶？文虎雖有志而未之遂焉！自維耳目心思，既有所知，亦復不敢後人，前曾發願施送棺柩二次，計三百具，現已告罄，而踵門求施者，尙絡繹而來，不能不繼續贈送，并擴充其額爲千具，連殮葬費，按一中等價格，預算如左：灣頭棺十八元，飾終衣服並飾工二元，開擴抬棺四元，請醫生驗屍車費及出字費三元，計共二十七元。各種費用，均已在內，喪家可不必再出分文。凡同僑貧苦旅病之人，不幸告終，確係無力收殮者，可到本堂報明，請領施棺。一經派伴查實，自當准照手續發給。恐未週知，特登報聲明。

民國十八年八月二十日

厥後，自民國十九年起，截止至二十七年底，九年之間，胡氏復施棺二千三百一十七具，計費叻幣三萬四千七百五十二元三角整。今尙繼續佈施不止焉。

二 救濟火災

數年來，星洲會發生大火災兩次，損失重大，災民衆多，胡氏均本其悲天憫人之念，慷慨救濟，茲分述其梗概如左：

民國二十一年七月間，星洲丹戎禺 (Tanjong Klu)，水止民房失慎，致兆焚如，被災難民，爲狀良慘，當地政府又勒令遷移，不許重行修建。諸難民乃假星洲駁船業公局開會討論，請願政府，懇予津貼遷徙及建屋等費，並請林金殿率代表十餘人，面詢華民政務司，商請

辦法。計當日被焚之屋，凡三十二座，災民四百六十八人。結果，政府方面允津貼遷徙費，每間屋主五十元，計一千六百元。個人方面，胡氏昆仲捐九百三十六元，分給每人二元。林金殿亦捐三百元。均交華民政務司署分發。

民國二十三年八月八日，星洲河水山一帶又發生空前大火，茅房瓦屋，盡成灰燼，殃及地點，計有三村，中峇魯(Tiong Bahru)新鑿光(Kampung Bahru)皆與焉。當日下午火勢雖息，濃烟猶存，胡氏即親往視察，見災情嚴重，特撥款救濟，家賑十元。惟胡氏因事須於次日赴檳，不克親自調查施賑，特函託中華總商會代辦。其書云：

中華總商會會長先生大鑒：敬啓者，今午本坡河水山一帶，慘遭火患，災區廣闊，難民衆多，浩劫空前，良堪悲痛。文虎曾親往視察，慘狀凄情，目不忍親，欲稍帶棉力，加以援助，惟對災區難民，地廣人雜，匆促未易調查。昨午適有橫城之行，又不能預作周詳之統計。素仰

貴會爲吾僑之總集團，敬懇對於被難人家，詳實調查其數目，迅予示知。文虎兄弟擬對每一被難人家，各贈洋十元，由貴會代爲分派。事關慈善，諒荷 貴會贊同。救災如救火，尤盼迅速進行，不勝感禱之至。如何亟希示覆。專此敬請公安！

胡文虎敬啓

嗣後中華總商會經組織籌賑會，積極籌賑，各籍人士踴躍贊助。後費十數日之時間，調查結果，統計災民共九百二十戶，男性一千九百另三人，女性一千九百八十人，最後自動退出者九家，實數爲九百一十一家，當即馳函胡氏報告。華民政務司署旋召中華總商會派人參加賑災會議。胡氏亦被邀出席。經二次磋商，決定於十月二十八日發給賑款。計籌得福建會館二萬二千六百元，海峽時報讀者自動寄款一萬八千七百元，中華總商會一萬五千三百餘元，共計五萬六千元左右；依法分配，無家可歸者，人給二十元之譜，其得寄居戚家者，給十三元左右，而胡氏之家給十元一項，尙未計入。是月十八日胡氏撥款九千一百一十元，交中華總商會會長林文田，副會長林慶年，屆時代發。

民國二十四年二月初，檳城亞逸依淡村(Ayer Itam)發生大火災，當地華民政務司起而組織救濟會。時胡氏適以赴仰經檳，特捐助幣二千元助賑。

民國二十八年三月十五日，玻璃市(Peris)加基武吉(Kaki Bukit)大火，災民達二千餘衆，胡氏特捐一千元。派次公子胡山等前往施賑。

此外，胡氏對於暹羅火災，亦嘗兩予賑濟。緣民國二十五年四月間，萬榜巴利及色梗港發生空前大火災，焚毀房屋各達一千餘間之多，災情至爲嚴重，被難災黎之無家可歸者，數千餘之衆。胡氏因接暹羅永安堂分行電告，即令分撥賑款各三千銖，並萬金油二千包，轉交暹政府代爲施賑。後暹政府以胡氏樂善博施，見義勇爲，特諭內政部致函鳴謝，並於年七月二十八日，特頒獎狀，藉揚仁風云。

四 仰光地震

民國十九年五月五日，仰光發生劇烈地震，懼災甚慘，尤以臥佛埠爲烈，居民死傷數百，房屋被毀無算，因而慘召焚如者尤多，延燒至二三日之久，卽偉大之金塔，亦爲殃及。事後當地慈善家特組賑濟社，以謀賑救，並電胡氏，懇解囊助賑。胡氏立卽覆電，令向仰光虎標永安堂領款緬幣一千盾，急行散賑，以拯災黎於水深火熱之中。

五 救濟失業僑工

民國十九年夏，胡氏於與居留地政府合作資助老病華僑返國之餘。復念及失業僑工流離之苦，因於報端發表「關於救濟失業之我見」一文，云：

近來錫膠跌價，市况蕭條，失業遊民，到處皆是，影響所及，不特個人經濟大起恐慌，卽社會道德，地方治安，亦直接間接蒙其禍害，此宜急籌救濟之方，而通力合作之責，政府與市民宜共負也。

以余之見，救濟之法有二：第一，政府宜寬近郊曠地，建築簡單茅屋若干座，爲失業遊民收容之所。收集各地遊民

供以食宿，延聘名人，隨時爲通俗講演，并附設職業介紹部，與各地商店工廠農園礦場，溝通聲氣，隨時介紹相當之職業。則失業者獲得眼前之支持，自不至因食宿無資，挺而走險，貽害社會矣。第二，年來本市政府對於地方整頓，工程建築，積極進行，不遺餘力。余意宜乘此失業問題，正難決解之時，將計劃中之市政建築，提前舉辦，如武吉地馬一帶溝渠之建築，新加坡河積水之清濬，加東傍低地之塞填，邦加路，巴士班讓路，以及其他街市之改建，倡辦都市應有盡有之事。苟乘此時機，積極舉辦，在政府訂得工作較廉宜之工人，而失業者不至在收容所中優遊過久，重國家之負擔，而養成其懶惰之習慣，以工代賑之政策，中國之成法，歷驗之而有成效者也。

以上兩項，同時舉辦，則失業者不至流離失所，地方人民亦受其賜。至其經濟，則宜官民合作，如建築市府，以工代賑，政府祇就原定之計劃，變更預算，提前舉辦。經濟一層，不成問題。失業收容所居屋之建築，亦劃入市府範圍之內，無勞人民越俎代庖也。至於收容所之經費，及失業者膳食之需，則宜由市民組織募捐委員會，向全市人民募集之。華僑在經濟界，佔有相當之地位，現今失業者以華僑爲多，苟有舉辦，余信華僑之踴躍輸將者爲不乏人，即在募捐之熱心家，亦當奮袂而起爭先恐後也。愚昧之見，望熱心失業之官民，加以採擇焉！

當時星洲政府亦有採納之意，擬以三十二萬五千元建築新路，藉以救濟失業羣衆。胡氏復再致函中華總商會云：

中華總商會列位董事先生公鑒：敬啓者，晚今膠錫跌價，市場衰頹，失業工人，星羅棋布。經濟壓迫之結果，激者自殘生命，狹者流爲盜賊，懦而弱者，則流浪賦閒，束手待斃。報章所載，慘目傷心。各地官商，紛謀救濟。我星洲僑胞，素來熱心公益，不落人後，當此市面恐慌，難民滿目，似應組合大規模之團體，施行有計劃的救濟；直接以救失業之僑胞，間接以維社會的秩序。鄙意可由 貴會發起，召集各團體，組織聯合會。先仿雪蘭莪辦法，設立失業工人收容所，收容工人，供其衣食。一面與當地政府安商合作辦法：或建築市政，以工代賑；或設立工廠，教以技藝。治本治標，同時進行。濟弱扶傾，義無返顧。 貴會董事諸君，仁心俠骨，胞與爲懷。諒不以文虎之言爲河漢也。倘荷贊成，則聯合會成立，籌集經費，着手進行之時，文虎願首捐五千金爲倡，以後如有所需，仍可再盡補力。是否可行，惟諸君熟議之。專此奉達，即請
公安！

胡文虎敬啓

惜胡氏之願望，未能實現。次年以世界不景氣之襲擊，南洋市況，日益蕭條，失業僑工，頻增不已。淪落天涯，既無以爲生，遙望家園，乃益覺依戀。無如阮囊羞涩，斧資無着，望洋興嘆，行不得也哥哥！不得已乃羣向吾國駐星總領事館，及中華總商會，華民政務司署等機關呼籲救濟。後華民政務司署會撥資遣送若輩回國。是年初，檳城吾僑失業救濟會所資送之僑工一百三十餘，以祖國時值隆冬，此去禦寒無物，奔走呼籲胡氏即慨贈毛氈等物，并虎標良物。二十一年二月，星洲僑生華人所組織之亞洲失業救濟委員會，以經費困難，由政府接辦，併歐亞失業人士於同一機關救濟，胡氏亦二千元以助之。是年七月，胡氏復致書華民政務司兀敏氏 (Arthur Mitchell Goodman) 云：

華民政務司兀敏先生鑒：敬啓者，不景氣籠罩南邦，敝僑失業工人，欲歸不得，流離夫所，淒慘堪憐。荷蒙 鈞署撥資遣送回籍者，時有所聞。足見鈞署體恤貧困之至意。惟此種遣回工人，抵國後，或每苦於缺乏費用，以致中途飄泊者，頗不乏人。文虎有感於此，惻然憂之，擬撥捐助幣二萬元，繳存 鈞署。嗣後在七州府失業工人，由當地政府遣回送籍者，每名請代給一元，以資零費。諒 鈞署愛護我僑，無微不至，對茲瑣求，當荷 俯允。如何，請爲示覆，以便對款奉繳

胡文虎啓 七月廿一日

兀敏氏接信後，即覆函云：

文虎先生大鑒：頃奉大函，擬撥助幣二萬元，繳存本署，分給由敝署資遣之失業華人，益見博濟爲懷，實心愛護，不特受恩者銘感五內，即本司亦甚感隆情。請將銀則開列前來，以便照辦。但尊意欲每名給助銀一元，以資零費一節，其中情形，似有未便之處，希駕臨本署會商，或派代表酌採妥善之法。盼甚，幸甚，此覆。并頌

大安

一九三二年七月廿六日 七州府華民政務司啓

旋胡氏與華民政務司會商結果，議定將該款兌爲國幣，各給二元，即由政府遞解出境之僑胞，亦均得分沾此惠焉。

六 檳榔嶼濟貧

一九三〇年至一九三二年之三年，爲南洋經濟崩潰最甚之時期，而吾僑之失業無依，鬻聚檳榔嶼一地，仰慈善家之救濟者爲數尤衆。胡氏每蒞檳榔嶼，常廣開善門，散財施米，以濟其困。計一九三〇年五月，施財一次，達叻幣二千元。一九三一年十二月，又施財一次，叻幣二千元。一九三二年七月，施米散財凡三次，計叻幣三千七百元。三年統計，共叻幣七千七百元。

七 響應英皇弟募捐救傷

德國窮兵黷武，侵略波蘭，燃起二次歐洲大戰之火線。英國以保護波蘭領土之完整，興師遠征，以撲滅法西斯主義之毒燄。英皇弟格羅斯達公爵以作戰軍人亟待後方人民之慰勞與援助，特代表英國紅十字會及聖約翰救傷公會聯合委員會，通電全球英國領土，懇切呼籲，請慷慨輸將，以購買醫藥，寒衣及其他慰勞品。其致馬來亞人士一電，於九月十二日由馬來亞聖約翰救傷公會轉交海峽殖民地總督湯姆斯爵士。總督夫婦首捐叻幣二千元以爲倡導，各方即繼起響應。九月十五日，星洲華僑假華民政務司署，召開僑領大會，商討籌募事宜，卽席自動獻捐，計達七萬四千三百二十五元，內華僑銀行獨捐五萬元。越日，胡氏昆仲亦慨捐四萬元，由文豹先生具函送交馬來亞愛國金委員會。此爲胡氏首次輸將英國之鉅款。

八 鴨家船觸雷慘禍

最近，鴨家輪船沙丹納號於十一月十三日出口赴港之際，誤觸水雷沉沒，搭客多至六百餘名，內有客籍僑胞百餘名，除當場溺斃及死於中央醫院之四五人外，生還者一百十人，行囊悉付波臣，均待救濟。胡氏特撥一千一百元，交由華民政務司分發救濟，每人十元。

第三章 文化事業

胡氏除熱心公益慈善，慨捐鉅款，樂輸不倦外，對於文化事業亦極關心，而於新聞事業尤具興趣。十年內於海內外創辦報館，所斥資金達二百餘萬元之鉅。星系各報，風行寰宇，其傳播新聞，推廣文化之効率，實開南洋中西各報之新紀元，而於我國報學史上，亦佔有重要之地位也。

第一節 星洲日報

胡氏鑒於國勢陵夷，民智錮蔽，思有以提高國人之智識，並補助學校教育之不足，乃有創辦星洲日報之動機。民國十七年六月，胡氏乃着手籌辦，而於翌年一月十五日出版。其時南洋各地所出華文報紙，均極簡陋；言內容則剪襲強譯，人云亦云；言印刷則鉅釘滿目，亥豕莫辨；言銷路則局於一隅，寥寥無幾。迨星洲日報出，言論警惕，不偏不倚；消息翔捷，內容充實；印刷精良，銷路廣泛；一躍而執南洋報界之牛耳。

開辦之初，鄧荔生為總經理，朱寶筠任總主筆，日出四大張。是年三月，朱君辭職歸國，改由周逸農繼任。六月，鄧君復以志圖別業，辭職他去，並將所有股份，完全轉讓胡氏昆仲乃：以林藹民為經理，並添聘丘菽園等為編輯。是年七月，刊行星光圖書副刊，特約上海名畫家黃文農，葉淺予，郎靜山等為圖書記者，以增進讀者興趣。九月間，周逸農辭職，乃改聘傅先悶為編輯主任。嗣復增聘羅良鑄博士等為編輯。

翌年銷路激增，營業日進，乃添購德國新式印機，增置鑄字機，充實承印部，以應同僑文化事業之需要；更提高廣告刊費，減折團體學校報費，提倡體育事業，增出南洋問題副刊

，以促進同僑文化事業之效能。然而銷路與廣告雖增，以開支浩繁，第一年度之盈虧決算，仍虧折三萬餘元之巨。當董事會議時，胡氏對此毫不介意，反以溝通中南消息，促進僑胞與祖國之感情爲己任，決撥資更創星華星光兩報於汕廈，以相呼應。

民國二十一年，星洲日

報以南洋中西各報星期日有休刊之例，與服務社會之旨不符，乃不惜精神物質之犧牲，毅然打破此例。星期日增出星期刊四大張，內容除專電要聞外，另闢每週評論，經濟，文藝，體育等週刊及南洋研究，國際問題，婦女界，遊藝場，新聞照片等特輯。材料豐富，在華字報中，成爲創舉。迨是年八月，更因時局緊張，每日分早晚二次出版，早版六時發刊，晚版午後六時出版，全日共出八大張。更因創刊時羅敏申律一百二十號館址，爲



租賃民房，不足供發展，是年四月，胡氏乃出資叻幣十五萬元購置對門五十九號三層大廈爲新館址（卽今星中日報館址）。並添購大型平面印機，以應銷數激增之需要。同時代收匯九一八事變賑濟義捐，不數月而達國幣三十餘萬元之鉅，亦足徵僑胞對於該報信仰之普遍也。

民國二十五年，前經理林樹民去職，胡氏遂命賢阮胡昌耀君爲社長，經營該報。胡社長以該報業務既日趨發展，非更加充實設備，不足以應時勢要求，商得胡氏同意，購置英製長式大捲筒印報機一台，及其附屬壓製紙型，鑄造銅版，打磨鉛板等機件。繼復以舊館湫隘，不敷裝置新機，乃更請胡氏斥資購置羅敏申律一二八號現館址。次年九月，新機裝妥，乃全部遷入。該報新機，能自動套色印刷，割裂摺疊，每小時可印出八大張之報紙二萬餘份。每日開機二三小時，卽足供早晚版總銷額而有餘，出版之迅速，自可概見。

二十六年秋，蘆溝事變，抗戰軍興，吾僑對於時局之關懷尤切，該報乃增出午版一張，於每日午後一時發行，以補晨版之不足，而先晚版以報道。由是日出三次，編輯，排字，印刷，營業各部，工作日夜不輟。是年十一月，前編輯主任傅元悶辭職，乃聘關楚璞南來繼任，其他各部人員，亦大增聘，分工合作，以謀進展。本年初，復增聘郁達夫南來主編該報各副刊，以打破南僑各報輕視副刊之習氣，而爲南洋吾僑文化界敝一異彩也。

該報除按日發行早晚報及星期刊外，並於一週紀念，二週紀念，四週紀念，六週紀念，均發行巨帙紀念刊，今春十週紀念，則開始編輯『星洲十年』專書一厚冊。二十七年七月，復發行半月刊，初每期爲十六開版十六頁，本年因附刊『星洲文藝』，增至廿四頁；惜因歐戰爆發，紙源短少，暫行停刊。本年六月，開始印行八開本彩色畫報，名曰『星光』，月出一冊。現更決定於明春創刊英文週刊及南洋研究季刊，前者以介紹祖國文化與僑生同胞爲主旨，後者以探討南洋文化，華僑史跡爲職志；開專門研究之風，促同胞自覺之感，謀深慮遠，奮勉積極，良足多也。

第二節 星華日報

胡氏創辦星洲日報，對華僑文化既收大效，乃大感興趣，更思進而為祖國文化效力；乃於民國二十年籌設星華日報於汕頭，是年七月十日，開始發刊，日出報紙三大張，內容分社論，專電，國內，國際，華僑，嶺東，市聞，流星八欄。經理林青山。編輯主任王浩然。該報規模，雖遠不及星洲之大，然在嶺東，已屬首屈一指。其對政治社會之批評，立論不阿，言人所不敢言，極得嶺東人士之歡迎，不意竟觸當地駐軍獨立二師政訓處之忌，除於檢查上多方為難，復乘張師長瑞書晉省之時，勒令停刊一月。該報除不得已履行停刊外，即派代表晉省，謁陳總司令濟棠及張師長，報告一切，旋得取消前令。同時胡氏亦函陳濟棠，請糾正政訓處之乖謬舉動，並切實保護華僑投資。復版後，該報銷路日增，翌年日達八千餘份，突破一切潮梅各地報紙銷數之紀錄。惟因印刷不及，二月間改為二大張。三月初，王浩然辭職，由賴竹君繼任。是年四月，安置發動機，每日出紙增至二張半。五月，林賴二君相率辭職，乃由胡會熾任監督兼經理。七月初，復因新聞觸市長之怒，勒令停版五日。二十二年二月，胡會熾辭經理兼職，乃由盧辦馨担任。是年四月，該報社址由萬安街遷至新馬路自建新館。月間調編輯張壯飛為主任。盧經理辭職，由游子上繼任。七月中。游子上辭職，胡資周繼任。是年底，每日出報至三大張。

民國二十四年一月，胡氏於韓堤路新建三層大廈落成，乃與虎標永安堂汕頭分行同時遷入，並增購大號平面四板印刷機一架，每逢星期日及星期四增出半張。是年夏，減輕報費至每月八角，並向上海定購五號銅模及特號字粒，力謀刷新。

迨抗戰開展，汕頭迭受日機侵襲，該報同人均抱大無畏精神，在轟炸威脅下，工作不輟。及至汕市淪陷之前夕，始作有計劃之撤退，遷至大埔，繼續為閩粵內地同胞，作抗戰報導工作。




第三節 星中日報

民國二十四年，胡氏鑒於南洋各報，雖隨星洲日報倡導之後，均分晨晚出版兩次，然於遠東風雲緊張，世界危機四伏之秋，仍感不足，因擬創辦一午報以應僑胞之需求。是年九月十一日，星中日報遂以日出兩大張之午報與僑衆見面。嗣因定價低廉，每月僅叻幣六角，銷數激增，讀者紛紛要求擴充篇幅，尤以暹羅南部一帶之僑胞爲懇摯。蓋星洲日報前因刊載暹羅排華消息而被禁入口，凡訂閱或攜帶該報入境者，均認爲違法，有罰鍰及監禁之處分，而該報在暹羅南部銷行最廣，該處僑胞因失精神食糧，乃大起恐慌；迨星中日報出，雖聊堪慰情，猶未鑿其望，因紛紛函請擴充。是年十一月即增紙一張，嗣因編排及印刷不及，乃改出早版。繼而銷數頻增，廣告過多，乃於次年元旦增至四大張。前年復因擴充內容，更增至五大張，雖無晚版，然遇有緊要電訊，常出號外以補不足。去年乃正式加出晚報一大張。

該報創辦之初，卽由胡氏猶子昌耀任總經理，而聘胡守愚爲主筆，賃羅敏申律一三八號爲館址。迨去年八月，胡守愚去職，乃聘鍾介民繼任。是年秋，胡昌耀以兼任兩報經理，事務冗繁，乃商請胡氏改派其次公子胡山爲該報經理。會星洲日報遷往新址，星中乃遷入其舊址。本年一月，胡山因調任星檳日報經理，胡氏乃改派其長公子胡蛟繼任。同時因變更營業計劃，改爲每日早版出紙一大張，採精編廉價主義，以期普遍。四月間鍾介民調任星檳日報主編，而以星檳主編胡邁繼任，復改爲小型報；每日出版四小張，側重圖片及副刊，晚版出報一小張，爲別闢蹊徑之新型日報，因是大受學生界，婦女界，以及社會大衆之歡迎。九月，胡蛟調任總匯報社長，該報經理一職，乃復由星洲社長胡昌耀兼任。該報因篇幅狹小而取精編主義，對於廣告之刊登，限制尤嚴，售價則極低廉，每份僅售二占，然其營業則極平穩，良以該報附設之承印部，因印刷精良，營業極感，承印圖書甚多，爲南洋華文印刷業之巨擘，足以彌補故耳。

第四節 星光日報

初胡氏以廈門爲閩省最大通商口岸，尙無設備完善之報紙，乃斥資十餘萬元，創辦星光



日報。民國二十四年初，即購北中山路五層大廈一座爲館址，佔地一萬三千平方尺，價七萬三千元。隨即購置新式印機，羅致編輯人材，而於是年九月一日出版。經理爲胡資周。主筆爲羅忒士。

日出報五大張。迨翌年七月，始增出晚版一大張，內容計分電訊，本埠新聞，閩省新聞，國內新聞，國際新聞，經濟及副刊七欄。編輯新穎，朝氣蓬勃，出版後閩省民衆，耳目爲之一新，風行漳泉一帶，日銷萬餘份。去歲五月，廈門淪陷敵手，該報同人維持至最後五分鐘，始行撤退。

第五節 星粵日報


廣州爲我國革命策源地，且爲華南之最大都市，乃未有一大規模之報館，與京滬平津相呼應。民國二十三年十月，胡氏抵粵，有鑒及此，乃決斥資四十萬元，創辦星粵日報。當卽擇地於長堤，建築宏偉館舍，並由歐洲定購新式捲筒印報機。期年而館址落成，以長公子胡蛟爲經理，聘俞頌華爲總編輯，積極籌辦。出版之後，擬以飛機二架，二路遞送，一飛嶺東，一飛粵西，以供先覩。詎因規模宏大，籌備需時，而七七事變，已告爆發，廣州卽受敵嚴重威脅，惟該報之籌備工作，不稍輟止。經八個月之措置，一切漸次就緒，乃行將出版之際而廣州突遭淪陷，該報遂同其命運，良堪痛惜！該報所有一切，均爲日人強佔，而大型新式印機，則被運往台灣云。



報 日 粵 星

第六節 星島日報

民國二十七年，胡氏以甯滬淪陷，東南沿海且受封鎖，香港既蔚為文化中心，交通樞紐，於是乃復斥資四十萬元，積極籌設星島日報於香港，以適應環境之急需。八月一日，該報創刊，胡氏特揭發數義，以告國人曰：「一，協助政府，從事於抗戰建國之偉業；二，報導新聞，兼為民衆之喉舌；三，提倡學術，發揚科學之精神；四，改良風俗，善導社會之進步。」出版後，以宗旨純正，言論犀利，篇幅繁多，內容廣博，為港粵報界放一異彩。創刊號出紙七大張，銷數即達六萬餘份。該報為求國內發行報紙便利起見，最初在廣州設一辦事處，凡國內定閱之報紙，多由該處轉遞，以省郵費而輕讀者負擔。而於香港中環砵典乍街亦設一辦事處，以理本港定閱及送寄外埠之報紙，並便各界惠登廣告之接洽。迨十月十二日



星島日報

，南華抗戰序幕揭起，廣州辦事處因受影響，國內定閱之報紙，乃悉由香港寄發。報紙郵費加重，內地交通復以戰事梗阻，遞寄極感困難，不得已乃於十月下旬改出三大張，惟內容則未加削減，且電訊圖片反有增加。嗣以廣州灣地處重要，因在該地別設一辦事處，凡粵南嶺表所銷報紙，均由該處寄發。


全國抗戰至去秋，已轉入一新階段，當時消息緊張，瞬息萬變。該報感覺祇出日報一種，不足以盡報道之責，因於八月十三日創刊晚報，又於十一月十一日創刊晨報，每日各出一大張。晨報出版較日報早三小時，俾一般工商界於早晨品茗時得暇閱覽。該報於本年五月十四日創刊星島週報，每期一冊，以銷行國內及海外各地。出版後，以內容精警，定價低廉，而銷數激增，不脛而走。

星島於星系各報中，除星洲外，為規模最大，設備最完善者。籌辦之初，胡氏即命三公子好為經理，開辦後聘金仲華為總編輯，總理日報，晨報，晚報，週報，四部編輯事宜。惟各報均另有主筆，主持筆政。其組織系統，有足取者，茲著錄如次，以供參攷：

第三章 文化事業

第六節 星島日報


一四九



第七節

星檳日報

星洲，星中相繼出版後，銷行馬來亞北部以及暹羅南部，爲數不少，惟遞送需時，殊不便捷，胡氏乃計劃別創一報於檳城，以爲北馬南暹讀者服務。初在檳印行星洲日報檳城版，附正報以行；迨民國二十七年，乃正式籌備星檳日報。次年元旦創刊。館址設於檳城蓮花河八號，有自置大型平面捲印機一台，各種大小鉛字俱備，爲檳城設備最完善之華文報紙。董事經理爲胡氏次公子山。開辦初，主編由星洲日報編輯胡邁充任，後與星中日報主編鍾介民對調。每日出早版




兩大張，晚版一大張。內容分社論，中外電訊，國內要聞，南洋要聞，本嶼新聞及副刊。星期日發行星期刊兩大張，內闢文藝，婦女，教育與體育，電影與戲劇欄等。售價早版及星期刊每份二占，晚版每份一占。出版未幾，即以消息靈通，內容豐富，印刷精良，售價廉宜，風行北馬，中馬，以及暹羅，緬甸，蘇島各地，執北馬華文報紙之牛耳。

第八節 總匯報

一五二

總匯報為星洲現存最老之華文報紙，創刊於一九〇五年，為許子麟，沈聯芳，陳雲秋等合資所創立。翌年春改組，由陳雲秋與朱子佩合股承受，成為維新派之言論機關。光復後，維新派主張失敗，該報鋒鏑遂斂，然仍得廣告收入以維持。迨民國十八年（一九二九），始轉入廣幫僑商之手，改稱總匯新報，推何德如為名譽總理，梁顯凡為經理。二十年，梁顯凡辭



職，何德如自任經理，而以黃景棠為副。惟當時新報迭興，競爭甚烈，該報遂轉入暮態，營業大不如前。二十

一年，該報同事公推張玉琪任經理，艱苦支持，苟延殘喘。迨民國二十七年底，無法維持，乃決收盤。粵僑嚴瑞棠商請胡氏領導，組織廣東報業公司，於今年二月，全盤頂承，繼續出版。胡氏接辦後，以該報原有印機年齡過老，不堪使用，乃另行購置大型平面捲筒機一台，更新全部鉛字，遷社址於羅敏申律一百零八號，任大公子蛟為社長，嚴瑞棠為經理。最近調香港星島日報主筆馮列山南來任總編輯，復原名為總匯報。自是面目一新，現每日早版出紙四大張，晚版一大張。內容：中外電訊，國際，祖國，本坡及南洋各地新聞均極完備豐富，

而尤注意於兩粵內地消息，特派遣兩粵內地通訊員，以應粵籍僑胞之需求。副刊方面，側重趣味豐富之特寫，故其銷數，視前大進，捲土重來，未可限量焉。

以上各報，均胡氏獨資經營者，不以營利爲目的，專以服務爲前題，貯款以待虧折，贏餘悉資擴充。此外尙有得胡氏投資贊助而壯聲色者，則今有荷屬爪哇巴達維亞之天聲日報，曩有英屬緬甸之仰光日報，緬甸晨報，及星洲之星報等皆是。最近胡氏並計劃將於桂滇二省別創星西，星南二報，以爲抗戰建國期中，作有力之宣傳，堅民衆之信念云。

第四章 生產事業

胡氏自仰光遷居星洲，不十數年，而胡氏之名，震驚中外，此固胡氏之好施樂善，豪氣磅礴，有以致之，然其事業之飛黃騰達，亦有足述者。胡氏之生產事業，或因籌辦困難，負責乏人，或因時局影響，進行無從，而致停頓者有之；若以營業不振，虧蝕過甚，無法維持，因而倒閉者，則未之有也。蓋胡氏具犀利之目光，堅定之意志，絕不因利而動，見機而投，專於一業，不羨其他。惟因謀國家社會之福利，除舉辦公益慈善外，撥其餘資，創設報館，以迪民智，開發雲南，以資建國，探採金礦，以利民生，籌辦銀行，以利大眾，則固未尚以私利為終極之目的，此所以尤足稱道。故所謂生產者，謂為國家生產，謂為抗戰生產，謂為社會生產，謂為大眾生產，均無不可。

第一節 虎豹兄弟有限公司

胡氏所創各項事業，向均獨立組織，撥劃資本，註冊開辦。迨一九三二年九月五日，始向海峽殖民地政府註冊成立虎豹兄弟有限公司 (Haw Par Brothers, Ltd.)，以統轄各項事業，惟其組織，資本，則一仍其舊。虎豹兄弟有限公司額定資本一千萬元，付出資金已一百八十八萬二千一百元。胡氏自任董事主席，而以介弟文豹為常務董事，李社松為秘書。經理胡氏所有地產，房屋及其他業務。辦事處設於新加坡尼路 (Neil Road) 八十五，八十七，及八十九號，與虎標永安堂總廠同址。



星洲總行

第二節 虎標永安堂

胡氏以虎標永安堂業務之突飛猛進而發跡，故虎標永安堂於胡氏事業史中，佔一極重要之地位，不可以不詳加敘述，矧胡氏又以該堂營業贏利，半以擴充營業，半以舉辦公益哉？

甲 總行


虎標永安堂，原設緬甸仰光，迨民國十二年始遷星洲，以銷行胡氏所發明之虎標萬金油，八卦丹，頭痛粉，清快水四大良藥。最初設於廈門街 (Amoy Street)，繼遷絲絲街 (Cecil Street)。後以營業隆盛，仰光製藥廠出貨不敷分配，乃於民國十五年購地建大規模之製藥總廠於尼路。該廠地址面積凡三千方呎，樓高三層，屋頂並有露台，正門上層且有圓亭一座，全部以鋼骨水泥築成，至為雄偉。開幕之日(十五年二月十七日)胡氏大宴賓客，並於廠旁隙地，演劇三晚。其宴客情形，為况殊盛：首晚所宴請者，皆與永安堂營業有關係者，次晚宴請國內南渡之僑胞，末晚則請土生僑胞，三晚柬請賓客，約二千人以上。

總廠開幕時，胡氏因欲實行救濟被禁失業遊民，特向政府保出二十八人，各給土布衫褲四件，並枕蓆毡履等物，分別收容於其新建製藥總廠內工作。初總廠尙未竣工，胡氏乃令暫假永定會館為臨時工場，俾得棲息，設有不願工作者，任其自由他往。是亦永安堂總廠開幕時一佳談也。

總廠成立，星洲虎標永安堂遂為總行，以統轄各地分行。現有職員三十餘人，男工百餘人，女工五百餘人。平均每日可出萬金油三萬餘打，八卦丹一萬餘打，頭痛粉二萬餘打，清快水二千餘打。每年營業總額與仰光老行合計，達叻幣一千餘萬元。現任經理為李社松。

自抗戰軍興，汕頭淪陷，分廠失落，國內各分行之貨，悉由星洲總廠供給，工作至為緊

大廈及十座貨棧；自今春動工以來，貨棧次第竣工，十一層大廈亦已着手進行，一俟落成，總行即將遷往該處云。



張•本年
 三月起，
 日夜加工
 趕製，應
 付猶嫌不
 及，且營
 業範圍擴
 大，廠址
 亦感不敷
 。胡氏於
 去年另購
 本坡丹戎
 百葛區火
 車站附
 近空地一
 大段，籌
 建十一層

乙 老行

永安堂老行設於仰光廣東大街六四四號，為胡氏先人子欽公所手創，迄今已達五十餘年。初以發售國藥為業。自胡氏採用中緬古方，參以科學醫理，發明虎標四靈藥後，即設製藥



仰光老行

廠於是
，停止
國藥營
業，專
售虎標
靈藥，
營業日
廣，遍
銷南洋
各地。
治星洲
總廠及
汕頭分
廠成立
，業務
益為隆
盛。惟

十餘年來，國內外因奸商之影射商標，假冒圖利而引起之訴訟交涉，不下百餘次之多。所幸虎標良藥，胡氏已向各國政府註冊，他人不得影射假冒，故均失敗，然於此益可證虎標良藥功效之靈，銷行之廣也。

暹 京 分 行

老行現

有職工二百餘人。經理盧保仁。每年營業總額，與星洲總行合計，達叻幣千餘萬元。

丙分行

虎標永安堂之分行，遍設南洋國內各大商埠，若非戰事影響，各省分行將次



第設立。茲將現有分行，按其開辦年月之先後，分述如次，以窺一斑：

一 暹羅分行

暹羅虎標永安堂分行，設於曼谷石龍軍路二六五號，為分行中之最早者，開辦於民國十



年，係由仰光老行所分出，較之星洲設立總行尤早。現有職工三十餘人。經理范敏卿。每年營業總額約暹幣八九十萬銖。


上海分行

上海分行，設於寧波路五九五號，創辦於民國十八年，為國內分之最早者，

民國二十一年，一二八之役，曾一度停辦，將所有存貨生財，悉數托華洋義賑會拍賣助賑。是年六月，始以供應各方需求而復業。現有職工四十餘人。經理胡桂庚。其營業範圍，較其他分行爲廣，包刮江，浙，贛，皖各省，抗戰以來，虎標藥成爲軍需品，銷路激增，本年上半年營業總額已達二百餘萬元，預計全年可超過五百萬元以上。

三 香港分行


香港分行，設於文咸東街二十六號。開辦於民國十八年。經理葉貴松。現有職工二十餘



人，每年營業，平均達港幣一百萬元以上。自汕頭淪陷，分廠被燬後，胡氏擬於香港增設分廠以代之。

四 吧城分行

荷屬分行，以吧城一埠創設最早，開幕於民國二十二年冬，位於摩連弗力西街二一二號。現有職工四十餘人。經理胡賜梅。該行營業範圍頗廣，包刮井里汶，三寶壟，文島，烈港



，檳港，勿里洋，沙灣，高木，勿里洞，巨港及占碑等地。營業日趨進展，預計本年銷額可達荷幣百餘萬盾。

五 檳城分行


檳城分行，設於土庫街三十七號B，開辦於民國二十三年春。現有職工二十餘人。經理胡讓芳。該分行營業範圍為馬來亞北部，每年營業總額凡數十萬元。



檳 城 分 行

六 漢口分行

漢口分行，設於中山路三十號，開辦於民國二十三年，營業範圍，包刮鄂，湘，豫三省，年達百餘萬元。去年，我軍放棄武漢，該分行亦遷至萬縣，繼續營業。現有職工二十餘人。經理胡少吾。



漢 口 分 行




七 天津分行

天津分行，設於法租界二十六號路馬家口九號，開辦於民國二十三年，營業範圍包刮河北，山西，山東，內外蒙古，熱河及東三省。現有職工三十餘人，經理陳懋修。抗戰以前，每年營業，平均達百餘萬元，現因環境關係，亦受影響矣。

八 福州分行


福州分行，設於南台大橋頭一號，開辦於民國二十四年。原任經理胡兆祥，因現任國民參政員，不暇兼顧，自動辭職，改聘胡夢洲繼任。現有職工二十餘人。每年營業，原達數十萬元。抗戰以還，日寇封鎖吾國沿海各口岸，貨運受阻，營業遂大不利。



天
津
分
行

九 棉蘭分行

棉蘭分行，設於大街五十二號，開辦於民國二十四年，現有職工二十餘人。經理胡茂倫




棉 蘭 分 行

每年營業，亦數十萬盾，其營業範圍包刮蘇島北部，冷沙西，吉利，司馬委，大亞，齊，蘇，亞，實，武牙，及吧東等處。

十 重慶分行

重慶分行，設於道門口狀元橋二十號，開辦於民國二十五年，現有職工三十餘人，經理胡萬里。營業範圍，包刮四川，西康，青海等省。



十一 昆明分行

昆明分行，設於金碧路一二七號，開辦於民國二十六年，現有職工二十餘人。經理胡錦多。營業範圍為雲南全省。國民政府林主席亦希望胡氏能於該地增設分廠，以供國內虎標良藥之需求，而胡氏對此亦在考慮中。



行 分 明 肆

十二 貴陽分行

貴陽分行，設於南華路，開辦於民國二十六年秋，現有職工二十餘人。經理胡仲英。其營業範圍為貴州全省。



西安分行

十三 泗水分行

泗水分行，創設於民國二十六年冬，現有職工二十餘人。經理胡安定。該行最近始遷入望加蘭新址營業，營業範圍，包刮麻塘，馬都拿，孟加錫，峇厘，拍板，安汶，及萬鴉老等地，區域甚廣。每年營業總額約數十萬盾。




行 分 州 瓊

十四 廣州灣分行


廣州灣分行，為虎標永安堂之最新分行，本年春創設於赤坎市龍總督街。經理蘇濟實。現有職工二十餘人。半年來，營業已達三十餘萬元，且日有增進焉。

其他如廣州，廈門，汕頭，西安，海口，台灣等處之分行，或為日寇所推毀，或因環境之阻撓，均已停辦。其中汕頭分行，損失尤重。該行為民國二十三年所分設，且有製藥廠，以供給國內各地所推銷之貨。男女職工五六百人，每年營業總額達國幣二千餘萬元之鉅。抗戰軍興，敵擾華南，政府敕令疏散人口，無法工作。迨汕市淪陷，則廠內一切，均為暴敵毀滅無餘，殊堪痛心。此外尚有長沙，梧州二處分行，長沙分行自大火後，附設於貴陽，梧州分行則遷於桂林，繼續營業焉。



汕頭分行

效虎標永安堂二十餘年來，營業突飛猛進，推其故，除虎標四良藥之神效卓著外，之善用廣告，不惜年擲數十萬元之鉅資，以新穎奇特之方式，引人對於該四項良藥之注意信仰，實有重大之幫助。此亦胡氏之特長，而為商界同儕所望塵莫及者也。



梧 州 分 行

第三節 胡氏兄弟水力金礦公司

胡氏兄弟水力金礦公司，爲胡氏於民國二十三年九月二十日與怡保礦業鉅子胡重益合資所創辦，資本總額叻幣二十萬元，分作二萬股，每股十元，實收一十七萬零零一十元。位置在彭亨立卑 (Kuala Lipis) 北之雙溪都保 (Sungei Temau) 東，以偉大水力沖淘。該項水力，係彭亨政府特許，在二高山上蓄泉成池，乃藉機力以鐵管輸送而來，水力甚猛。一方以水沖洗泥中粘土，使沙石清淨。一方則藉水力吸引污水至金山溝而向外排洩，然後用人力與輕便泥車運載已經沖洗之沙石至另一沙溝沖洗，使泥質盡去，並由工人頻頽爬梳及淘去粗石。休工後，即可於此沙溝中淘出金沙。據稱每一泥車之沙石，平均可得二分左右之金沙，每日平均可出三四兩。金沙溝月清一次，尙有數兩遺留。故每月除消費外，尙可獲利數千元。現該礦年出純金一千二百英兩，待向美國訂購之磨石機運到時，即可開採石金，則其產金量定可增加不少也。該公司全部礦區凡八百英畝，其寶藏之富，除笠埠 (Raub) 澳洲金礦有限公司所擁有者外，全馬來亞無出其右者，數年來僅開去百餘英畝，餘者尙可開採四十餘年之久。據胡氏語人，將來擬將該公司所獲利益，爲設施彭亨慈善事業之用。

該處設有華僑學校一所，名曰『重文』，所以紀念重益文虎兩先生者也。職工子女之入學就業者，完全免費；職工婦女晚間亦得來校補習。校內設有籃球場，羽球場，及足球場等，供學生及職工運動之用。該公司現有工人八十餘名。

據該公司經理胡劍琴云，距今五十年前，該地已有梅縣大埔二屬客人千餘之衆，淘金殖，獲利甚豐，嗣因英人克利福氏 (Faulk Clifford) 出征彭亨，攻立卑時，炮彈墮落該地等乃相率上行六十餘里，僑居於呀辣頂，今尙有八十餘老翁能述當時情形焉。

第四節 開發雲南邊境

雲南省政府主席龍雲將軍屢邀胡氏入滇觀光，而胡氏本人亦擬親赴雲南考察，以便計劃開發，建設生產，贊助戰抗，嗣因業務忙碌，未克分身，因派國民參政員胡兆祥為代表，於去年七月由渝飛滇考察，並謁龍主席，協商投資開發雲南寶藏，發展國民經濟，而強增長期抗戰力量，結果甚為完滿。龍主席當即允劃雲南南部與安南接界處十三版地為華僑投資墾殖區，而積較浙江一省為尤大，該地帶土地肥沃，氣候溫和，宜于種植桐茶及金雞納霜等，此外銀錫銅鐵等礦產亦甚豐富。

自胡氏提議開發雲南後，國民政府經濟部及滇省建設廳，亦極注意開發問題，並聯合各實業團體組織考察團，前往該區考察，然後擬具開發墾殖計劃，逐步進行投資。胡氏旋亦派蔡成章，周醒南及康翰三君，前往參加考察。該省建設廳長張邦翰得訊，即馳函促駕，原函云：

文虎仁兄台鑒，昨奉還雲，祇悉一是，前托胡代表寄上銅鼎一座，不過聊以將意，辱承齒及，益深顏汗。長期抗戰以後，滇為後方重鎮，一切生產，急待開發，祇以人力財力所限，致蘊藏豐富，土地肥沃之邊隅，未克盡量開墾，深為缺憾。

台端振興實業，中外競仰，登高一呼，羣山響應，尙希鼎力提倡，俾早實現，國計民生，裨益甚鉅。承派周蔡康三君到滇考察，俟到時自當盡力幫助，以期終達目的也。專復即頌

籌祺

弟張邦翰謹覆

民國二十七年十二月十七日

嗣胡氏以開發雲南應由探礦入手，因於怡保聘請探礦技師，組織探礦團返滇測探，該團團長為胡兄弟水力金礦公司工程主任黃鳳，督探胡燕漢，助理吳西漢，淘洗胡濟益，技師卓

潭，黃漢初，鄒雲，陳元，黃安，黃炳坤，連財，鄒子謀等，一行共十二人，並攜有各項用具甚多，於本年一月中出發。出發前，胡氏於星洲維基利俱樂部設筵歡送，並對該團致誠懇之勉詞云：

「此次探礦團返國，乃華僑空前壯舉，目的在謀開發滇省富藏，以裕國力，其使命之重大，不言而喻。是以君等一舉一動，關係至鉅，不可輕率從事，應知責任之大，而益加奮勉，克盡厥職，而君等測探所得，應即報告來星。必要時，余亦將親自入滇，督率開發。吾人開墾目的，前已言之，非在謀利，純為救濟國內戰區人民，俾有棲棲之處，且目前南洋情形，遠非昔比，到處限制人口，此等同胞，倘不設法妥為安置，則走頭無路，難免受敵利用，是以救濟戰區及淪陷區人民，為抗戰救國中之要圖也。」

該團抵滇後，當由昆明永安堂分行經理胡熾基，介紹向各方商洽，繼以箇舊為雲南鉅大之錫礦區，久已馳名中外，實有先事攷察之必要，乃於二月杪，由胡君偕團長黃鳳及團員五人，搭車先往攷察一過。三月中，胡君復偕該團代表黃鳳，周金德，胡燕漢三人，趨省府謁龍主席，經指定往江外金平及黑江等金礦區測探。現該項探礦工作，尚在進行中。

第五節 創辦銀行

胡氏認建設社會及發展國民經濟，必須流通資本，欲流通資本，非創辦銀行不爲功。又鑒於星洲儲蓄事業之不發達，儲蓄者目無保障，因擬撥資五十萬元，創辦虎豹日夜儲蓄銀行，當即購得大坡大馬路海山街口之南洋煙草公司分行舊址爲行址。嗣以胡氏本人在星時間短少，而文豹先生又因事冗無暇兼顧，事遂中止。此民國二十二年時事也。

時十九路軍治閩，省主席蔣光鼐，屢請胡氏返閩策劃建設，胡氏亦主籌資一千萬元，創設一銀行於廈門，以使南洋閩省間之金融，得有相當聯絡，惜亦以籌集不易而中止。

本年八月間，南洋各地客屬代表大會於星洲客屬總會舉行時，胡氏宣佈計劃創辦一客家銀行，額定資本叻幣四百萬元，收足二百萬元即開辦。總行設於星洲，其他各埠得斟酌情形，設立分行。其最大目的，在輔助各地客屬同僑經營工商業，凡屬客人，無論男女，均可入股，並擬一種特別優待辦法，使股東可以得享優厚權利。現各方對該銀行認股甚爲踴躍，刻已達一百餘萬元，實現之期想不遠矣。

跋語

右胡氏事業史略一卷，計四章，都八萬餘言。所據材料，除歷年來各地報章之實錄外，並參攷虎標永安堂星洲總行之簿記，而主纂者亦嘗實地諮訪調查。惟胡氏事業，千頭萬緒，時雨春風，澤被中外，設欲於短期內，遍詢各方，詳考顛末，固勢有所不能；茲殺青匆促，不遑復校，挂漏傳訛，容或未免。尚希胡氏賢昆仲及有關係各方，並讀者諸君，曲加鑒諒，多多指正，是深幸禱！

中華民國二十八年十一月二十三日，編者草於希夷室。

跋

余承家叔命接管本報後，越三年而恰逢創刊十周年紀念，因以發行紀念專冊之意見，商諸主編關楚璞先生，承其貢獻印行星洲十年之議，且得請於家叔而實施。調查編輯工作，計自民國廿八年二月一日開始，至同年十一月底，而原稿告成，印刷工作，自是年九月開始，至十二月底，而全書出版。蓋由規劃以至於完成，恰費時一載，足見書成之不易，而關楚璞先生規劃之功，及專任編輯姚楠，張禮千，許雲樵諸先生晝夜辛勤，編撰讐校，始終其事之績。乃至本報編輯部諸同事如郁達夫張匡人李葆貞張子斌鍾介民諸先生贊勸編撰譯校之勞，外勤同事如薛殘白王哥空李天常石韞真吳繼岳蔡建弈李金泉諸君，本處書記張精一翁文健余鶴年陳炯卿郭鈺鸞諸君，分任調查訪問之責，本報畫刊編輯徐君濂胡秋浦兩先生分司編繪地圖插畫及表裏裝幀諸務，皆足使余永鐫心版者也。

竊維吾華裔僑居南島，歷時千年，人逾千萬，而坊間記述南洋風物之書，善本乃如鳳毛麟角，其他專門科目之研究，更寥若晨星，即

間有出版物刊行，類多登載商店人名，餘或招攬廣告，藉以營利爲主。而附以節譯英文類書材料，充塞篇幅，粗製成書，內容如何，不遑顧及，此等刊物，充塞坊間，心實恥之。本書出版，特矯其弊，除取材務求正確，考訂不厭求詳外，更屏絕徵費登載店人名惡習，以保公正之立場，放棄表面內容巨額廣告收入，以保清潔之面目。若夫編末特載一篇，專載家叔十年來於海內外所創立或捐助之公益慈善文化等事業，非敢自炫，亦聊以示家叔生平盡瘁於國家社會事業之純誠，而期社會明達諸公之相與策勉云爾。

中華民國廿八年十二月一日

永定胡昌耀跋於星洲日報社長室